

ও হঠকারিতাই হবে)। না তারা বলে : এই কোরআন সে নিজে রচনা করেছে ? (এরূপ নয়;) বরং (একথা বলার একমাত্র কারণ এই যে), তারা (প্রতিহিংসাবশত) অবিশ্বাসী। (নিয়ম এই যে, মানুষ যে বিষয়কে বিশ্বাস করে না, হাজার সত্য হলেও সে সম্পর্কে নেতিবাচক কথাই বলে। জন্ম করার উদ্দেশ্যে আরেক জওয়াব এই যে, এটা যদি তারই রচিত হবে তবে) তারা (-ও তো আরবী ভাষাভাবী, প্রাজ্ঞ ও বিশুদ্ধভাষী) এর অনুরূপ কোন রচনা উপস্থিত করুক যদি তারা (এ দাবীতে) সত্যবাদী হয়ে থাকে। (রিসালত সম্পর্কিত এসব বিষয়বস্তুর পর এখন তওহীদ সম্পর্কিত বিষয়বস্তু বর্ণনা করা হচ্ছে : তারা যে তওহীদ অস্বীকার করে,) তারা কি কোন স্রষ্টা ব্যতীত আপনা-আপনি সৃজিত হয়ে গেছে, না তারা নিজেরাই নিজেদের স্রষ্টা? (না এই যে, তারা নিজেদের স্রষ্টাও নয় এবং স্রষ্টা ব্যতীত সৃজিতও হয়নি, কিন্তু) তারা নভোমণ্ডল ও ভূমণ্ডল সৃষ্টি করেছে? (এবং আল্লাহ তা'আলার স্রষ্টাওণের মধ্যে অংশীদার, সারকথা এই যে, যে ব্যক্তি বিশ্বাস রাখে যে, স্রষ্টা একমাত্র আল্লাহ এবং সে নিজেও স্রষ্টার মুখাপেক্ষী তার জন্য তওহীদে বিশ্বাসী হওয়া এবং আল্লাহর সাথে কাউকে শরীক না করাও অপরিহার্য। সে ব্যক্তিই তওহীদ অস্বীকার করতে পারে, যে একমাত্র আল্লাহকেই স্রষ্টা মনে করে না অথবা সে সৃজিত একথা অস্বীকার করে। চিন্তা-ভাবনা না করার কারণে কাফিররা জানত না যে, স্রষ্টা যখন এক তখন উপাস্যও এক হবে। তাই অতঃপর তাদের এই মুখতার প্রতি ইঙ্গিত করা হয়েছে যে, বাস্তবে এরূপ নয়) বরং তারা (মুখতার কারণে তওহীদে) বিশ্বাস করে না। (মুখতা এটাই যে, স্রষ্টা হলেই উপাস্য হতে হবে একথা চিন্তা-ভাবনা করে না অতঃপর রিসালত সম্পর্কে তাদের অন্যান্য ধারণা খণ্ডন করা হয়েছে। তারা আরও বলত যে, নবুয়ত দান করা যদি অপরিহার্যই ছিল, তবে মক্কা ও তায়িফের অমুক অমুক সরদারকে নবুয়ত দেওয়া হল না কেন? আল্লাহ তা'আলা জওয়াবে বলেন :) তাদের কাছে কি আপনার পালন-কর্তার (নবুয়তসহ নিয়ামত ও রহমতের) ভাণ্ডার রয়েছে (যে যাকে ইচ্ছা নবুয়ত

দিয়ে দেবে, যেমন আল্লাহ বলেন : **أَهُمْ يَقْسِمُونَ رَحْمَةَ رَبِّكَ**) না তারা (এই

নবুয়ত বিভাগের) হর্তাকর্তা? (যে, যাকে ইচ্ছা, নবুয়ত দান করার আদেশ দেবে? অর্থাৎ নবুয়ত দান করার উপায় দুইটি : এক. ভাণ্ডারের অধিকারী হয়ে, দুই. যারা ভাণ্ডারের অধিকারী, তাদের উর্ধ্বতন কর্মকর্তা হয়ে নির্দেশের মাধ্যমে তা দান করবে। এখানে উভয় সম্ভাবনা উড়িয়ে দেওয়া হয়েছে,। এর সারমর্ম এই যে, তারা মুহাম্মদ (সা)-এর রিসালত অস্বীকার করে এবং মক্কা ও তায়িফের সরদারদেরকে রিসালতের যোগ্য মনে করে। তাদের কাছে এর কোন যুক্তিসঙ্গত প্রমাণ নেই; বরং এর বিপরীতে প্রমাণাদি রয়েছে। এ কারণেই শুধু প্রম্নবোধক 'না' বলা হয়েছে। অতঃপর বলা হচ্ছে যে, এর পক্ষে কোন ইতিহাসভিত্তিক প্রমাণও নেই) না তাদের কোন সিঁড়ি আছে, যাতে আরোহণ করে (আকাশের) কথাবার্তা শ্রবণ করে (অর্থাৎ তাদের কোন ব্যক্তির প্রতি ওহী নাখিল হয় না এবং তাদের কেউ আকাশে আরোহণ করে না। অতঃপর এ সম্পর্কে একটি যুক্তিগত সম্ভাবনা বাতিল করা হচ্ছে যে, যদি ধরে নেওয়া যায় যে, তারা আকাশে আরোহণ করার ও সেখানকার কথাবার্তা শোনার দাবী করতে থাকবে) তবে তাদের শূত্র (এই দাবীর পক্ষে) সম্পূর্ণ প্রমাণ উপস্থিত করুক (যে, সে ওহী লাভ করেছে, যেমন আমাদের নবী স্বীয়

ওহীর পক্ষে নিশ্চিত অলৌকিক প্রমাণাদি রাখেন। অতঃপর আবার তওহীদের এক বিশেষ বিষয়বস্তু সম্পর্কে আলোচনা করা হচ্ছে। অর্থাৎ তওহীদ অবিখ্যাসীরা ফেরেশতাদেরকে আল্লাহর কন্যা সাব্যস্ত করে শিরক করে। আমি তাদেরকে জিজ্ঞাসা করি) আল্লাহর কি কন্যা সন্তান আছে; আর তোমাদের আছে পুত্র সন্তান? (অর্থাৎ নিজেদের জন্য তো তোমাদের জ্ঞানে উৎকৃষ্ট বস্তু পছন্দ কর আর আল্লাহর জন্য এমন বস্তু পছন্দ কর, যাকে তোমরা নিকৃষ্ট মনে কর। অতঃপর আবার রিসালত সম্পর্কে বলা হচ্ছে যে, আপনার সত্যতা প্রমাণ হওয়া সত্ত্বেও আপনার অনুসরণ তাদের পছন্দনীয় নয়। তবে) আপনি কি তাদের কাছে পারিশ্রমিক চান যে, এই কর দেওয়া তাদের জন্য কষ্টকর হয়ে গেছে? যেমন আল্লাহ বলেন,

أَمْ تَسْأَلُهُمْ خَرْجًا ۗ অতঃপর কিয়ামত ও প্রতিদান সম্পর্কে বলা হচ্ছে যে, তারা

বলে : প্রথমত, কিয়ামত হবেই না, যদি হয় তবে সেখানেও আমরা ভাল অবস্থায় থাকব।

যেমন আল্লাহ বলেন : وَمَا أَظُنُّ السَّاعَةَ قَائِمَةً وَلَئِن رُّجِعْتُ إِلَىٰ رَبِّي

إِن لِّيٰ عِنْدَهُ لَلْحَسَنَىٰ ۗ সম্পর্কে তাদেরকে জিজ্ঞাসা এই যে) তাদের কাছে কি অদৃশ্য

বিষয়ের জ্ঞান আছে যে, তারা তা (সংরক্ষিত রাখার জন্য) লিপিবদ্ধ করে? না তারা (রসূ-

লের সাথে) চক্রান্ত করতে চায়? (অন্য আয়াতে তা এভাবে বর্ণনা করা হয়েছে :

وَإِذْ يَمْكُرُ بِكَ الَّذِينَ كَفَرُوا لِيُثْبِتُوكَ أَوْ يَقْتُلُوكَ أَوْ يُخْرِجُوكَ

অতএব যারা কাফির, তারাই এই চক্রান্তের শিকার হবে। (সেমতে তারা চক্রান্তে ব্যর্থ হয়ে বদরে নিহত হয়েছে। অতঃপর তওহীদ সম্পর্কে বলা হচ্ছে যে) আল্লাহ ব্যতীত তাদের অন্য কোন উপাস্য আছে কি? আল্লাহ তাদের আরোপিত শিরক থেকে পবিত্র। (কাফিররা রিসালতের বিপক্ষে এ কথাও বলত যে, আমরা তখন আপনাকে রসূলরূপে মেনে নেব, যখন আপনি আকাশের কোন খণ্ড ভূপাতিত করে দেন।

এর—أَوْ تَسْقُطَ السَّمَاءَ كَمَا زَعَمْتُمْ عَلَيْنَا كِسْفًا ۗ

জওয়াব এই যে, রিসালতের পক্ষে শুরু থেকেই প্রমাণ কায়ম রয়েছে। কাজেই ফরমায়েশী প্রমাণ কায়ম করার কোন প্রয়োজন নেই। হ্যাঁ, প্রমাণপ্রার্থী সত্যাল্বেদ্বী হলে ফরমায়েশী প্রমাণও কায়ম করা যায়। কিন্তু কাফিরদের ফরমায়েশ সত্যের জন্য নয়, নিছক হঠ-কারিতাবশত। তারা তো এমন হঠকারী যে) তারা যদি আকাশের কোন খণ্ডকে পতিত

হতেও দেখে, তবুও বলবে : এটা তো পুঞ্জীভূত মেঘ। (যেমন আল্লাহ বলেন :

وَلَوْ أَنَّا فُتِحْنَا عَلَيْهِمْ بِأَنَّ مِنَ السَّمَاءِ فَظُلُومًا فَيَعْرِجُونَ

(সি)-কে সান্ত্বনা দেওয়া হচ্ছে যে, এরা যখন এতই উদ্ধত ও অবাধ্য, তখন তাদের কাছে ঈমান প্রত্যাশা করে দুঃখিত হবেন না; বরং তাদেরকে ছেড়ে দিন সেই দিনের সাক্ষাৎ পর্যন্ত, যে দিন তাদের হাঁশ উড়ে যাবে। (অর্থাৎ কিয়ামতের দিন পর্যন্ত। অতঃপর সেই দিনের কথা বর্ণনা করা হচ্ছে) যে দিন তাদের (ইসলামের বিরোধিতা ও নিজেদের সাফল্য সম্পর্কিত) চক্রান্ত তাদের কোন উপকারে আসবে না এবং তারা (কোথাও থেকে) সাহায্যপ্রাপ্তও হবে না। (সেদিন তারা সত্যাসত্য জেনে নেবে। এর আগে তারা বিশ্বাস স্থাপন করবে না)। গোনাহ্গারদের জন্য এছাড়া আরও শাস্তি রয়েছে (অর্থাৎ দুনিয়াতে যেমন দুর্ভিক্ষ, বদরে নিহত হওয়া ইত্যাদি)। কিন্তু তাদের অধিকাংশই তা জানে না। ('অধিকাংশ' বলার কারণ সম্ভবত এই যে, তাদের কতকের জন্য ঈমান অবধারিত ছিল। তাদের শাস্তির জন্য যখন আমি সময় নির্ধারিত রেখেছি, তখন) আপনি আপনার পালনকর্তার নির্দেশের অপেক্ষায় সবার করুন। (এই ধারণার বশবর্তী হয়ে তাদের প্রতিশোধ ত্বরান্বিত করতে চাইবেন না যে, তারা আপনার কোন ক্ষতি সাধন করবে। এরূপ আশংকা করবেন না। কেননা) আপনি আমার হিফায়তে আছেন। (অতএব ভয় किसের? তাদের কুফরের কারণে অন্তর ব্যথিত হলে এর প্রতিকার এই যে, আল্লাহ্‌র দিকে মনোনিবেশ করুন। উদাহরণত মজলিস থেকে অথবা নিদ্রা থেকে) গাত্রোথানের সময় (উদাহরণত তাহাজ্জুদে) আপনি আপনার পালনকর্তার সপ্রশংস পবিত্রতা ঘোষণা করুন এবং রাত্রির কিছু অংশে (অর্থাৎ ইশার সময়ে) এবং তারকা অন্তমিত হওয়ার পশ্চাতে (অর্থাৎ ফজরে) তাঁর পবিত্রতা ঘোষণা করুন। (সারকথা এই যে, অন্তরকে এ কাজে মশগুল রাখুন, তাহলে চিন্তা-ভাবনা প্রবল হতে পারবে না)।

আনুষঙ্গিক জ্ঞাতব্য বিষয়

فَاِنَّكَ بِاَعْيُنِنَا — শত্রুদের শত্রুতা-বিরোধিতার পরিপ্রেক্ষিতে রসূলুল্লাহ্‌ (সি)-কে

সান্ত্বনা দেওয়ার জন্য সূরার উপসংহারে প্রথমে বলা হয়েছে যে, আপনি আমার দৃষ্টিতে আছেন। অর্থাৎ আমার হিফায়তে আছেন। আমি আপনাকে তাদের প্রত্যেক অনিষ্ট থেকে বাঁচিয়ে রাখব। আপনি তাদের পরোয়া করবেন না। অন্য এক আয়াতে আছে: **وَاللَّهُ يَعْصَمُكَ**

مِنَ النَّاسِ

অর্থাৎ আল্লাহ্‌ তা'আলা মানুষের অনিষ্ট থেকে আপনার হিফায়ত

করবেন।

এরপর আল্লাহ্‌ তা'আলার সপ্রশংস পবিত্রতা ঘোষণায় আত্মনিয়োগ করার আদেশ দেওয়া হয়েছে, যা মানবজীবনের আসল লক্ষ্য এবং প্রত্যেক বিপদ থেকে বেঁচে থাকার

প্রতিকারও। বলা হয়েছে : **وَسَبِّحْ بِحَمْدِ رَبِّكَ حِينَ تَقُومُ** অর্থাৎ আল্লাহর সপ্রশংস

পবিত্রতা ঘোষণা করুন যখন আপনি দণ্ডায়মান হন। এর এক অর্থ নিদ্রা থেকে গাজ্রোথান করা। ইবনে জরীর (র) তাই বলেন। এক হাদীস থেকে এর সমর্থন পাওয়া যায়। রসূলুল্লাহ (সা) বলেন : যে ব্যক্তি রাত্রে জাগ্রত হয়ে এই বাক্যগুলো পাঠ করে, সে যেদোয়াই করে, তা-ই কবুল হয়। বাক্যগুলো এই :

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ - سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا قُوَّةَ إِلَّا بِاللَّهِ -

এরপর যদি সে অম্বু করে নামায পড়ে, তবে তার নামায কবুল করা হবে। --(ইবনে কাসীর)

মজলিসের কাফ্ফারা : মুজাহিদ ও আবুল আহওয়াস (র) প্রমুখ তফসীরবিদ বলেন : 'যখন দণ্ডায়মান হন'—এর অর্থ এই যে, যখন কেউ মজলিস থেকে উঠে, তখন এই

বাক্য পাঠ করবে : **سُبْحَانَكَ اللَّهُمَّ وَبِحَمْدِكَ**—এই আয়াতের তফসীর প্রসঙ্গে

আতা ইবনে আবি রাবাহ (র) বলেন : তুমি যখন মজলিস থেকে উঠ, তখন তসবীহ ও তাহমীদ কর। তুমি এই মজলিসে কোন সৎ কাজ করে থাকলে তার পুণ্য অনেক বেড়ে যাবে। পক্ষান্তরে কোন পাপ কাজ করে থাকলে এই বাক্য তার কাফ্ফারা হয়ে যাবে।

হযরত আবু হুরায়রা (রা) বর্ণিত এক রেওয়াজেতে রসূলুল্লাহ (সা) বলেন : যে ব্যক্তি এমন মজলিসে বসে, যেখানে ভালমন্দ কথাবার্তা হয়, সে যদি মজলিস ত্যাগ করার পূর্বে এই বাক্যগুলো পাঠ করে, তবে আল্লাহ তা'আলা এই মজলিসে যেসব গোনাহ হয়েছে, সেগুলো ক্ষমা করেন। বাক্যগুলো এই :

سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ
(তিরমিযী—ইবনে কাসীর)। **وَأَتُوبُ إِلَيْكَ**

—অর্থাৎ রাত্রে পবিত্রতা ঘোষণা করুন। মাগরিব ও ইশার

নামায এবং সাধারণ তসবীহ পাঠ সবই এর অন্তর্ভুক্ত। **وَإِدْبَارَ النُّجُومِ** অর্থাৎ তারকা

অস্তমিত হওয়ার পর। এখানে ফজরের নামায ও তখনকার তসবীহ পাঠ বোঝানো হয়েছে--
(ইবনে কাসীর)

سورة النجم
সূরা নজম

মক্কায় অবতীর্ণ, ৬২ আয়াত, ৩ রুকু

بِسْمِ اللَّهِ الرَّحْمَنِ الرَّحِيمِ

وَالنَّجْمِ إِذَا هَوَىٰ ۝ مَا ضَلَّ صَاحِبُكُمْ وَمَا غَوَىٰ ۝ وَمَا يَنْطِقُ عَنِ

الْهَوَىٰ ۝ إِنْ هُوَ إِلَّا وَحْيٌ يُوحَىٰ ۝ عَلَّمَهُ شَدِيدُ الْقُوَىٰ ۝ ذُو مِرَّةٍ ۝

فَأَسْتَوَىٰ ۝ وَهُوَ بِالْأُفُقِ الْأَعْلَىٰ ۝ ثُمَّ رَدَدْنَا لَدُنَّكَ ۝ فَكَانَ قَابَ

قَوْسَيْنِ أَوْ أَدْنَىٰ ۝ فَأَوْحَىٰ إِلَىٰ عَبْدِهِ مَا أَوْحَىٰ ۝ مَا كَذَبَ الْفُؤَادُ

مَا رَأَىٰ ۝ أَفْتُمُرُونَ ۝ عَلَا مَا يَرَىٰ ۝ وَلَقَدْ رَأَاهُ نَزْلَةً أُخْرَىٰ ۝ عِنْدَ

سِدْرَةِ الْمُنْتَهَىٰ ۝ عِنْدَ مَا جَنَّتْهُ الْمَأْوَىٰ ۝ إِذْ يُغْشَى السِّدْرَةَ مَا يَغْشَىٰ ۝

مَا زَاغَ الْبَصَرُ وَمَا طَغَىٰ ۝ لَقَدْ رَأَىٰ مِنْ آيَاتِ رَبِّهِ الْكُبْرَىٰ ۝

পরম করুণাময় ও অসীম দয়ালু আল্লাহর নামে।

(১) নক্ষত্রের কসম, যখন অন্তর্মিত হয়। (২) তোমাদের সংগী পথভ্রষ্ট হন নি এবং বিপথগামীও হন নি (৩) এবং প্রবৃত্তির তাড়নায় কথা বলেন না। (৪) কোরআন ওহী, যা প্রত্যাদেশ হয়। (৫) তাকে শিক্ষাদান করে এক শক্তিশালী ফেরেশতা, (৬) সহজাত শক্তিসম্পন্ন, সে নিজ আকৃতিতে প্রকাশ পেল (৭) উর্ধ্ব দিগন্তে, (৮) অতঃপর নিকটবর্তী হল ও ঝুলে গেল। (৯) তখন দুই ধনুকের ব্যবধান ছিল অথবা আরও কম। (১০) তখন আল্লাহ্ তারবান্দার প্রতি যা প্রত্যাদেশ করবার, তা প্রত্যাদেশ করলেন। (১১) রসূলের অন্তর মিথ্যা বলেনি যা সে দেখেছে। (১২) তোমরা কি বিষয়ে বিতর্ক করবে যা সে দেখেছে? (১৩) নিশ্চয় সে তাকে আরেকবার দেখেছিল, (১৪) সিদরাতুল-মুস্তাহার নিকটে, (১৫) যার কাছে অবস্থিত বসবাসের জামাত। (১৬) যখন রুকুটি দ্বারা আচ্ছন্ন হওয়ার, তন্দ্বারা আচ্ছন্ন ছিল। (১৭) তার দৃষ্টিবিভ্রম হয়নি এবং সীমালংঘনও করেনি। (১৮) নিশ্চয় সে তার পালনকর্তার মহান নিদর্শনাবলী অবলোকন করেছে।

তফসীরের সার-সংক্ষেপ

(যে কোন) নক্ষত্রের কসম, যখন অন্তিমিত হয়। [এর জওয়াব হচ্ছে

مَا ضَلَّ

—এর সাথে এই কসমের বিশেষ মিল আছে। অর্থাৎ নক্ষত্র যেমন

উদয় থেকে অস্ত পর্যন্ত আগাগোড়া পথে তার নিয়মিত গতি থেকে এদিক-সেদিক হয় না, তেমনি রসূলুল্লাহ্ (সা) সারা জীবন পথভ্রষ্টতা ও বিপথগামিতা থেকে মুক্ত রয়েছেন। এছাড়া আরও ইঙ্গিত রয়েছে যে, নক্ষত্র দ্বারা যেমন পথ প্রদর্শন হয়, তেমনি পথভ্রষ্টতা ও বিপথগামিতার অনুপস্থিতির কারণে রসূলুল্লাহ্ (সা) দ্বারাও পথপ্রদর্শন হয়। নক্ষত্র যখন মধ্যগগনে অবস্থান করে, তখন তার দ্বারা দিক নির্ণয় করা যায় না। তাই নক্ষত্রের সাথে অন্তিমিত হওয়ার সময় যোগ করা হয়েছে। উদয়ের সময়ও নক্ষত্র দিগন্তের কাছাকাছি থাকে। কিন্তু পথপ্রদর্শন প্রার্থীরা অন্তিমিত হওয়ার সময়কেই সুযোগ হিসাবে গ্রহণ করে। তারা মনে করে যে, এ সময়ে পথপ্রদর্শনের উপকারিতা লাভ না করলে একটু পরেই নক্ষত্র অন্তিমিত হয়ে যাবে। উদয়ের সময় এই ব্যাকুলতা থাকে না। কারণ, তখন সময় প্রশস্ত থাকে। সুতরাং এতে আরও ইঙ্গিত রয়েছে যে, রসূলুল্লাহ্ (সা)-র কাছ থেকে হিদায়ত অর্জন করাকে সুবর্ণ সুযোগ মনে কর এবং আগ্রহ সহকারে ধাবিত হও। এরপর কসমের জওয়াবে বলা হচ্ছে :] তোমাদের (এই সার্বক্ষণিক) সংগী (অর্থাৎ পয়গম্বর, যার অবস্থা ও ক্রিয়াকর্ম তোমাদের নখদর্পণে এবং যার কাছ থেকে তোমরা সত্যতার প্রমাণ হাসিল করতে পার, তিনি) পথভ্রষ্ট হন নি এবং বিপথগামীও হন নি। (ضلال-এর অর্থ পথ ভুলে দাঁড়িয়ে থাকা এবং যার

غوايت-এর অর্থ বিপথকে পথ মনে করে চলতে থাকা।—(খাযেন) অর্থাৎ তোমাদের ধারণা অনুযায়ী তিনি নবুয়ত ও দাওয়াতের ব্যাপারে বিপথগামী নন; বরং তিনি সত্য নবী। এবং তিনি প্রবৃত্তির তাড়নায় কথা বলেন না। (যেমন তোমরা افتراء বলে থাক; বরং) তাঁর কথা মিছক ওহী, যা তাঁর প্রতি প্রত্যাদেশ হয়। [অর্থ ও ভাষা উভয়ের ওহী,

হলে তা কোরআন এবং শুধু অর্থের ওহী হলে তা সূরাহ্ নামে অভিহিত হয়। এই ওহী খুঁটিনাটি বিষয়েরও হতে পারে কিংবা কোন সামগ্রিক নীতিরও হতে পারে, যশ্দেরা ইজতিহাদ করা যায়। সুতরাং আয়াতে ইজতিহাদ অস্বীকার করা হয়নি। রসূলুল্লাহ্ (সা) আল্লাহ্‌র সাথে মিথ্যা কথা সম্পর্কযুক্ত করেন—কাফিরদের এবন্নিধ ধারণা খণ্ডন করাই আসল উদ্দেশ্য। অতঃপর ওহীর মাধ্যমে বর্ণনা করা হচ্ছে যে [তাকে মহাশক্তিশালী ফেরেশতা (আল্লাহ্‌র পক্ষ থেকে এই ওহী) শিক্ষা দান করে। (সে স্বীয় চেপ্টা ও অধ্যবসায় দ্বারা শক্তি-শালী হয়নি;) সহজাত শক্তিসম্পন্ন। [এক রেওয়াজেতে স্বয়ং হযরত জিবরাঈল (আ) নিজের শক্তি বর্ণনা করেন : আমি কওমে লুতের গোটা জনপদকে সমূলে উৎপাটিত করে আকাশের নিকট নিয়ে যাই এবং নিচে ছেড়ে দিই। (দুররে-মনসূর) উদ্দেশ্য এই যে, এই কালাম কোন শয়তানের মাধ্যমে রসূলুল্লাহ্ (সা) পর্যন্ত পৌঁছেনি যে, তাঁকে অতীন্দ্রিয়বাদী বলা হবে; বরং ফেরেশতার মাধ্যমে পৌঁছেছে। ফেরেশতা ওহী নিয়ে আসার সময় মাঝপথে শয়তান হস্তক্ষেপ

করেছে—এরূপ সম্ভাবনা নাকচ করে দেওয়ার উদ্দেশ্য সম্ভবত ফেরেশতার সাথে মহাশক্তি-শালী বিশেষণটি যুক্ত করা হয়েছে। ফলে ইঙ্গিত হয়ে গেছে যে, শয়তানের সাধ্য নেই যে, তাঁর কাছে ঘেঁষে। অতঃপর ওহী সমাপ্ত হলে তা হুবহু জনসমক্ষে প্রমাণ করার ওয়াদা আল্লাহ

নিজেই করেছেন : ^١ اِنَّ عَلَيْنَا جَمِيعَةَ الْقُرْآنِ ۞ অতঃপর একটি প্রশ্নের জওয়াব দেওয়া

হচ্ছে। প্রশ্ন এই যে, ওহী নিয়ে আগমনকারী ব্যক্তি যে ফেরেশতা তা পূর্ব পরিচয়ের ভিত্তিতেই জানা যেতে পারে। পূর্ণ পরিচয় আসল আকার-আকৃতিতে দেখার উপর নির্ভরশীল। অতএব, রসুলুল্লাহ (সা) পূর্বে জিবরাঈলকে আসল আকৃতিতে দেখেছিলেন কি? জওয়াব এই যে, তিনি পূর্বেও দেখেছিলেন। কয়েকবার তো অন্য আকৃতিতে দেখেছেন। অতঃপর (একবার এমনও হয়েছে যে) সেই ফেরেশতা আসল আকৃতিতে তাঁর সামনে আত্মপ্রকাশ করল, সে (তখন) উর্ধ্বদিগন্তে ছিল। [এক রেওয়াজেতে এর তফসীলে পূর্বদিগন্ত বলা হয়েছে। সম্ভবত মধ্যগগনে দেখা কষ্টকর বিধায় দিগন্ত দেখানোর ব্যবস্থা করা হয়েছে। নিশ্চয় দিগন্তেও কোন কিছু পূর্ণরূপে দৃষ্টিগোচর হয় না। তাই উর্ধ্ব দিগন্তে মনোনীত করা হয়েছে। এর ঘটনা এই যে, রসুলুল্লাহ (সা) একবার জিবরাঈলকে বললেন : আমি আপনাকে আসল আকৃতিতে দেখতে চাই। সেমতে জিবরাঈল (আ) তাঁকে হেরা গিরিগুহার নিকটে এবং তিরমিযীর রেওয়াজেতে অনুযায়ী যিয়াদ মহল্লায় দেখা দেওয়ার প্রতিশ্রুতি দিলেন। তিনি ওয়াদার স্থানে পৌঁছে জিবরাঈলকে পূর্ব দিগন্তে দেখতে পেলেন যে, তাঁর ছয়শ বাহু প্রসারিত হয়ে পশ্চিম দিগন্ত পর্যন্ত সমগ্র এলাকাকে ঘিরে রেখেছে। রসুলুল্লাহ (সা) অতঃপর বেহুঁশ হয়ে মাটিতে পড়ে গেলেন। তখন জিবরাঈল (আ) মানবাকৃতি ধারণ করে তাঁকে সান্ত্বনা দেওয়ার জন্য আগমন করলেন। পরবর্তী আয়াতে তা উল্লেখ করা হয়েছে।—(জালালাইন) সারকথা এই যে, ফেরেশতা প্রথমে আসল আকৃতিতে উর্ধ্ব দিগন্তে আত্মপ্রকাশ করল। অতঃপর রসুলুল্লাহ (সা) যখন বেহুঁশ হয়ে পড়লেন, তখন] সে তাঁর নিকটে এল এবং আরও নিকটে এল, (নৈকট্যের কারণে তাদের মধ্যে) দুই ধনুক পরিমাণ ব্যবধান রয়ে গেল কিংবা আরও কম ব্যবধান রয়ে গেল। আরবদের অভ্যাস ছিল দুই ব্যক্তি পরস্পরে চূড়ান্ত পর্যায়ের একতা ও সখ্যতা স্থাপন করতে চাইলে উভয়ই তাদের ধনুকের সূতা পরস্পরে সংযুক্ত করে দিত। এতেও কোন কোন অংশের দিক দিয়ে কিছু ব্যবধান অবশ্যই থেকে যায়। এই প্রচলিত পদ্ধতির পরিপ্রেক্ষিতে আয়াতে নৈকট্য ও ঐক্য বোঝানো হয়েছে। এটা ছিল নিছক দৃশ্যত ঐক্যের আলামত। যদি এর সাথে অন্তরগত এবং আধ্যাত্মিক ঐক্যও

সংযুক্ত হয়, তবে ^١ اَوْ اَدْنَىٰ অর্থাৎ আরও কম ব্যবধান হতে পারে। সূতরাং ^١ اَوْ اَدْنَىٰ কথাটি বাড়ানোর ফলে ইঙ্গিত হয়েছে যে, দৃশ্যত নৈকট্য ছাড়াও রসুলুল্লাহ (সা) ও জিবরাঈলের মধ্যে আধ্যাত্মিক সম্পর্কও ছিল, যা পূর্ণ পরিচয়ের মহান ভিত্তি। মোটকথা জিবরাঈলের সান্ত্বনাদানের ফলে রসুলুল্লাহ (সা) শান্ত সুস্থির হলেন। স্বস্তি লাভ করার পর আল্লাহ তা'আলা (এই ফেরেশতার মাধ্যমে) তাঁর বান্দার (রসূলের) প্রতি যা প্রত্যাদেশ করবার, তা প্রত্যাদেশ করলেন [যা নির্দিষ্টভাবে জানা নেই এবং জানার প্রয়োজনও নেই। তখন প্রত্যাদেশ করা আসল উদ্দেশ্য ছিল না, বরং জিবরাঈলকে আসল আকৃতিতে দেখিয়ে তাঁর

পূর্ণ পরিচয় দান করাই আসল লক্ষ্য ছিল। এতদসত্ত্বেও পরিচয়ে অধিক সহায়ক হবে বিবেচনা করেই সম্ভবত তখন প্রত্যাশে করা হয়েছিল। কেননা জিবরাঈল (আ) আসল আকৃতিতে থাকার কারণে এ সময়কার ওহী যে আল্লাহর পক্ষ থেকে, তা অকাটা ও সুনিশ্চিত। মানবাকৃতিতে থাকা অবস্থায় অন্য সময়ের ওহীকে যখন রসূলুল্লাহ (সা) একই রূপ দেখবেন, তখন তাঁর এই বিশ্বাস আরও জোরদার হবে যে, উভয় অবস্থায় ওহী নিয়ে আগমনকারী ফেরেশতা একই। উদাহরণত কোন ব্যক্তির কণ্ঠস্বর ও কথার ভঙ্গি জানা থাকলে যদি কোন সময় সে আকৃতি পরিবর্তন করেও কথা বলে, তবে পরিষ্কার চেনা যায়। অতঃপর এই দেখা সম্পর্কিত এক প্রশ্নের জওয়াব দেওয়া হচ্ছে। প্রশ্ন এই যে, আসল আকৃতিতে দেখা সত্ত্বেও অন্তঃকরণের অনুভূতি ও উপলব্ধিতে ভ্রান্তি হওয়ার আশংকা রয়েছে। অনুভূতিতে এরূপ ভ্রান্তি হওয়া বিরল নয়। সঠিক অনুভূতির মালিক হওয়া সত্ত্বেও পাগল ব্যক্তি মাঝে মাঝে পরিচিত জনকেও চিনতে ভুল করে। সুতরাং রসূলুল্লাহ (সা)-র এই দেখা বিশুদ্ধ ছিল কি না, তা-ই প্রশ্ন। জওয়াব এই যে, এই দেখা বিশুদ্ধ ছিল। কেননা, এই দেখার সময়] রসূলের অন্তর দেখা বস্তুর ব্যাপারে মিথ্যা বলেনি। (প্রমাণ এই যে, এ জাতীয় সম্ভাবনাকে আমল দিলে ইন্দ্রিয়গ্রাহ্য বিষয়সমূহের উপর থেকে আস্থা উঠে যাবে। ফলে সমগ্র বিশ্বের কাজ-কারবার অচল হয়ে যাবে। হ্যাঁ, যদি অনুভবকারী ব্যক্তির জ্ঞান-বুদ্ধি ত্রুটিযুক্ত হয়, তবে তার ক্ষেত্রে অন্তরগত ভ্রান্তির আশংকাকে আমল দেওয়া যায়। রসূলুল্লাহ (সা)-র জ্ঞান-বুদ্ধি যে ত্রুটিযুক্ত ছিল না এবং তিনি যে মেধাবী ও দূরদৃষ্টিসম্পন্ন ছিলেন, তা সুবিদিত ও প্রত্যক্ষ। এই বলিষ্ঠ যুক্তি-প্রমাণ সত্ত্বেও বিপক্ষ দল বিতর্ক ও বাদানুবাদে বিরত হত না। তাই অতঃপর বিস্ময়ের ভঙ্গিতে বলা হচ্ছে যে, তোমরা যখন পরিচয় ও দেখার সন্তোষজনক প্রমাণ শুনে নিলে, তখন) তোমরা কি তাঁর (অর্থাৎ রসূলের) সাথে সে বিষয়ে বিতর্ক করবে, যা সে দেখেছে? (অর্থাৎ মানুষের জানা অনুভূত বিষয়সমূহের মধ্যে ইন্দ্রিয়গ্রাহ্য বিষয়সমূহ সন্দেহ ও সংশয়ের উর্ধ্বে থাকে। সর্বনাশের কথা এই যে, তোমরা এসব বিষয়েও বিরোধ কর। এভাবে তো তোমাদের নিজদের ইন্দ্রিয়গ্রাহ্য বিষয়সমূহেও হাজারো সন্দেহ থাকতে পারে। তোমরা যদি এই অমূলক ধারণা কর যে, একবার দেখেই কোন বস্তুর পরিচয় কিভাবে হতে পারে তবে এর জওয়াব এই যে, যদি মেনে নেওয়া হয় যে, পরিচয়ের জন্য বারবার দেখাই জরুরী, তবে) তিনি (অর্থাৎ রসূল) তাকে আরেকবার ও (আসল আকৃতিতে) দেখেছিলেন। (সুতরাং তোমাদের সেই ধারণাও দূর হয়ে গেল। দুবার একই রূপ দেখার কারণে পূর্ণরূপে নির্দিষ্ট হয়ে গেছে যে, সে-ই জিবরাঈল। অতঃপর আরেকবার দেখার স্থান বর্ণনা করা হচ্ছে যে, মি'রাজের রাত্রিতে দেখেছেন) সিদরাতুল-মুস্তাহার নিকটে। (বদরিকা বৃক্ষকে সিদরা বলা হয় এবং মুস্তাহার অর্থ শেষ প্রান্ত। হাদীসে বর্ণিত হয়েছে : এটা সপ্তম আকাশে অবস্থিত একটা বদরিকা বৃক্ষ। উর্ধ্বে জগৎ থেকে যেসব বিধি-বিধান ও রিযিক ইত্যাদি অবতীর্ণ হয়, সেগুলো প্রথমে সিদরাতুল-মুস্তাহায় পৌঁছে, অতঃপর সেখান থেকে ফেরেশতারা পৃথিবীতে আনয়ন করে। এমনিভাবে পৃথিবী থেকে যেসব আমল ও কাজকর্ম উর্ধ্বে জগতে আরোহণ করে সেগুলোও প্রথমে সিদরাতুল-মুস্তাহায় পৌঁছে। অতঃপর সেখান থেকে উপরে নিয়ে যাওয়া হয়। কাজেই সিদরাতুল-মুস্তাহা ডাকঘরের অনুরূপ, যেখান থেকে চিঠিপত্রের আগমন-নির্গমন

হয়ে থাকে। অতঃপর সিদরাতুল-মুত্তাহার শ্রেষ্ঠত্ব বর্ণনা করা হচ্ছে যে)-এর (অর্থাৎ সিদরাতুল-মুত্তাহার) নিকটে জাম্নাতুল-মাওয়া অবস্থিত। ('মাওয়া' শব্দের অর্থ বসবাসের জায়গা। নেক বান্দাদের বসবাসের জায়গা বিধায় একে জাম্নাতুল-মাওয়া বলা হয়। মোটকথা, সিদরাতুল-মুত্তাহা একটি স্বতন্ত্র মহিমামণ্ডিত স্থানে অবস্থিত। এখন দেখার সময়কাল বর্ণনা করা হচ্ছে যে) যখন সিদরাতুল-মুত্তাহাকে আচ্ছন্ন করে রেখেছিল যা আচ্ছন্ন করছিল। [এক রেওয়াজেতে আছে যে, তারা দেখতে স্বর্গের প্রজাপতির ন্যায় ছিল। অন্য রেওয়াজেতে আছে যে, তারা প্রকৃতপক্ষে ফেরেশতা ছিল। আরেক রেওয়াজেতে আছে যে, রসুলুল্লাহ্ (সা)-কে এক নজর দেখার বাসনা প্রকাশ করে ফেরেশতার আঞ্জাহ্ তা'আলার কাছ থেকে অনুমতি লাভ করে এবং এই বৃক্ষে একত্রিত হয়।—(দুররে-মনসুর) এতেও ইঙ্গিত হতে পারে যে, রসুলুল্লাহ্ (সা) সম্মানিত ছিলেন। এখানে আরও একটি সন্দেহ দেখা দিতে পারে যে, বিস্ময়কর বস্তু দেখে স্বভাবতই দৃষ্টি ঘুরপাক খেয়ে যায় এবং পূর্ণরূপে উপলব্ধি করার শক্তি থাকে না। সুতরাং এমতাবস্থায় জিবরাঈলের আকৃতি কিরূপে উপলব্ধি করা যাবে? এর জওয়াবে বলা হয়েছে যে, আশ্চর্য বস্তুসমূহ দেখে রসুলুল্লাহ্ (সা) মোটেই হতবুদ্ধি ও বিস্মিত হন নি। সেমতে যেসব বস্তু দেখার নির্দেশ ছিল, সেগুলোর প্রতি দৃষ্টিপাত করার ক্ষেত্রে] তাঁর দৃষ্টি বিভ্রম হয়নি (বরং সেগুলোকে যথাযথরূপে দেখেছেন) এবং (কোন কোন বস্তু দেখার নির্দেশ না হওয়া পর্যন্ত সেগুলোর প্রতি) সীমালংঘনও করেনি। [অর্থাৎ অনুমতির পূর্বে দেখেন নি। এটা তাঁর চূড়ান্ত দৃঢ়তার প্রমাণ। আশ্চর্য বস্তু দেখার বেলায় মানুষ সাধারণত এই দ্বিবিধ কাণ্ড করে থাকে—যেসব বস্তু দেখতে বলা হয়, সেগুলো দেখে না এবং যেগুলো দেখতে বলা হয় না, সেগুলোর দিকে তাকাতে থাকে। ফলে শৃঙ্খলা ব্যাহত হয়। অতঃপর রসুলুল্লাহ্ (সা)-র দৃঢ়তা শক্তি বর্ণনা করা হচ্ছে যে] নিশ্চয় তিনি তাঁর পালনকর্তার (কুদরতের) মহান অত্যাশ্চর্য নিদর্শনাবলী অবলোকন করেছেন। (কিন্তু প্রতি ক্ষেত্রেই তাঁর দৃষ্টিবিভ্রম হয়নি এবং সীমালংঘনও করেনি। মি'রামের হাদীসে বর্ণিত হয়েছে যে, তিনি সেথায় পয়গম্বর-গণকে দেখেছেন, আত্মাসমূহকে দেখেছেন এবং জাম্নাত-দোযখ ইত্যাদি অবলোকন করেছেন। সুতরাং প্রমাণিত হল যে, তিনি চূড়ান্ত দৃঢ়চেতা। সুতরাং অভিভূত হয়ে যাওয়ার প্রশ্নই উঠে না। মোট কথা, জিবরাঈলকে দেখা ও জিবরাঈলের পরিচয় সম্পর্কিত যেসব সন্দেহ ছিল, উপরোক্ত বর্ণনার মাধ্যমে সেগুলো দূরীভূত হয়ে রিসালত প্রমাণিত ও সুনিশ্চিত হয়ে গেল। এ স্থলে এটাই ছিল উদ্দেশ্য।)

জানুশঙ্গিক জাতব্য বিষয়

সূরা নজমের বৈশিষ্ট্য : সূরা নজম প্রথম সূরা, যা রসুলুল্লাহ্ (সা) মক্কার ঘোষণা করেন।—(কুরতুবী) এই সূরাতেই সর্বপ্রথম সিজদার আয়াত অবতীর্ণ হয় এবং রসুলুল্লাহ্ (সা) তিলাওয়াতের সিজদা করেন। মুসলমান ও কাফির সবাই এই সিজদায় শরীক হয়েছিল। আশ্চর্যের বিষয় মজলিসে যত কাফির ও মুশরিক উপস্থিত ছিল, সবাই রসুলুল্লাহ্ (সা)-র সাথে সিজদায় আত্মি নত হয়ে যায়। কেবল এক অহংকারী ব্যক্তি যার

নাম সম্বন্ধে মতভেদ রয়েছে, সে সিজদা করেনি। কিন্তু সে এক মুষ্টি মাটি তুলে কপালে লাগিয়ে বলল : বাস এতটুকুই যথেষ্ট। হযরত আবদুল্লাহ্ ইবনে মসউদ (রা) বলেন : আমি সেই ব্যক্তিকে কাফির অবস্থায় মৃত্যুবরণ করতে দেখছি। —(ইবনে কাসীর)

এই সূরার শুরুতে রসূলুল্লাহ্ (সা)-র সত্য নবী হওয়া এবং তাঁর প্রতি অবতীর্ণ ওহীতে সন্দেহ ও সংশয়ের অবকাশ না থাকার কথা বর্ণিত হয়েছে।

—**نجوم**— এবং এর বহুবচন **نَجْمٍ** বলা হয় এবং **وَالنَّجْمِ إِذَا هَوَىٰ**—নক্ষত্রমাত্রকেই

কখনও এই শব্দটি কয়েকটি নক্ষত্রের সমষ্টি সপ্তমিমগুলের অর্থেও ব্যবহৃত হয়। এই আয়াতেও কেউ কেউ নজমের তফসীর 'সুরাইয়া' অর্থাৎ সপ্তমিমগুল দ্বারা করেছেন। ফাররা ও হযরত হাসান বসরী (র) প্রথম তফসীরকে অগ্রাধিকার দিয়েছেন।—(কুরতুবী) তফসীরের সার-সংক্ষেপে তাই অবলম্বন করা হয়েছে। **هَوَىٰ** শব্দটি পতিত হওয়ার অর্থে ব্যবহৃত হয়। নক্ষত্রের পতিত হওয়ার মানে অস্তমিত হওয়া। এই আয়াতে আল্লাহ্ তা'আলা নক্ষত্রের কসম খেয়ে বর্ণনা করেছেন যে, রসূলুল্লাহ্ (সা)-র ওহী সত্য, বিশুদ্ধ ও সন্দেহ-সংশয়ের উর্ধ্বে। সূরা সাফফাতে বিস্তারিত আলোচনা করা হয়েছে যে, বিশেষ উপযোগিতা ও তাৎপর্যের কারণে আল্লাহ্ তা'আলা তাঁর বিশেষ বিশেষ সৃষ্ট বস্তুর কসম খেতে পারেন। কিন্তু অন্য কারও জন্য আল্লাহ্ ব্যতীত অন্যকোন বস্তুর কসম খাওয়ার অনুমতি নেই। এখানে নক্ষত্রের কসম খাওয়ার এক তাৎপর্য এই যে, অন্ধকার রাতে দিক ও রাস্তা নির্ণয়ের কাজে নক্ষত্র ব্যবহৃত হয়, তেমনি রসূলুল্লাহ্ (সা)-র মাধ্যমেও আল্লাহ্‌র পথের দিকে হিদায়ত অর্জিত হয়।

—**مَا فَلَ مَا حَبِكُمْ وَمَا غَوَىٰ**— এই বিষয়বস্তুর কারণেই কসম খাওয়া হয়েছে।

এর অর্থ এই যে, রসূলুল্লাহ্ (সা) যে পথের দিকে মানুষকে দাওয়াত দেন, তাই আল্লাহ্ তা'আলার সন্তুষ্টি লাভের বিশুদ্ধ পথ। তিনি পথ ভুলে যান নি এবং বিপথগামীও হন নি।

রসূলের পরিবর্তে তোমাদের সংগী বলার রহস্য : এ স্থলে রসূলুল্লাহ্ (সা)-র নাম অথবা 'নবী' শব্দ ব্যবহার করার পরিবর্তে 'তোমাদের সংগী' বলে ব্যক্ত করার মধ্যে ইঙ্গিত রয়েছে যে, মুহাম্মদ মুস্তফা (সা) বাইরে থেকে আগত কোন অপরিচিত ব্যক্তি নন, যার সত্যবাদিতায় তোমরা সন্দিগ্ধ হবে। বরং তিনি তোমাদের সার্বক্ষণিক সংগী। তোমাদের দেশে জন্মগ্রহণ করেছেন। এখানেই শৈশব অতিবাহিত করে যৌবনে পদার্পণ করেছেন। তাঁর জীবনের কোন দিক তোমাদের কাছে গোপন নয়। তোমরা পরীক্ষা করে দেখেছ যে, তিনি কখনও মিথ্যা কথা বলেন না। তোমরা তাঁকে শৈশবেও কোন মন্দ কাজে লিপ্ত দেখিনি। তাঁর চরিত্র, অভ্যাস, সততা ও বিশ্বস্ততার প্রতি তোমাদের এতটুকু আস্থা ছিল যে, সমগ্র মক্কা-বাসী তাঁকে 'আল-আমীন' বলে সম্বোধন করত। এখন নব্বয়ত দাবী করায় তোমরা তাঁকে মিথ্যাবাদী বলতে শুরু করেছ। সর্বনাশের কথা এই যে, যিনি মানুষের ব্যাপারে কখনও মিথ্যা বলেন নি, তিনি আল্লাহ্‌র ব্যাপারে মিথ্যা বলছেন বলে তোমরা তাঁকে অভিযুক্ত করছ। তাই অতঃপর বলা হয়েছে :

مَا يَنْظُرُ عَنِ الْهُوَىٰ إِنَّ هُوَ إِلَّا وَحْيٌ يُوحَىٰ — অর্থাৎ রসূলুল্লাহ্ (সা)

নিজের পক্ষ থেকে কথা তৈরী করে আল্লাহ্র দিকে সম্বন্ধযুক্ত করেন না। এর কোন সম্ভাবনাই নেই। বরং তিনি যা কিছু বলেন, তা সবই আল্লাহ্র কাছ থেকে প্রত্যাদেশ হয়। বুখারীর বিভিন্ন হাদীসে ওহীর অনেক প্রকার বর্ণিত আছে। তন্মধ্যে এক. যার অর্থ ও ভাষা উভয়ই আল্লাহ্র পক্ষ থেকে অবতীর্ণ হয়, এর নাম কোরআন। দুই. যার কেবল অর্থ আল্লাহ্র তরফ থেকে অবতীর্ণ হয়। রসূলুল্লাহ্ (সা) এই অর্থ নিজের ভাষায় ব্যক্ত করেন, এর নাম হাদীস ও সুন্নাহ্। এরপর হাদীসে আল্লাহ্র পক্ষ থেকে যে বিষয়বস্তু বিধৃত হয়, কখনও তা কোন ব্যাপারের সুস্পষ্ট ও দ্ব্যর্থহীন ফয়সালা তথা বিধান হয়ে থাকে এবং কখনও কেবল সামগ্রিক নীতি বর্ণনা করা হয়। এই নীতির মাধ্যমে রসূলুল্লাহ্ (সা) ইজতিহাদ করে বিধানাবলী বের করেন। এই ইজতিহাদে ভ্রান্তি হওয়ারও সম্ভাবনা থাকে। কিন্তু রসূলুল্লাহ্ (সা) তথা পয়গম্বরকুলের বৈশিষ্ট্য এই যে, তাঁরা ইজতিহাদের মাধ্যমে যেসব বিধান বর্ণনা করেন, সেগুলোতে ভুল হয়ে গেলে তা আল্লাহ্র পক্ষ থেকে ওহীর সাহায্যে শুধরিয়ে দেওয়া হয়। তাঁরা ভ্রান্তির উপর প্রতিষ্ঠিত থাকতে পারেন না। কিন্তু অন্যান্য মুজতাহিদ আলিম ইজতিহাদে ভুল করলে তারা তার উপর কাল্মেম থাকতে পারেন। তাদের এই ভুলও আল্লাহ্র কাছ থেকে কেবল ক্ষমাহই নয়; বরং ধর্মীয় বিধান হাদয়গম করার ক্ষেত্রে তাঁরা যে সর্বশক্তি নিয়োগ করেন, তজ্জন্য তাঁরা কিঞ্চিৎ সওয়ালেরও অধিকারী হন।

এই বক্তব্য দ্বারা আলোচ্য আয়াত সম্পর্কিত একটি প্রশ্নের জওয়াবও হয়ে গেছে। প্রশ্ন এই যে, রসূলুল্লাহ্ (সা)-র সব কথাই যখন আল্লাহ্র পক্ষ থেকে ওহী হয়ে থাকে, তখন জরুরী হয়ে পড়ে যে, তিনি নিজ মতামত ও ইজতিহাদ দ্বারা কোন কিছু বলেন না। অথচ সহীহ্ হাদীসসমূহে একাধিক ঘটনা এমন বর্ণিত আছে যে, প্রথমে তিনি এক নির্দেশ দেন, অতঃপর ওহীর আলোকে সেই নির্দেশ পরিবর্তন করেন। এতে বোঝা যায় যে, প্রথম নির্দেশটি আল্লাহ্র পক্ষ থেকে ছিল না; বরং তিনি স্বীয় মতামত ও ইজতিহাদের মাধ্যমে ব্যক্ত করেছিলেন। এর জওয়াব পূর্বেই বর্ণনা করা হয়েছে যে, ওহী কখনও সামগ্রিক নীতির আকারে হয়, যম্বদ্বারা রসূলুল্লাহ্ (সা) ইজতিহাদ করে বিধানাবলী বের করেন। এই ইজতিহাদে ভুল হওয়ারও আশংকা থাকে।

لَقَدْ رَأَىٰ مِنْ عِلْمِ شَدِيدِ الْقُوَىٰ — এখান থেকে অষ্টাদশতম আয়াত

آيَاتِ رَبِّ الْكُبْرَىٰ

পর্যন্ত সব আয়াতে বর্ণিত হয়েছে যে, রসূলুল্লাহ্ (সা)-র

ওহীতে কোন প্রকার সন্দেহ ও সংশয়ের অবকাশ নেই। আল্লাহ্র কালাম তাঁকে এভাবে দান করা হয়েছে যে, এতে কোনরূপ ভুল-ভ্রান্তির আশংকা থাকতে পারে না।

এই আয়াতসমূহের তফসীরে তফসীরবিদদের মতভেদ : এসব আয়াতের ব্যাপারে দু'প্রকার তফসীর বর্ণিত রয়েছে। এক. আনাস ও ইবনে আব্বাস (রা) থেকে বর্ণিত তফসীরের

সারমর্ম এই যে, এসব আয়াতে মি'রাজের ঘটনা বর্ণনা করা হয়েছে এবং আল্লাহর কাছ থেকে প্রত্যক্ষভাবে শিক্ষালাভ ও আল্লাহর দর্শন ও নৈকট্য লাভের কথা আলোচিত হয়েছে।

মহাশক্তিশালী, সহজাত শক্তিসম্পন্ন, ^{ا-٨}اَسْتَوَىٰ এবং ^{ا-٨}دَنَىٰ فَتَدَلَّىٰ এগুলো সব

আল্লাহ তা'আলার বিশেষণ ও কর্ম। তফসীরে মায়হারী এই তফসীর অবলম্বিত হয়েছে। দুই. অন্য অনেক সাহাবী, তাবেয়ী ও তফসীরবিদের মতে এসব আয়াতে জিবরাঈলকে আসল আকৃতিতে দেখার বিষয় বর্ণনা করা হয়েছে এবং 'মহাশক্তিশালী' ইত্যাদি শব্দ জিবরাঈলের বিশেষণ। এই তফসীরের পক্ষে অনেক সম্মত কারণ রয়েছে। ঐতিহাসিক দিক দিয়েও সূরা নজম সম্পূর্ণ প্রাথমিক সূরাসমূহের অন্যতম। হযরত আবদুল্লাহ ইবনে মসউদের বর্ণনা অনুযায়ী রসূলুল্লাহ (সা) মক্কায় সর্বপ্রথম যে সূরা প্রকাশ্যে পাঠ করেন তা সূরা নজম। বাহ্যত মি'রাজের ঘটনা এরপরে সংঘটিত হয়েছে। কিন্তু এ বিষয়টি তর্কাতীত নয়। আসল কারণ এই যে, হাদীসে স্মরণ রসূলুল্লাহ (সা) এসব হাদীসের যে তফসীর করেছেন, তাতে জিবরাঈলকে দেখার কথা উল্লিখিত আছে। মসনদে-আহমদে বর্ণিত হাদীসের ভাষা এরূপ :

عن الشعبي عن مسروق قال كنت عند عائشة فقلت ليس الله يقول ولقد راها بالافق المبين - ولقد راها نزلة اخرى فقالت انا اول هذه الامة سألت رسول الله صلى الله عليه وسلم عنها فقال انما ذاك جبراًئيل لم يره في صورته التي خلق عليها الا مرتين راها منهبطا من السماء الى الارض سادا عظم خلفه ما بين السماء والارض -

শা'বী হযরত মসরাক থেকে বর্ণনা করেন---তিনি একদিন হযরত আয়েশা (রা)-র কাছে ছিলেন এবং আল্লাহকে দেখা সম্পর্কে আলোচনা চলছিল। মসরাক বলেন : আমি বললাম, আল্লাহ তা'আলা বলেছেন :

وَلَقَدْ رَاها نَزْلَةً أُخْرَىٰ وَلَقَدْ رَاها

بِالْأَفْقِ الْمَبِينِ هযরত আয়েশা (রা) বললেন : মুসলমানদের মধ্যে সর্বপ্রথম আমি

রসূলুল্লাহ (সা)-কে এই আয়াত সম্পর্কে জিজ্ঞাসা করেছি। তিনি উত্তরে বলেছেন : আয়াতে যাকে দেখার কথা বলা হয়েছে, সে জিবরাঈল (আ)। রসূলুল্লাহ (সা) তাকে মাত্র দু'বার আসল আকৃতিতে দেখেছেন। আয়াতে বর্ণিত দেখার অর্থ এই যে, তিনি জিবরাঈলকে আকাশ থেকে ভূমির দিকে অবतरণ করতে দেখেছেন। তার দেহাকৃতি আসমান ও যমীনের মধ্যবর্তী শূন্য-মণ্ডলকে পরিপূর্ণ করে দিয়েছিল।---(ইবনে কাসীর)

সহীহ মুসলিমেরও এই রেওয়াজে প্রায় একই ভাষায় বর্ণিত আছে। হাফেয ইবনে হাজার ফতহুল বারী গ্রন্থে ইবনে মরদুওয়াইহ (র) থেকে এই রেওয়াজে একই সনদে উদ্ধৃত করেছেন। তাতে হযরত আয়েশা (রা)-র ভাষা এরূপ :

إنا أول من سال رسول الله صلى الله عليه وسلم عن هذا فقلت يا رسول الله هل رأيت ربك فقال لا إنما رأيت جبراً قبيلاً منهبطاً -

হযরত আয়েশা (রা) বলেন : এই আয়াত সম্পর্কে সর্বপ্রথম আমি রসূলুল্লাহ্ (সা)-কে জিজ্ঞাসা করেছি যে, আপনি আপনার পালনকর্তাকে দেখেছেন কি ? তিনি বললেন, না, বরং আমি জিবরাঈলকে নিচে অবতরণ করতে দেখেছি।---(ফতহুল-বারী, ৮ম খণ্ড, ৪৯৩ পৃঃ)

সহীহ্ বুখারীতে শায়বানী বর্ণনা করেন যে, তিনি হযরত যরকে এই আয়াতের অর্থ জিজ্ঞাসা করেন : فَكَانَ قَابَ قَوْسَيْنِ أَوْ أَدْنَىٰ فَأَوْحَىٰ إِلَىٰ عَبْدِهِ مَا أَوْحَىٰ

তিনি জওয়াবে বললেন : হযরত আবদুল্লাহ্ ইবনে মসউদ (রা) আমার কাছে বর্ণনা করেছেন যে, রসূলুল্লাহ্ (সা) জিবরাঈলকে ছয়শ বাহু বিশিষ্ট দেখেছেন। ইবনে জরীর

(র) আবদুল্লাহ্ ইবনে মসউদ (রা) থেকে **مَا كَذَبَ الْفُؤَادُ مَا رَأَىٰ** আয়াতের

তফসীর প্রসঙ্গে বর্ণনা করেছেন যে, রসূলুল্লাহ্ (সা) জিবরাঈলকে রফরফের পোশাক পরিহিত অবস্থায় দেখেছেন। তাঁর অস্তিত্ব আসমান ও যমীনের মধ্যবর্তী শূন্যমণ্ডলকে ভরে রেখেছিল।

ইবনে কাসীরের বক্তব্য : ইবনে কাসীর স্বীয় তফসীরে এসব রেওয়াজে উদ্ধৃত করার পর বলেন : সূরা নজমের উল্লিখিত আয়াতসমূহে ‘দেখা’ ও ‘নিকটবর্তী হওয়া’ বলে জিবরাঈলকে দেখা ও নিকটবর্তী হওয়া বোঝানো হয়েছে। হযরত আয়েশা, আবদুল্লাহ্ ইবনে মসউদ, আবু যর গিফারী, আবু হুরায়রা প্রমুখ সাহাবীর এই উক্তি। তাই ইবনে কাসীর আয়াতসমূহের তফসীরে বলেন :

আয়াতসমূহে উল্লিখিত দেখা ও নিকটবর্তী হওয়ার অর্থ জিবরাঈলকে দেখা ও জিবরাঈলের নিকটবর্তী হওয়া। রসূলুল্লাহ্ (সা) তাঁকে প্রথমবার আসল আকৃতিতে দেখেছিলেন এবং দ্বিতীয়বার মি‘রাজের রাত্রিতে সিদরাতুল-মুত্তাহার নিকটে দেখেছিলেন। প্রথমবারের দেখা নবুয়তের সম্পূর্ণ প্রাথমিক যমানায় হয়েছিল। তখন জিবরাঈল সূরা ইকরার প্রাথমিক আয়াতসমূহের প্রত্যাদেশ নিয়ে প্রথমবার আগমন করেছিলেন। এরপর ওহীতে বিরতি ঘটে, যদ্বরূন রসূলুল্লাহ্ (সা) নিদারূণ উৎকর্ষ ও দুর্ভাবনার মধ্যে দিন অতিবাহিত করেন। পাহাড় থেকে পড়ে আত্মহত্যা করার ধারণা বারবার তাঁর মনে জাগ্রত হতে থাকে। কিন্তু যখনই এরূপ পরিস্থিতির উদ্ভব হত, তখনই জিবরাঈল (আ) দৃষ্টির অন্তরালে থেকে আওয়ায দিতেন : হে মুহাম্মদ (সা) ! আপনি আল্লাহ্র সত্য নবী, আর আমি জিবরাঈল। এই আওয়ায শুনে তাঁর মনের ব্যাকুলতা দূর হয়ে যেত। যখনই মনে বিরূপ কল্পনা দেখা দিত, তখনই জিবরাঈল (আ) অদৃশ্য থেকে এই আওয়াযের মাধ্যমে তাঁকে সান্ত্বনা দিতেন। অবশেষে একদিন জিবরাঈল (আ) মক্কার উন্মুক্ত ময়দানে তাঁর আসল আকৃতিতে আত্ম-প্রকাশ করলেন। তাঁর ছয়শ বাহু ছিল এবং তিনি গোটা দিগন্তকে ঘিরে রেখেছিলেন।

এরপর তিনি রসূলুল্লাহ (সা)-র নিকট আসেন এবং তাঁকে ওহী পৌঁছান। তখন রসূলুল্লাহ (সা)-র কাছে জিবরাঈলের মাহাত্ম্য এবং আল্লাহর দরবারে তাঁর সুউচ্চ মর্যাদার স্বরূপ ফুটে উঠে।—(ইবনে কাসীর)

সারকথা এই যে, ইমাম ইবনে কাসীরের মতে উল্লিখিত আয়াতসমূহের তফসীর তাই, যা উপরে বর্ণনা করা হল। এই প্রথম দেখা এ জগতেই মক্কার দিগন্তে হয়েছিল—কোন কোন রেওয়াজেতে আরও বলা হয়েছে যে, জিবরাঈলকে প্রথমবার আসল আকৃতিতে দেখে রসূলুল্লাহ (সা) অজ্ঞান হয়ে পড়েন। অতঃপর জিবরাঈল মানুষের আকৃতি ধারণ করে তাঁর নিকটে আসেন এবং খুবই নিকটে আসেন।

দ্বিতীয়বার দেখার কথা **وَلَقَدْ رَأَاهُ نَزْلَةً أُخْرَى**—আয়াতে ব্যক্ত হয়েছে

মি'রাযের রাগ্নিতে এই দেখা হয়। উল্লিখিত কারণসমূহের ভিত্তিতে অধিকাংশ তফসীরবিদ এই তফসীরকেই গ্রহণ করেছেন। ইবনে কাসীর, কুরতুবী, আবু হাইয়ান, ইমাম রায়ী প্রমুখ এই তফসীরকেই অগ্রাধিকার দিয়েছেন। তফসীরের সার-সংক্ষেপে মওলানা আশরাফ আলী খানভী (র)-ও এই তফসীরই অবলম্বন করেছেন। এর সারমর্ম এই যে, সূরা নজমের শুরুভাগের আয়াতসমূহে আল্লাহ তা'আলাকে দেখার কথা আলোচিত হয়নি; বরং জিবরাঈলকে দেখার কথা উল্লেখ করা হয়েছে। নবভী মুসলিম শরীফের টীকায় এবং হাফেয ইবনে হাজার আসকালানী ফতহুল বারী গ্রন্থেও এই তফসীর অবলম্বন করেছেন।

مَرَّةً—ذُ وَ مَرَّةً فَاسْتَوَى وَهُوَ بِالْأُفُقِ الْأَعْلَى শব্দের অর্থ শক্তি। জিবরাঈলের

অধিক শক্তি বর্ণনা করার জন্য এটাও তাঁরই বিশেষণ। এতে করে এই ধারণার অবকাশ থাকে না যে, ওহী নিয়ে আগমনকারী ফেরেশতার কাজে কোন শয়তান প্রভাব বিস্তার করতে পারে। কারণ, জিবরাঈল এতই শক্তিশালী যে, শয়তান তাঁর কাছেও ঘেষতে পারে না।

فَاسْتَوَى এর অর্থ সোজা হয়ে গেলেন। উদ্দেশ্য এই যে, জিবরাঈলকে যখন প্রথম

দেখেন, তখন তিনি আকাশ থেকে নিচে অবতরণ করছিলেন। অবতরণের পর তিনি উর্ধ্ব দিগন্তে সোজা হয়ে বসে যান। দিগন্তের সাথে 'উর্ধ্ব' সংযুক্ত করার রহস্য এই যে, ভূমির সাথে মিলিত যে দিগন্ত তা সাধারণত দৃষ্টিগোচর হয় না। তাই জিবরাঈলকে উর্ধ্ব দিগন্তে দেখানো হয়েছে।

ثُمَّ دَنَا فَتَدَلَّى—**ثُمَّ دَنَا** শব্দের অর্থ নিকটবর্তী হল এবং **تَدَلَّى** শব্দের অর্থ

ঝুলে গেল। অর্থাৎ ঝুঁকে পড়ে নিকটবর্তী হল। **فَكَانَ قَابَ قَوْسَيْنِ أَوْ أَدْنَى** ধনুকের

কাঠ এবং এর বিপরীতে ধনুকের সূতার মধ্যবর্তী ব্যবধানকে **قَاب** বলা হয়। এই ব্যবধান

আনুমানিক এক হাত হয়ে থাকে। **قَاب قَوْسِيْن** দুই ধনুকের মধ্যবর্তী ব্যবধান বলার কারণ আরবদের একটি বিশেষ অভ্যাস। দুই ব্যক্তি পরস্পরে শান্তিচুক্তি ও সখ্যতা স্থাপন করতে চাইলে এর এক প্রসিদ্ধ ও সুবিদিত আলামত ছিল হাতের উপর হাত মারা। অপর একটি আলামত ছিল এই যে, উভয়েই আপন আপন ধনুকের কাঠ নিজের দিকে এবং ধনুকের সূতা অপরের দিকে রাখত। এভাবে উভয় ধনুকের সূতা পরস্পরে মিলিত হয়ে যাওয়াকে সম্প্রীতি ও সখ্যতার ঘোষণা মনে করা হত। এ সময় উভয় ব্যক্তির মাঝখানে দুই ধনুকের 'কাবের' ব্যবধান থেকে যেত অর্থাৎ প্রায় দুই হাত বা এক গজ। এরপর

أَوْأَدْنِي বলে আরও ইঙ্গিত করা হয়েছে যে, এই মিলন সাধারণ প্রথাগত মিলনের অনুরূপ ছিল না; বরং এর চাইতেও গভীর ছিল।

আলোচ্য আয়াতসমূহে জিবরাঈল (আ)-এর অধিকতর নিকটবর্তী হওয়ার বিষয়টি বর্ণনা করার কারণ এদিকে ইঙ্গিত করা যে, তিনি যে ওহী পৌঁছিয়েছেন তা শ্রবণে কোন সন্দেহ ও সংশয়ের অবকাশ নেই। এই নৈকট্য ও মিলনের কারণে জিবরাঈল (আ)-কে না চেনা এবং শয়তানের হস্তক্ষেপ করার আশংকাও বাতিল হয়ে যায়।

أَوْحِي—এখানে ক্রিয়াপদের কর্তা স্বয়ং **فَأَوْحِي إِلَىٰ عَبْدِي مَا أَوْحِي**

আল্লাহ তা'আলা এবং **عَبْدِي**—এর সর্বনাম দ্বারা তাঁকেই বোঝানো হয়েছে। অর্থাৎ জিবরাঈল (আ)-কে শিক্ষক হিসাবে রসূলুল্লাহ (সা)-র সন্নিকটে প্রেরণ করে আল্লাহ তা'আলা তাঁর প্রতি ওহী নাযিল করলেন।

একটি শিক্ষাগত খটকা ও তার জওয়াব : এখানে বাহ্যত একটি খটকা দেখা দেয় যে, উপরোল্লিখিত আয়াতসমূহে সব সর্বনাম দ্বারা অধিকাংশ তফসীরবিদের মতে জিবরাঈল (আ)-কে বোঝানো হয়েছে। এমতাবস্থায় শুধু **فَأَوْحِي إِلَىٰ عَبْدِي** আয়াতে

সর্বনাম দ্বারা আল্লাহকে বোঝানো পূর্বাগর বর্ণনার বিপরীত এবং **رَضَائِر** তথা সর্বনামসমূহের বিক্ষিপ্ততার কারণ।

মওলানা সাইয়্যেদ আনওয়ার শাহ্ কাস্মীরী (র) এর জওয়াবে বলেন : এখানে পূর্বাগর বর্ণনায় কোন ভুলটি নেই এবং সর্বনামসমূহের বিক্ষিপ্ততাও নেই; বরং সত্য এই

যে, সূরার শুরুতে **إِن هُوَ إِلَّا وَحْيٌ يُوحَىٰ** বলে যে বিষয়বস্তুর অবতারণা করা

হয়েছিল, তারই ধারাবাহিক বর্ণনা এভাবে করা হয়েছে যে, ওহী প্রেরণকারী স্পষ্টত আল্লাহ ব্যতীত কেউ নয়। কিন্তু এই ওহী পৌঁছানোর ক্ষেত্রে জিবরাঈল (আ) ছিলেন মাধ্যম।

কয়েকটি আয়াতে এই মাধ্যমের পূর্ণ সত্যায়ন করার পর পুনরায় **أَوْحِي إِلَىٰ عَبْدِي** বলা হয়েছে। সুতরাং এটা প্রথম বাক্যেরই পরিশিষ্ট। একে সর্বনামের বিক্ষিপ্ততা বলা

যায় না। কারণ, **أَوْحَى** এবং **عَبْدَهُ**—এসবের সর্বনাম দ্বারা আল্লাহকে বোঝানো ছাড়া অন্য কোন সম্ভাবনাই যে নেই, এটা স্বতঃসিদ্ধ। **مَا أَوْحَى** অর্থাৎ যা ওহী

করার ছিল। এখানে মূল প্রতিপাদ্য বিষয়টা অস্পষ্ট রেখে এর মাহাত্ম্যের দিকে ইঙ্গিত করা হয়েছে। সহীহ বুখারীর হাদীস থেকে জানা যায় যে, তখন সূরা মুদ্দাসসিরের গুরু ভাগের কতিপয় আয়াত ওহী করা হয়েছিল।

উপরোক্ত আয়াতসমূহ থেকে প্রমাণিত হয় যে, কোরআন বাস্তবিকই সত্য কালাম। হাদীসবিদগণ যেমন হাদীসের সনদ রসূলুল্লাহ (সা) পর্যন্ত পুরোপুরি বর্ণনা করেন, তেমনি এই আয়াতসমূহে আল্লাহ তা'আলা কোরআনের সনদ বর্ণনা করেছেন যে, প্রত্যাদেশকারী স্বয়ং আল্লাহ তা'আলা এবং রসূলুল্লাহ (সা) পর্যন্ত পৌঁছানোর মাধ্যম হচ্ছেন জিবরাঈল (আ)। আয়াতসমূহে জিবরাঈল (আ)—এর উচ্চমর্যাদা ও শক্তিসম্পন্ন হওয়ার যে বর্ণনা দেওয়া হয়েছে, তা যেন সনদের মাধ্যমের ন্যান্মানুগ সত্যায়ন।

فَوَاد—مَا كَذَبَ الْفُؤَادُ مَا رَأَى শব্দের অর্থ অন্তঃকরণ। উদ্দেশ্য এই

যে, চক্ষু যা কিছু দেখেছে, অন্তঃকরণও তা যথাযথ উপলব্ধি করতে কোন ভুল করেনি। এই ভুল ও ভুলটিকেই আয়াতে **كَذَبَ** শব্দ দ্বারা ব্যক্ত করা হয়েছে; অর্থাৎ দেখা বস্তুকে উপ-

লব্ধি করার ব্যাপারে অন্তঃকরণ মিথ্যা বলেনি। **مَا رَأَى** শব্দের অর্থ যা কিছু দেখেছে।

কি দেখেছে, কোরআনে তা নির্দিষ্ট করে বলা হয়নি। এ ব্যাপারে সাহাবী, তাবয়ী ও তফসীরবিদগণের উক্তি দ্বিবিধ। কারও কারও মতে স্বয়ং আল্লাহ তা'আলাকে দেখেছে এবং কারও কারও মতে জিবরাঈল (আ)—কে আসল আকৃতিতে দেখেছে। এই তফসীর অনুযায়ী

رَأَى শব্দটি আক্ষরিক অর্থে (চর্মচক্ষে দেখার অর্থে) ব্যবহৃত হয়েছে। কাজেই এখানে অন্তর্চক্ষু দ্বারা দেখার অর্থ নেওয়ার প্রয়োজন নেই।

আয়াতে অন্তঃকরণকে উপলব্ধি করার কর্তা করা হয়েছে। অথচ খ্যাতনামা দার্শনিকদের মতে উপলব্ধি করা বোধশক্তির কাজ। এই প্রশ্নের জওয়াব এই যে, কোরআন পাকের অনেক আয়াত দ্বারা জানা যায় যে, উপলব্ধির আসল কেন্দ্র অন্তঃকরণ। তাই কখনও বোধশক্তিকেও 'কল্ব' (অন্তঃকরণ) শব্দ দ্বারা ব্যক্ত করে দেওয়া হয়; যেমন **لَمَنْ**

لَمَنْ لَأَقْبَلُ আয়াতে কল্ব বলে বিবেক ও বোধশক্তি বোঝানো হয়েছে। কোরআন

পাকের **لَهُمْ قُلُوبٌ لَا يَفْقَهُونَ بِهَا** ইত্যাদি আয়াত এর পক্ষে সাক্ষ্য দেয়।

এর অর্থ — نَزْلَةُ أُخْرَى — وَلَقَدْ رَاَهُ نَزْلَةً أُخْرَى ۖ عِنْدَ سِدْرَةِ الْمُنْتَهَى

দ্বিতীয়বারের অবতরণ। এই অবতরণও জিবরাঈল (আ)-কে প্রথম দেখার স্থান যেমন মক্কার উর্ধ্ব দিগন্ত বলা হয়েছিল, তেমনি দ্বিতীয়বার দেখার স্থান সপ্তম আকাশের ‘সিদরাতুল-মুত্তাহা’ বলা হয়েছে। বলা বাহুল্য, মি‘রামের রাহিত্তেই রসূলুল্লাহ (সা) সপ্তম আকাশে গমন করেছিলেন। এতে করে দ্বিতীয়বার দেখার সময়ও মোটামুটিভাবে নির্দিষ্ট হয়ে যায়। অভিধানে ‘সিদরাহ্’ শব্দের অর্থ বদরিকা রক্ষ। ‘মুত্তাহা’ শব্দের অর্থ শেষ প্রান্ত। সপ্তম আকাশে আরশের নীচে এই বদরিকা রক্ষ অবস্থিত। মুসলিমের রেওয়াজেতে একে ষষ্ঠ আকাশে বলা হয়েছে। উভয় রেওয়াজেতের সম্মিলন এভাবে হতে পারে যে, এই রক্ষের মূল শিকড় ষষ্ঠ আকাশে এবং শাখা-প্রশাখা সপ্তম আকাশ পর্যন্ত বিস্তৃত রয়েছে।—(কুরতুবী) সাধারণ ফেরেশতাগণের গমনাগমনের এটাই শেষ সীমা। তাই একে ‘মুত্তাহা’ বলা হয়। কোন কোন রেওয়াজেতে আছে, আল্লাহর বিধানাবলী প্রথমে ‘সিদরাতুল-মুত্তাহায়’ নাখিল হয় এবং এখান থেকে সংশ্লিষ্ট ফেরেশতাগণের কাছে সোপর্দ করা হয়। পৃথিবী থেকে আকাশগামী আমলনামা ইত্যাদিও ফেরেশতাগণ এখানে পৌঁছায় এবং এখান থেকে অন্য কোন পক্ষায় আল্লাহ তা‘আলার দরবারে পেশ করা হয়। মসনদে আহমদে হযরত আবদুল্লাহ ইবনে মসউদ (রা) থেকে একথা বর্ণিত আছে।—(ইবনে কাসীর)

ما وى — عِنْدَهَا جَنَّةُ الْمَأْوَى শব্দের অর্থ ঠিকানা, বিপ্রামস্থল। জান্নাতকে

ما وى বলায় কারণ এই যে, এটাই মানুষের আসল ঠিকানা। আদম (আ) এখানেই সৃজিত হন, এখান থেকেই তাঁকে পৃথিবীতে নামানো হয় এবং এখানেই জান্নাতীরা বসবাস করবে।

জান্নাত ও জাহান্নামের বর্তমান অবস্থান : এই আয়াত থেকে আরও জানা যায় যে, জান্নাত এখনও বিদ্যমান রয়েছে। অধিকাংশ উম্মতের বিশ্বাস তাই যে, জান্নাত ও জাহান্নাম কিয়ামতের পর সৃজিত হবে না। এখনও এগুলো বিদ্যমান রয়েছে। এই আয়াত থেকে একথাও জানা গেল যে, জান্নাত সপ্তম আকাশের উপর আরশের নীচে অবস্থিত। সপ্তম আকাশ যেন জান্নাতের ভূমি এবং আরশ তার ছাদ। কোরআনের কোন আয়াতে অথবা হাদীসের কোন রেওয়াজেতে জাহান্নামের অবস্থানস্থল পরিষ্কারভাবে বর্ণিত হয়নি। সূরা

তুরের আয়াত وَالْبَحْرِ الْمَسْجُورِ থেকে কোন কোন তফসীরবিদ এই তথ্য উদ্ধার

করেছেন যে, জাহান্নাম সমুদ্রের নিম্নদেশে পৃথিবীর অতল গভীরে অবস্থিত। বর্তমানে তার উপর কোন ভারী ও শক্ত আচ্ছাদন রেখে দেওয়া হয়েছে। কিয়ামতের দিন এই আচ্ছাদন বিদীর্ণ হয়ে যাবে এবং জাহান্নামের অগ্নি বিস্তৃত হয়ে সমুদ্রকে অগ্নিতে রূপান্তরিত করে দেবে।

বর্তমান যুগে পাশ্চাত্যের অনেক বিশেষজ্ঞ মৃত্তিকা খনন করে ভূগর্ভের অপর প্রান্তে

যাওয়ার প্রচেষ্টা বছরের পর বছর ধরে অব্যাহত রেখেছে। তারা বিপুলায়তন যন্ত্রপাতি এ কাজের জন্য আবিষ্কার করেছে। যে দল এ কাজে সর্বাধিক সাফল্য অর্জন করেছে, তারা মেশিনের সাহায্যে ভূগর্ভের অভ্যন্তরে ছয় মাইল গভীর পর্যন্ত পৌঁছতে সক্ষম হয়েছে। এরপর শক্ত পাথরের এমন একটা স্তর বাধা হয়ে দাঁড়িয়েছে, যার কারণে তাদের খননকার্য এগুতে পারেনি। তারা অন্য জায়গায় খনন আরম্ভ করেছে, কিন্তু এখানেও ছয় মাইলের পর তারা শক্ত পাথরের সম্মুখীন হয়েছে। এভাবে একাধিক জায়গায় পরীক্ষা-নিরীক্ষার পর তারা এই সিদ্ধান্তে উপনীত হয়েছে যে, ছয় মাইলের পর সমগ্র ভূগর্ভের উপর একটি প্রস্তরাবরণ রয়েছে, যাতে কোন মেশিন কাজ করতে সক্ষম নয়। বলা বাহুল্য, পৃথিবীর ব্যাস হাজার হাজার মাইল। তন্মধ্যে এই বৈজ্ঞানিক উন্নতির যুগে বিজ্ঞান মাত্র ছয় মাইল পর্যন্ত আবিষ্কার করতে সক্ষম হয়েছে। এরপর প্রস্তরাবরণের অস্তিত্ব স্বীকার করে প্রচেষ্টা ত্যাগ করতে হয়েছে। এ থেকেও এ বিষয়ের সমর্থন পাওয়া যায় যে, সমগ্র ভূগর্ভকে কোন প্রস্তরাবরণ দ্বারা ঢেকে রাখা হয়েছে। যদি কোন সহীহ্ রেওয়াজেত দ্বারা প্রমাণিত হয় যে, জাহান্নাম এই প্রস্তরাবরণের নীচে অবস্থিত, তবে তা মোটেই অসম্ভব বলে বিবেচিত হবে না।

اَزْ يَغْنَى السِّدْرَةِ مَا يَغْنَى — অর্থাৎ যখন বদরিকা রক্ষকে আচ্ছন্ন করে

রেখেছিল আচ্ছন্নকারী বস্তু। মুসলিমে হযরত আবদুল্লাহ্ ইবনে মসউদ (রা) থেকে বর্ণিত আছে, তখন বদরিকা রক্ষের উপর স্বর্ণনির্মিত প্রজাপতি চতুর্দিক থেকে এসে পতিত হচ্ছিল। মনে হয়, আগস্টক মেহমান রাসূলে করীম (সা)-এর সম্মানার্থে সেদিন বদরিকা রক্ষকে বিশেষভাবে সজ্জিত করা হয়েছিল।

مَا زَاغَ الْبَصَرُ وَمَا طَفَى — শব্দটি زَاغ থেকে উদ্ভূত। এর অর্থ বক্র হওয়া,

বিপথগামী হওয়া। طَفَى শব্দটি طَفِيَان থেকে উদ্ভূত। এর অর্থ সীমালংঘন করা।

উদ্দেশ্য এই যে, রসূলুল্লাহ্ (সা) যা কিছু দেখেছেন, তাতে দৃষ্টিবিভ্রম হয়নি। এতে এই সন্দেহের জওয়াব দেওয়া হয়েছে যে, মাঝে মাঝে মানুষেরও দৃষ্টি বিভ্রম করে; বিশেষ করে যখন সে কোন বিস্ময়কর অসাধারণ বস্তু দেখে। এর জওয়াবে কোরআন দু'টি শব্দ ব্যবহার করেছে। কেননা, দুই কারণে দৃষ্টিবিভ্রম হতে পারে—এক. দৃষ্টি দেখার বস্তু থেকে সরে গিয়ে অন্যদিকে নিবন্ধ হয়ে গেলে। مَا زَاغ বলে এর জওয়াব দেওয়া হয়েছে যে, রসূলের দৃষ্টি অন্য বস্তুর উপর নয়; বরং যা তিনি দেখতে চেয়েছিলেন, তার উপরই পতিত হয়েছে। দুই. দৃষ্টি উদ্ভিষ্ট বস্তুর উপর পতিত হয়, কিন্তু সাথে সাথে এদিক-সেদিক অন্য বস্তুও দেখতে থাকে। এতেও মাঝে মাঝে বিভ্রম হওয়ার আশংকা থাকে। এ ধরনের দৃষ্টিবিভ্রমের জওয়াবে

وَمَا طَفَى বলা হয়েছে।

যাঁরা উল্লিখিত আয়াতসমূহের তফসীরে জিবরাঈল (আ)-কে দেখার কথা বলেন, তাঁদের মতে এই আয়াতেরও অর্থ এই যে, জিবরাঈল (আ)-কে দেখার ব্যাপারে দৃষ্টি ভুল করেনি। এই বর্ণনার প্রয়োজন এজন্য দেখা দিয়েছে যে, জিবরাঈল (আ) হলেন ওহীর

মাধ্যম। রসুলুল্লাহ্ (সা) যদি তাঁকে উত্তমরূপে না দেখেন এবং না চেনেন, তবে ওহী সন্দেহ-মুক্ত থাকে না।

পক্ষান্তরে যাঁরা উল্লিখিত আয়াতসমূহের তফসীরে আল্লাহ্ তা'আলাকে দেখার কথা বলেন, তাঁরা এখানেও বলেন যে, আল্লাহ্‌র দীদারে রসুলুল্লাহ্ (সা)-র দৃষ্টি কোন ভুল করেনি; বরং তিক তিক দেখেছে। তবে এই আয়াত চর্মচক্ষে দেখার বিষয়টিকে আরও অধিক ফুটিয়ে তুলেছে।

উপরোক্ত আয়াতসমূহের তফসীরে আরও একটি বস্তুব্য : সূরা নজমের আয়াত-সমূহে সাহাবী, তাবেলী, মুজতাহিদ ইমাম, হাদীসবিদ ও তফসীরবিদগণের বিভিন্ন উক্তি ও শিক্ষাগত খট্কা প্রসিদ্ধ ও সুবিদিত। 'মুশকিলাতুল-কোরআন' গ্রন্থে মাওলানা আন-ওয়ার শাহ্ কান্মীরী (র) এসব আয়াতের তফসীর এভাবে করেছেন যে, উপরোক্ত বিভিন্ন রূপ উক্তির মধ্যে সমন্বয় সাধিত হয়ে যায়। এই তফসীর দেখার পূর্বে কতিপয় সর্ববাদীসম্মত বিষয় দৃষ্টির সামনে থাকা উচিত।

এক. রসুলুল্লাহ্ (সা) জিবরাঈল (আ)-কে আসল আকৃতিতে দু'বার দেখেছেন। এই উভয়বার দেখার কথা সূরা নজমের আয়াতসমূহে বর্ণিত আছে। দ্বিতীয়বার দেখার বিষয়টি আয়াত থেকেই নিদিষ্ট হয়ে যায় যে, এই দেখা সপ্তম আকাশে 'সিদরাতুল-মুত্তাহার' নিকটে হয়েছে। বলা বাহুল্য, মি'রায়ের রাত্রিতেই রসুলুল্লাহ্ (সা) সপ্তম আকাশে গমন করেছিলেন। এভাবে দেখার স্থান ও সময়কাল উভয়ই নিদিষ্ট হয়ে যায়। প্রথম দেখার স্থান ও সময়কাল আয়াত দ্বারা নিদিষ্ট হয় না। কিন্তু সহীহ্ বুখারীতে বর্ণিত জাবের ইবনে আবদুল্লাহ্ (রা)-র নিম্নোক্ত হাদীস থেকে এই দু'টি বিষয় নিদিষ্টরূপে জানা যায়।

قال وهو يحدث عن فترة الوحي فقال في حديثه بين أنا أمشي إذ سمعت صوتاً من السماء فرفعت بصرى فاذا الملك الذي جاء فى بغراء جالس على كرسي بين السماء والأرض فرعبت منه فرجعت فقلت زملونى فانزل الله تعالى يا أيها المدثر قم فانذر الى قوله والرجز فاهجر فحمى الوحي وتتابع -

রসুলুল্লাহ্ (সা) ওহীর বিরতি সম্পর্কে আলোচনা প্রসঙ্গে বলেন : একদিন আমি যখন পথে চলমান ছিলাম, হঠাৎ আকাশের দিক থেকে একটি আওয়াজ শুনতে পেলাম। আমি উপরের দিকে দৃষ্টি তুলতেই দেখি যে, ফেরেশতা হেরা গিরিগুহায় আমার কাছে এসেছিলেন, তিনি আকাশ ও পৃথিবীর মাঝখানে ঝুলন্ত একটি কুরসীতে উপবিষ্ট রয়েছেন। এই দৃশ্য দেখার পর আমি ভীত হয়ে গৃহে ফিরে এলাম এবং বললাম : আমাকে চাদর দ্বারা আবৃত

করে দাও। তখন আল্লাহ্ তা'আলা সূরা মুদ্দাসসিরের আয়াত **وَ الرَّجْزَ فَاهْجُرْ**

পর্যন্ত নাযিল করলেন এবং এরপর অবিরাম ওহীর আগমন অব্যাহত থাকে।

এই হাদীস থেকে জানা যায় যে, জিবরাঈল (আ)-কে আসল আকৃতিতে দেখার প্রথম

ঘটনা ওহীর বিরতিকালে মক্কায় তখন সংঘটিত হয়, যখন রসূলুল্লাহ্ (সা) মক্কা শহরে কোথাও গমনরত ছিলেন। কাজেই প্রথম ঘটনা মি'রাযের পূর্বে মক্কায় এবং দ্বিতীয় ঘটনা মি'রাযের রাহিত্তে সপ্তম আকাশে ঘটে।

দুই. এ বিষয়টিও সর্ববাদীসম্মত যে, সূরা নজমের প্রাথমিক আয়াতসমূহ (কমপক্ষে

وَلَقَدْ رَأَىٰ مِنْ آيَاتِ رَبِّهِ الْكُبْرَىٰ ۗ وَوَلَقَدْ رَأَىٰ نَزْلَةَ الْخُبْرَىٰ

পর্যন্ত) মি'রাযের ঘটনা সম্পর্কে অবতীর্ণ হয়েছে।

উপরোক্ত বিষয়সমূহের পরিপ্রেক্ষিতে মওলানা সাইয়্যদ আনওয়ার শাহ্ কাশ্মীরী (র) সূরা নজমের প্রাথমিক আয়াতসমূহের তফসীর এভাবে করেছেন :

কোরআন পাক সাধারণ রীতি অনুযায়ী সূরা নজমের প্রাথমিক আয়াতসমূহে দু'টি ঘটনা উল্লেখ করেছে। এক. জিবরাঈল (আ)-কে আসল আকৃতিতে তখন দেখা, যখন রসূলুল্লাহ্ (সা) ওহীর বিরতিকালে মক্কায় কোথাও গমনরত ছিলেন। এটা মি'রাযের পূর্ববর্তী ঘটনা।

দুই. মি'রাযের ঘটনা। এতে জিবরাঈল (আ)-কে আসল আকৃতিতে দ্বিতীয়বার দেখার চাইতে আল্লাহ্র অত্যশ্চর্য বস্তুসমূহ এবং মহান নিদর্শনাবলী দেখার কথা অধিক বিধৃত হয়েছে। এসব নিদর্শনের মধ্যে স্বয়ং আল্লাহ্র মিয়ারত ও দীদার অন্তর্ভুক্ত হওয়ার সম্ভাবনা আছে।

রসূলুল্লাহ্ (সা)-র রিসালত ও তাঁর ওহীর ব্যাপারে সন্দেহকারীদের জওয়াব দেওয়াই সূরা নজমের প্রাথমিক আয়াতসমূহের আসল উদ্দেশ্য। নক্ষত্রের কসম খেয়ে আল্লাহ্ বলেছেন : রসূলুল্লাহ্ (সা) উম্মতকে যা কিছু বলেন, এতে কোন ইচ্ছাকৃত ও অনিচ্ছাকৃত ভ্রান্তির আশংকা নেই। তিনি নিজের প্রবৃত্তির তাড়নায় কোন কিছু বলেন না; বরং তাঁর কথা সবই আল্লাহ্ তা'আলার পক্ষ থেকে প্রত্যাদেশ হয়ে থাকে। অতঃপর এই ওহী যেহেতু জিবরাঈল (আ)-এর মাধ্যমে প্রেরিত হয় তিনি গুরু ও প্রচারক হিসেবে ওহী পৌঁছান, তাই জিবরাঈল (আ)-এর গুণাবলী ও মাহাত্ম্য কয়েক আয়াতে উল্লেখ করা হয়েছে। এ বিষয়ের বিবরণ অধিক মাত্রায় বর্ণনা করার কারণ সম্ভবত এই যে, মক্কার কাফিররা ইসরাফীল ও মিকায়ীল ফেরেশতা সম্পর্কে অবগত ছিল, জিবরাঈল (আ) সম্পর্কে ওয়াকিফহাল ছিল না। মোট কথা, জিবরাঈল (আ)-এর গুণাবলী উল্লেখ করার পর পুনরায় আসল বিষয়বস্তু ওহীর কথা বর্ণনা

করা হয়েছে : **فَاَوْحَىٰ إِلَىٰ عَبْدِهِ مَا أَوْحَىٰ**—এ পর্যন্ত এগারটি আয়াতে ওহী

ও রিসালত সপ্রমাণ করার প্রসঙ্গে জিবরাঈল (আ)-এর গুণাবলী উল্লেখ করা হয়েছে। চিন্তা করলে দেখা যায় যে, এসব গুণ জিবরাঈল (আ)-এর জন্যই স্বাভাবিকভাবে প্রযোজ্য। কোন কোন তফসীরবিদের অনুরূপ এগুলোকে যদি আল্লাহ্ তা'আলার গুণ সাব্যস্ত করা হয়, তবে

ذو مرة - شديد القوى উদাহরণত ইত্যাদি বিশেষণকে
এবং **دنى فندلى** -

আর্থিক হেরফেরসহ তো আল্লাহ তা'আলার জন্য প্রয়োগ করা যায় ; কিন্তু স্বাভাবিকভাবে এগুলো জিবরাঈল (আ)-এর জন্যই প্রযোজ্য হতে পারে। তাই আলোচ্য আয়াতসমূহে বর্ণিত দেখা, নিকটবর্তী হওয়া ইত্যাদি সব জিবরাঈল (আ)-কে দেখার সাথে সম্পৃক্ত করাই অধিক সম্ভব ও নিরাপদ মনে হয়।

তবে এরপর দ্বাদশতম আয়াত **لَقَدْ رَأَى مَا كَذَبَ الْفُؤَادُ مَا رَأَى** থেকে **مِنْ آيَاتِ رَبِّ الْكَبِيرِ** পর্যন্ত আয়াতসমূহে জিবরাঈল (আ)-কে দ্বিতীয়বার আসল

আকৃতিতে দেখার বিষয় বর্ণিত হলেও তা অন্য নিদর্শনাবলী বর্ণনার দিক দিয়ে প্রাসঙ্গিক। এর এসব নিদর্শনের মধ্যে আল্লাহর দীদার অন্তর্ভুক্ত হওয়ার সম্ভাবনাও উপেক্ষণীয় নয়।

সমর্থনে সহীহ হাদীস এবং সাহাবী ও তাবেয়ীগণের উক্তি রয়েছে। তাই **مَا كَذَبَ الْفُؤَادُ مَا رَأَى** আয়াতের তফসীল এই যে, রসূলুল্লাহ (সা) চর্মচক্ষে যা দেখেছেন,

তার অন্তঃকরণ তার সত্যায়ন করেছে যে, ঠিকই দেখেছেন। এই সত্যায়নে অন্তঃকরণ কোন ভুল করেনি। এখানে 'যা কিছু দেখেছেন'—এই ব্যাপক ভাষার মধ্যে জিবরাঈল (আ)-কে দেখাও শামিল আছে এবং মি'রাযের রাত্রিতে যা যা দেখেছেন সবই অন্তর্ভুক্ত আছে। তন্মধ্যে সর্বাধিক গুরুত্বপূর্ণ বিষয় হচ্ছে আল্লাহর দীদার ও যিয়ারত। পরবর্তী আয়াত দ্বারাও এর সমর্থন হয়। ইরশাদ হয়েছে : **أَفْتَمَارُونَ عَلَى مَا يَرَى**—এতে কাফির-দেরকে বলা হয়েছে, পয়গম্বর যা কিছু দেখেছেন এবং ভবিষ্যতে দেখবেন, তা সন্দেহ ও বিত-

র্কের বিষয়বস্তু নয়—চাক্ষুস সত্য। আয়াতে **مَا يَرَى**-এর পরিবর্তে **مَا تَرَى** বলা হয়নি। এতে মি'রাজের রাত্রিতে অনুষ্ঠিতব্য পরবর্তী দেখার প্রতি ইঙ্গিত রয়েছে এবং পরবর্তী

وَلَقَدْ رَأَى نَزْلَةَ أُخْرَى আয়াতে এর পরিষ্কার বর্ণনা রয়েছে। এই আয়াতেও

জিবরাঈল (আ)-কে দেখা এবং আল্লাহকে দেখা—এই উভয় দেখা উদ্দেশ্য হতে পারে। জিবরাঈল (আ)-কে দেখার বিষয়টি বর্ণনা সাপেক্ষ নয়। আল্লাহকে দেখার প্রতি এভাবে ইঙ্গিত পাওয়া যায় যে, দেখার জন্য নৈকট্য স্বভাবতই জরুরী। হাদীসে বর্ণিত আছে যে, আল্লাহ তা'আলা শেষ রাত্রিতে দুনিয়ার আকাশে অবতরণ করেন।

—আয়াতের অর্থ এই যে, যখন রসূলুল্লাহ (সা) আল্লাহর নৈকট্যের স্থান 'সিদরাতুল-মুস্তাহার' কাছে ছিলেন, তখন দেখেছেন। এতে আল্লাহর যিয়ারতও উদ্দেশ্য হওয়ার পক্ষে এই হাদীস সাক্ষ্য দেয় :

واتهت سدرة المنتهى فغشيتني ضبابة خررت لها ساجدا وهذا الضبابة في الظلم من الغمام التي يأتي فيها الله ويتجلى -

রসূলুল্লাহ্ (সা) বলেন : আমি 'সিদরাতুল-মুস্তাহার' নিকটে পৌঁছলে মেঘমালার ন্যায় এক প্রকার বস্তু আমাকে ঘিরে ফেলল। আমি এর পরিপ্রেক্ষিতে সিজদানত হয়ে গেলাম। কোরআন পাকের এক আয়াতে উল্লিখিত আছে যে, কিয়ামতের দিন হাশরের ময়দানে আল্লাহ্ তা'আলা এমনিভাবে আত্মপ্রকাশ করবেন। মেঘমালার ছায়ার ন্যায় এক প্রকার বস্তুতে আল্লাহ্ তা'আলা অবতরণ করবেন।

এমনিভাবে পরবর্তী আয়াত **مَا زَاغَ الْبَصَرُ وَمَا طَغَى**—এর অর্থেও উভয় দেখা

শামিল রয়েছে। এ থেকে আরও প্রমাণিত হয় যে, এই দেখা জাগ্রত অবস্থায় চর্মচক্ষে হয়েছে। সার কথা এই যে, মি'রাজের বর্ণনা সম্বলিত আয়াতসমূহে দেখা সম্পর্কে যেসব বাক্য ব্যবহৃত হয়েছে, সবগুলোতে জিবরাঈল (আ)-কে দেখা ও আল্লাহ্ তা'আলাকে দেখা—উভয় অর্থের সম্ভাবনা রয়েছে। কেউ কেউ এসব আয়াতের তফসীরে আল্লাহ্কে দেখার কথা বলেছেন এবং কোরআনের ভাষায় এরূপ অর্থ গ্রহণ করার অবকাশ রয়েছে।

আল্লাহ্র দীদার : সকল সাহাবী, তাবেয়ী এবং অধিকাংশ আলিম এ বিষয়ে একমত যে, পরকালে জান্নাতীগণ তথা সর্বশ্রেণীর মু'মিনগণ আল্লাহ্ তা'আলার দীদার লাভ করবেন। সহীহ্ হাদীসসমূহ এর পক্ষে সাক্ষ্য দেয়। এ থেকে বোঝা যায় যে, আল্লাহ্র দীদার কোন অসম্ভব ও অকল্পনীয় ব্যাপার নয়। তবে দুনিয়াতে এই দীদারকে সহ্য করার মত শক্তি মানুষের দৃষ্টিতে নেই। তাই দুনিয়াতে কেউ এই দীদার লাভ করতে পারে না। পরকালের ব্যাপারে খোদ কোরআন বলে : **فَكَشَفْنَا عَنْكَ غِطَاءَكَ فَبَصَرُكَ الْيَوْمَ حَدِيدٌ**

—অর্থাৎ পরকালে মানুষের দৃষ্টি সুতীক্ষ্ণ ও শক্তিশালী করে দেওয়া হবে এবং যবনিকা সরিয়ে নেওয়া হবে। ইমাম মালিক (র) বলেন : দুনিয়াতে কোন মানুষ আল্লাহ্কে দেখতে পারে না। কেননা, মানুষের দৃষ্টি ধ্বংসশীল এবং আল্লাহ্ তা'আলা অক্ষয়। পরকালে যখন মানুষকে অক্ষয় দৃষ্টি দান করা হবে, তখন আল্লাহ্র দীদারে কোন প্রতিবন্ধকতা থাকবে না। কাযী আযায় (র) থেকেও প্রায় এমনি ধরনের বিষয়বস্তু বর্ণিত আছে এবং সহীহ্ মুসলিমের এক হাদীসে একথা প্রায় পরিষ্কার করেই বলা হয়েছে। হাদীসের ভাষা

এরূপ : **وَأَعْلَمُوا أَنْكُمْ لَنْ تَرَوْا رُبَّمَا حَتَّى تَمُوتُوا**। এ থেকে এ বিষয়ের সম্ভাবনাও

বোঝা যায় যে, দুনিয়াতেও কোন সম্মান রসূলুল্লাহ্ (সা)-র দৃষ্টিতে বিশেষভাবে সেই শক্তি দান করা যেতে পারে, যম্বদ্বারা তিনি আল্লাহ্ তা'আলার দীদার লাভ করতে সক্ষম হবেন। কিন্তু মি'রাজের রাত্রিতে যখন সপ্ত আকাশ, জান্নাত, জাহান্নাম ও আল্লাহ্র বিশেষ নিদর্শনাবলী অবলোকন করার জন্যই তিনি স্বতন্ত্রভাবে আমন্ত্রিত হয়েছিলেন, তখন আল্লাহ্ তা'আলার দীদারের ব্যাপারটি দুনিয়ার সাধারণ বিধি থেকেও ব্যতিক্রম ছিল। কারণ, তখন তিনি দুনিয়াতে ছিলেন না। সম্ভাবনা প্রমাণিত হওয়ার পর প্রশ্ন থেকে যায় যে, দীদার বাস্তবে হয়েছে কি না। এ ব্যাপারে হাদীসের রেওয়াজে বিভিন্ন রূপ এবং কোরআনের আয়াত সম্ভাবনা ও অবকাশ যুক্ত। এ কারণেই এ বিষয়ে সাহাবী, তাবেয়ী ও মুজতাহিদ ইমামগণের পূর্বাপর

মতভেদ চলে আসছে। ইবনে কাসীর এসব আয়াতের তফসীরে বলেন : হযরত আবদুল্লাহ ইবনে আব্বাস (রা)-এর মতে রসূলুল্লাহ (সা) আল্লাহ তা'আলার দীদার লাভ করেছেন। কিন্তু সাহাবী ও তাবেয়ীগণের একটি বিরাট দল এ ব্যাপারে ভিন্নমত পোষণ করেন। ইবনে কাসীর অতঃপর উভয় দলের প্রমাণাদি বর্ণনা করেছেন।

হাফেয ইবনে হাজার আসকালানী (র) ফতহুল-বারী গ্রন্থে সাহাবী ও তাবেয়ীগণের এই মতবিরোধ উল্লেখ করার পর কিছু উক্তি এমনও উদ্ধৃত করেছেন, যন্ত্রদ্বারা উপরোক্ত বিরোধের নিষ্পত্তি হতে পারে। তিনি আরও বলেছেন : কুরতুবীর মতে এ ব্যাপারে কোন ফয়সালা না করা এবং নিশ্চূপ থাকাই শ্রেয়। কেননা, এ বিষয়টির সঙ্গে কোন 'আমল' জড়িত নয়, বরং এটা বিশ্বাসগত প্রশ্ন। এতে অকাটা প্রমাণাদির অনুপস্থিতিতে কোন সিদ্ধান্তে পৌঁছা সম্ভবপর নয়। কোন বিষয় অকাটারূপে না জানা পর্যন্ত সে সম্পর্কে নিশ্চূপ থাকাই বিধান। আমার মতে এটাই নিরাপদ ও সাবধানতার পথ। তাই এ প্রশ্নের দ্বিগাঙ্কিক যুক্তি-প্রমাণ উল্লেখ করা হলো না।

أَفَرَأَيْتُمُ اللَّاتَ وَالْعُزَّىٰ ۝ وَمَنْوَةَ الْثَالِثَةَ الْأُخْرَىٰ ۝ أَلَكُمُ الذَّكْرُ

وَلَهُ الْأُنثَىٰ ۝ تِلْكَ إِذًا قِسْمَةٌ ضِيزَىٰ ۝ إِنْ هِيَ إِلَّا أَسْمَاءُ

سَمِيَّتُوهَا أَنْتُمْ وَ آبَاؤُكُمْ مَا أَنْزَلَ اللَّهُ بِهَا مِنْ سُلْطٰنٍ إِنْ

يَتَّبِعُونَ إِلَّا الظَّنَّ وَمَا تَهْوَى الْأَنْفُسُ ۚ وَلَقَدْ جَاءَهُمْ مِنْ

رَبِّهِمُ الْهُدَىٰ ۝ أَمْرٌ لِلإِنسَانِ مَا سَمِعْتَنِي ۝ فَلَئِنَّ الْاٰخِرَةَ

وَالْاٰوَّلَىٰ ۝ وَكَمْ مِنْ مَلَكٍ فِي السَّمٰوٰتِ لَا تُعْغِي شَفَاعَتُهُمْ شَيْئًا

إِلَّا مِنْ بَعْدِ أَنْ يَأْذَنَ اللَّهُ لِمَنْ يَشَاءُ وَيُرِضُ ۝ إِنَّ الَّذِينَ

لَا يُؤْمِنُونَ بِالْاٰخِرَةِ لَيُسَمُّونَ الْمَلَائِكَةَ تَسْمِيَةً الْاُنثَىٰ ۝ وَمَا

لَهُمْ بِهِ مِنْ عِلْمٍ ۚ إِنْ يَتَّبِعُونَ إِلَّا الظَّنَّ ۚ وَإِنَّ الظَّنَّ لَا يُعْغِي

مِنَ الْحَقِّ شَيْئًا ۝

(১৯) তোমরা কি ভেবে দেখেছ মাত ও ওহূযা সম্পর্কে, (২০) এবং তৃতীয় আরেকটি মানাত সম্পর্কে? (২১) পুত্র সন্তান কি তোমাদের জন্য এবং কন্যা সন্তান আল্লাহর জন্য?

(২২) এমতাবস্থায় এটা তো হবে খুবই অসংগত বন্টন। (২৩) এগুলো কতগুলো নাম বৈ নয়, যা তোমরা এবং তোমাদের পূর্ব-পুরুষেরা রেখেছে। এর সমর্থনে আল্লাহ্ কোন দলীল নাযিল করেন নি। তারা অনুমান এবং প্রবৃত্তিরই অনুসরণ করে। অথচ তাদের কাছে তাদের পালনকর্তার পক্ষ থেকে পথনির্দেশ এসেছে। (২৪) মানুষ যা চায়, তা-ই কি পায়? (২৫) অতএব, পরবর্তী ও পূর্ববর্তী সব মঙ্গলই আল্লাহর হাতে। (২৬) আকাশে অনেক ফেরেশতা রয়েছে। তাদের কোন সুপারিশ ফলপ্রসূ হয় না যতক্ষণ আল্লাহ্ যার জন্য ইচ্ছা ও যাকে পছন্দ করেন, অনুমতি না দেন। (২৭) যারা পরকালে বিশ্বাস করে না, তারাই ফেরেশতা-দেরকে নারীবাচক নাম দিয়ে থাকে। (২৮) অথচ এ বিষয়ে তাদের কোন জ্ঞান নেই। তারা কেবল অনুমানের উপর চলে। অথচ সত্যের ব্যাপারে অনুমান মোটেই ফলপ্রসূ নয়।

তফসীরের সার-সংক্ষেপ

(মুশরিকগণ! প্রমাণিত হয়ে গেল যে, রসূল ওহীর অনুসরণে কথাবার্তা বলেন এবং তিনি এই ওহীর আলোকে তওহীদের নির্দেশ দেন, যা যুক্তি প্রমাণেও সিদ্ধ। কিন্তু তোমরা এর পরও প্রতিমা পূজা কর। এখন জিজ্ঞাস্য এই যে) তোমরা (কখনও এসব প্রতিমা উদাহরণত) লাত ও ওয়্যা এবং তৃতীয় আরেক মানাত সম্বন্ধে ভেবে দেখেছ কি? (যাতে তোমরা জানতে পারতে যে, তারা পূজার যোগ্য কিনা? তওহীদ সম্পর্কে আরেকটি প্রণিধানযোগ্য বিষয় এই যে, তোমরা ফেরেশতাকুলকে আল্লাহর কন্যা সাব্যস্ত করে উপাস্য বলে থাক। জিজ্ঞাস্য এই যে,) পুত্র সন্তান কি তোমাদের জন্য এবং কন্যা সন্তান আল্লাহর জন্য? (অর্থাৎ যে কন্যাদেরকে তোমরা লজ্জা ও ঘৃণাযোগ্য মনে কর, তাদেরকে আল্লাহর সাথে সম্বন্ধযুক্ত কর)। এটা তো খুবই অসংগত বন্টন। (ভাল জিনিস তোমাদের ভাগে এবং মন্দ জিনিস আল্লাহর ভাগে। এটা প্রচলিত রীতি অনুযায়ী বলা হয়েছে। নতুবা আল্লাহর জন্য পুত্র সন্তান সাব্যস্ত করাও অসংগত)। এগুলো কতগুলো নাম বৈ নয়, (অর্থাৎ উপাস্যরূপে এগুলোর কোন বাস্তব অস্তিত্ব নেই। বরং নামই সার) যা তোমরা এবং তোমাদের পূর্ব-পুরুষেরা রেখেছে। এদের (উপাস্য হওয়ার) সমর্থনে আল্লাহ্ কোন (যুক্তিগত ও ইতিহাসগত) দলীল প্রেরণ করেন নি; (বরং) তারা (উপাস্য হওয়ার এই বিশ্বাসে) কেবল অনুমান ও প্রবৃত্তির অনুসরণ করে (যে প্রবৃত্তি অনুমান থেকে উদ্ভূত হয়)। অথচ তাদের কাছে তাদের পালনকর্তার পক্ষ থেকে (সত্যভাষী ও ওহীর অনুসারী রসূলের মাধ্যমে বাস্তব বিষয়ের) পথনির্দেশ এসে গেছে। (অর্থাৎ তাদের দাবীর সমর্থনে তো কোন দলীল নেই, কিন্তু রসূলের মাধ্যমে দলীল শুনেও তা মানে না। আল্লাহ্ ব্যতীত অপরের উপাস্য হওয়ার সম্ভাবনা বাতিল প্রসঙ্গে এই আলোচনা হল। অতঃপর বলা হচ্ছে যে, তোমরা প্রতিমাদেরকে এই উদ্দেশ্যে উপাস্য মনে কর যে, তারা আল্লাহর কাছে তোমাদের পক্ষে সুপারিশ করবে। এই উদ্দেশ্যেও নিরেট ধোঁকা ও বাতিল। চিন্তা কর) মানুষ যা চায়, তাই কি পায়? না। কেননা, প্রত্যেক আশা আল্লাহর হাতে—পরকালেরও এবং ইহকালেরও। (সুতরাং তিনি যে আশাকে ইচ্ছা পূর্ণ করবেন। কোরআনের আয়াতে বলে দেওয়া হয়েছে যে, আল্লাহ্ তা'আলা কাফিরদের এই বাতিল আশা পূর্ণ করতে চাইবেন না। কাজেই প্রতিমার দুনিয়াতে কাফিরদের অভাব-অনটনের ব্যাপারে

সুপারিশ করবে না এবং পরকালে আযাব থেকে মুক্তির ব্যাপারেও সুপারিশ করবে না। তাই নিশ্চিতরূপেই তাদের আশা পূর্ণ হবে না। বেচারী প্রতিমা কি সুপারিশ করবে, তাদের মধ্যে তো সুপারিশের যোগ্যতাই নেই। যারা এই দরবারে সুপারিশ করার যোগ্য, আল্লাহর অনুমতি ছাড়া তাদের সুপারিশও কার্যকর হবে না। সেমতে) আকাশে অনেক ফেরেশতা রয়েছে, (এতে বোধ হয় উচ্চমর্যাদার প্রতি ইঙ্গিত করা হয়েছে; কিন্তু এই উচ্চমর্যাদা সত্ত্বেও) তাদের কোন সুপারিশ ফলপ্রসূ হয় না (বরং সুপারিশই করতে পারে না,) কিন্তু যখন আল্লাহ্ যার জন্য ইচ্ছা অনুমতি দেন এবং যার জন্য (সুপারিশ) পছন্দ করেন। (মানুষ চাপে পড়ে এবং উপযোগিতাবশত পছন্দ ছাড়াও অনুমতি দেয়; কিন্তু আল্লাহর ব্যাপারে এরূপ কোন সম্ভাবনা নেই। তাই **أَوْيْرَضِي** বলা হয়েছে। অতঃপর বলা হচ্ছে

যে, ফেরেশতাগণকে আল্লাহর সম্মান সাব্যস্ত করা কুফর। সেমতে) যারা পরকালে বিশ্বাস করে না (এবং এ কারণে কাফির) তারাই ফেরেশতাগণকে (আল্লাহর কন্যা তথা) নারী-বাচক নাম দিয়ে থাকে। (তাদেরকে কাফির আখ্যায়িত করার ক্ষেত্রে কেবলমাত্র 'পরকালের অবিশ্বাস' উল্লেখ করার কারণ সম্ভবত এ দিকে ইঙ্গিত করা যে, এসব পথভ্রষ্টতা পরকালের প্রতি উদাসীনতা থেকেই উদ্ভূত। নতুবা পরকালে বিশ্বাসী ব্যক্তি স্বীয় মুক্তির ব্যাপারে অবশ্যই চিন্তা করে। ফেরেশতাগণকে আল্লাহর সাথে শরীক করা যখন কুফর হল, তখন প্রতিমাদেরকে শরীক সাব্যস্ত করা যে কুফর তা আরও উদ্ভমরূপে প্রমাণিত হয়। তাই এ বিষয়টি বর্ণনা করা হয়নি। অতঃপর বর্ণনা করা হচ্ছে যে, ফেরেশতাগণকে আল্লাহর কন্যা সাব্যস্ত করা বাতিল) অথচ এ বিষয়ে তাদের কাছে কোন প্রমাণ নেই। তারা কেবল ভিত্তিহীন ধারণার উপর চলে। নিশ্চয় সত্যের ব্যাপারে (অর্থাৎ সত্য প্রমাণে) ভিত্তিহীন ধারণা মোটেও ফলপ্রসূ নয়।

আনুষঙ্গিক জ্ঞাতব্য বিষয়

পূর্ববর্তী আয়াতসমূহে রসূলুল্লাহ্ (সা)-র নব্বয়ত, রিসালত ও তাঁর ওহী সংরক্ষিত হওয়ার প্রমাণাদি বিস্তারিতরূপে বর্ণিত হয়েছে। এর বিপরীতে আলোচ্য আয়াতসমূহে মুশরিকদের নিন্দা করা হয়েছে যে, তারা কোন দলীল ব্যতিরেকেই বিভিন্ন প্রতিমাকে উপাস্য ও কাহনির্বাহী সাব্যস্ত করে রয়েছে এবং ফেরেশতাকুলকে আল্লাহর কন্যা আখ্যায়িত করেছে। কোন কোন রেওয়াজেতে আছে যে, তারা প্রতিমাদেরকেও আল্লাহর কন্যা বলত।

আরবের মুশরিকরা অসংখ্য প্রতিমার পূজা করত। তন্মধ্যে তিনটি প্রতিমা ছিল সমধিক প্রসিদ্ধ। আরবের বড় বড় গোত্র এগুলোর ইবাদতে আত্মনিয়োগ করেছিল। প্রতিমাত্রয়ের নাম ছিল লাত, ওশ্বা ও মানাত। লাত তায়্যেফের অধিবাসী সকীফ গোত্রের, ওশ্বা কোরামেশ গোত্রের এবং মানাত বনী হেলালের প্রতিমা ছিল। এসব প্রতিমার অবস্থান স্থলে মুশরিকরা বড় বড় জাঁকজমকপূর্ণ গৃহ নির্মাণ করে রেখেছিল। এসব গৃহকে কা'বার অনুরূপ মর্যাদা দান করা হত। মক্কা বিজয়ের পর রসূলুল্লাহ্ (সা) এসব গৃহ ভূমিসাত্ত্ব করে দেন।—(কুরতুবী)

فِيْزِيْ— قِسْمَةٌ فِيْزِيْ ۱ ۸ থেকে উদ্ভূত। এর অর্থ জুম্ম করা,

অধিকার খর্ব করা। এ কারণেই হযরত ইবনে আব্বাস (রা) قِسْمَةٌ فِيْزِيْ এর অর্থ করেছেন নিপীড়নমূলক বণ্টন।

ধারণার বিভিন্ন প্রকার ও বিধান : اِنَّ الظَّنَّ لَا يُغْنِيْ مِنَ الْحَقِّ شَيْئًا

আরবী ভাষায় ظن শব্দটি বিভিন্ন অর্থে ব্যবহৃত হয়। এক. অমূলক ও ভিত্তিহীন কল্পনা। আয়াতে এই অর্থই বোঝানো হয়েছে। এটাই মুশরিকদের প্রতিমা পূজার কারণ ছিল। দুই. এমন ধারণা যা দৃঢ় বিশ্বাসের বিপরীতে আসে। 'একীন' তথা দৃঢ়বিশ্বাস সেই বাস্তবসম্মত অকাট্য জ্ঞানকে বলা হয়, যাতে কোন সন্দেহ ও সংশয়ের অবকাশ নেই; যেমন কোরআন পাক অথবা হাদীসে-মুতাওয়াতির থেকে অজিত জ্ঞান। এর বিপরীতে 'যন' তথা ধারণা সেই জ্ঞানকে বলা হয়, যা ভিত্তিহীন কল্পনা তো নয়; বরং দলীলের ভিত্তিতে প্রতিষ্ঠিত। তবে এই দলীল অকাট্য নয়, যাতে অন্য কোন সম্ভাবনাই না থাকে; যেমন সাধারণ হাদীস দ্বারা প্রমাণিত বিধি-বিধান। প্রথম প্রকারকে 'একিনিয়াত' তথা দৃঢ় বিশ্বাসপ্রসূত বিধান-বলী এবং দ্বিতীয় প্রকারকে 'যন্নীয়াত' তথা ধারণাপ্রসূত বিধানাবলী বলা হয়ে থাকে। এই প্রকার ধারণা শরীয়তে ধর্তব্য। এর পক্ষে কোরআন ও হাদীসে সাক্ষ্য-প্রমাণ বিদ্যমান রয়েছে। এই ধারণাপ্রসূত বিধান অনুযায়ী আমল করা ওয়াজিব—এ বিষয়ে সবাই একমত। আলোচ্য আয়াতে যে ধারণাকে নাকচ করা হয়েছে, তার অর্থ অমূলক ও ভিত্তিহীন কল্পনা। তাই কোন খটকা নেই।

فَاعْرِضْ عَنْ مَّنْ تَوَلَّاهُ عَنْ ذِكْرِنَا وَلَمْ يُرِدْ اِلَّا الْحَيٰوةَ الدُّنْيَا ۝

ذٰلِكَ مَبْلَغُهُمْ مِنَ الْعِلْمِ اِنَّ رَبَّكَ هُوَ اَعْلَمُ بِمَنْ ضَلَّ عَنْ سَبِيْلِهِ

وَهُوَ اَعْلَمُ بِمَنْ اهْتَدٰٓءَ ۝ وَرَبُّهُ مَا فِي السَّمٰوٰتِ وَمَا فِي الْاَرْضِ

۝ لِيَجْزِيَ الَّذِيْنَ اَسَءُوْا بِمَا عَمِلُوْا وَيَجْزِيَ الَّذِيْنَ اَحْسَنُوْا بِالْحُسْنٰى ۝

الَّذِيْنَ يَجْتَنِبُوْنَ كَثِيْرَ الْاِثْمِ وَالْفَوَاحِشِ اِلَّا اللَّغْمَ اِنَّ رَبَّكَ وَاَسِعُ

الْمَغْفِرَةُ ۝ هُوَ اَعْلَمُ بِكُمْ اِذَا اَنْشَاكُمْ مِّنَ الْاَرْضِ وَاِذَا اَنْتُمْ اَجْنَةٌ فِي

بُطُوْنٍ اَمْهَتِكُمْ ۝ فَلَا تَزْكُوْا اَنْفُسَكُمْ هُوَ اَعْلَمُ بِمَنْ اٰثَقُ ۝

(২৯) অতএব, যে আমার স্মরণে বিমুখ এবং কেবল পাথিব জীবনই কামনা করে তার তরফ থেকে আপনি মুখ ফিরিয়ে নিন। (৩০) তাদের জ্ঞানের পরিধি এ পর্যন্তই। নিশ্চয় আপনার পালনকর্তা ভাল জানেন, কে তার পথ থেকে বিচ্যুত হয়েছে এবং তিনিই ভাল জানেন কে সুপথপ্রাপ্ত হয়েছে। (৩১) নভোমণ্ডল ও ভূমণ্ডলে যা কিছু আছে, সবই আল্লাহর, যাতে তিনি মন্দ কর্মীদেরকে তাদের কর্মের প্রতিফল দেন এবং সৎকর্মীদেরকে দেন ভাল ফল, (৩২) যারা বড় বড় গোনাহ্ ও অশ্লীল কার্য থেকে বেঁচে থাকে ছোটখাট অপরাধ করলেও নিশ্চয় আপনার পালনকর্তার ক্ষমা সুদূর বিস্তৃত। তিনি তোমাদের সম্পর্কে ভাল জানেন, যখন তিনি তোমাদেরকে সৃষ্টি করেছেন মৃত্তিকা থেকে এবং যখন তোমরা মাতৃগর্ভে কচি শিশু ছিলে। অতএব, তোমরা আত্মপ্রশংসা করো না। তিনি ভাল জানেন কে সংঘমী ?

তফসীরের সার-সংক্ষেপ

﴿ أَنْ يَتَّبِعُونَ إِلَّا الظَّنَّ ﴾ এবং ﴿ جَاءَهُمْ مِنْ رَبِّهِمُ الْهُدَى ﴾ আয়াতদ্বয়

থেকে জানা গেল যে, মূশরিকরা হঠকারী। কোরআন ও হিদায়ত নাশিল হওয়া সত্ত্বেও তারা অনুমান ও প্রবৃত্তির অনুসরণ করে। হঠকারীর কাছ থেকে সত্য গ্রহণের আশা করা যায় না অতএব) যে আমার স্মরণে বিমুখ এবং কেবল পাথিব জীবনই কামনা করে, আপনি তার তরফ থেকে মুখ ফিরিয়ে নিন। (কেবল পাথিব জীবন কামনা করে বলেই পরকালে

বিশ্বাস করে না, যা ﴿ لَا يُؤْمِنُونَ بِالْآخِرَةِ ﴾ থেকে উপরে জানা গেছে)। তাদের

জ্ঞানের পরিধি এ পর্যন্তই (অর্থাৎ পাথিব জীবন পর্যন্তই। অতএব, তাদের ব্যাপারে চিন্তা করবেন না। তাদেরকে আল্লাহর কাছে সোপর্দ করুন)। আপনার পালনকর্তা ভাল জানেন কে তাঁর পথ থেকে বিচ্যুত এবং তিনিই ভাল জানেন কে সুপথপ্রাপ্ত। (এ থেকে তাঁর জ্ঞান প্রমাণিত হয়েছে। এখন কুদরত সপ্রমাণ করা হচ্ছে :) নভোমণ্ডল ও ভূমণ্ডলে যা কিছু আছে, সবই আল্লাহর। (যখন জ্ঞান ও কুদরতে আল্লাহ্ কামিল এবং তাঁর আইন ও বিধানাবলী পালনের দিক দিয়ে মানুষ দুই প্রকার-পথভ্রষ্ট ও সুপথপ্রাপ্ত, তখন) পরিণাম এই যে, তিনি মন্দ কর্মীদেরকে তাদের (মন্দ) কর্মের বিনিময়ে (বিশেষ ধরনের) প্রতিফল দেবেন এবং সৎকর্মীদেরকে তাদের সৎ কর্মের বিনিময়ে (বিশেষ ধরনের) প্রতিফল দেবেন। (কাজেই তাদের ব্যাপার তাঁরই কাছে সোপর্দ করুন। অতঃপর সৎকর্মীদের পরিচয় দান করা হচ্ছে :) যারা বড় বড় গোনাহ্ এবং (বিশেষ করে) অশ্লীল কার্য থেকে বেঁচে থাকে, ছোটখাট গোনাহ্ করলেও (এখানে যে সৎ কর্ম বর্ণনা করা হচ্ছে, তা ছোটখাট গোনাহ্ দ্বারা স্মৃতিশূন্য হয় না। আয়াতে উল্লিখিত ব্যতিক্রমের অর্থ এই যে, আয়াতে যে সৎকর্মীদের প্রশংসা করা হয়েছে এবং আল্লাহর প্রিয়পাত্র হওয়ার কথা বলা হয়েছে, তাদের তালিকাভুক্ত হওয়ার জন্য বড় বড় গোনাহ্ থেকে বেঁচে থাকা তো শর্ত, কিন্তু মাঝে মাঝে ছোটখাট গোনাহ্ হয়ে যাওয়া এর পরিপন্থী নয়। তবে ছোটখাট গোনাহ্ও কচিৎ হয়ে যাওয়া শর্ত

—অভ্যাস না হওয়া চাই এবং বারবার না করা চাই। বারবার করলে ছোটখাট গোনাহুও বড় গোনাহু হয়ে যায়। ব্যতিক্রমের অর্থ এরূপ নয় যে, ছোটখাট গোনাহু করার অনুমতি আছে। বড় বড় গোনাহু থেকে বেঁচে থাকার যে শর্ত রয়েছে, এর অর্থ এরূপ নয় যে, বড় বড় গোনাহু থেকে বেঁচে থাকার উপর সৎকর্মীদের সৎকর্মের উত্তম প্রতিদান পাওয়া নির্ভরশীল। কেননা, যে বড় বড় গোনাহু করে, সেও কোন সৎ কর্ম করলে তার প্রতিদান পাবে। আল্লাহ বলেন :

فَمَنْ يَعْمَلْ مِثْقَالَ ذَرَّةٍ خَيْرًا يَرَهُ

সূত্রাং এই শর্ত প্রতিদান দেওয়ার দিক

দিয়ে নয়; বরং তাকে সৎকর্মী ও আল্লাহর প্রিয়পাত্র উপাধি দান করার দিক দিয়ে। উপরে মন্দ কর্মীদেরকে শাস্তিদানের কথা বলা হয়েছে। এ থেকে গোনাহুগারদেরকে নিরাশ করার ধারণা সৃষ্টি হতে পারে। এর ফলে তারা ঈমান ও তওবা করার সাহস হারিয়ে ফেলবে। এছাড়া সৎকর্মীদেরকে উত্তম প্রতিদান দেওয়ার ওয়াদার কারণে তাদের আত্মগুরিতায় লিপ্ত হওয়ার ধারণাও আশংকা রয়েছে। তাই পরবর্তী আয়াতে উভয় প্রকার ধারণা খণ্ডন করে বলা হয়েছে : নিশ্চয় আপনার পালনকর্তার ক্ষমা সুদূর বিস্তৃত। অতএব, যারা গোনাহু-গার তারা যেন ক্ষতিপূরণের ব্যাপারে সাহস হারিয়ে না ফেলে। তিনি ইচ্ছা করলে কুফর ও শিরক ব্যতীত সব গোনাহু কুপাবশতই মাহফ করে দেন। অতএব, ক্ষতিপূরণ করলে কেন মাহফ করবেন না। এমনিভাবে সৎকর্মীরা যেন আত্মগুরী না হয়ে উঠে। কেননা, মাঝে মাঝে সৎ কর্মে অপ্রকাশ্য ত্রুটি মিলিত হয়ে যায়। ফলে সৎ কর্ম গ্রহণযোগ্য থাকে না। সৎ কর্ম যখন গ্রহণীয় হবে না, তখন সৎকর্মী আল্লাহর প্রিয়পাত্র হবে না। এটা আশ্চর্যের বিষয় নয় যে, তোমাদের কোন অবস্থা তোমরা নিজে জানবে না এবং আল্লাহ তা'আলা জানবেন। গুরু থেকেই এরূপ হয়ে আসছে। সেমতে) তিনি তোমাদের সম্পর্কে (ও তোমাদের অবস্থা সম্পর্কে তখন থেকে) ভাল জানেন, যখন তিনি তোমাদেরকে সৃষ্টি করেছেন সৃষ্টিকা থেকে অর্থাৎ তোমাদের পিতা আদম (আ)-কে তার মাধ্যমে তোমরাও সৃষ্টিকা থেকে সৃজিত হয়েছে এবং যখন তোমরা মাতৃগর্ভে কচি শিশু ছিলে। (এই উভয় অবস্থায় তোমরা নিজেদের সম্পর্কে কিছুই জানতে না; কিন্তু আমি জানতাম। এমনিভাবে এখনও তোমাদের নিজেদের ব্যাপারে অনবহিত হওয়া এবং আমার অবহিত ও ওয়াকিফহাল হওয়া কোন আশ্চর্যের বিষয় নয়)। অতএব, তোমরা আত্মপ্রশংসা করো না। (কেননা) তিনি ভাল জানেন কে তাকওয়া অবলম্বনকারী! (অর্থাৎ তিনি জানেন যে, অমুক তাকওয়া অবলম্বনকারী নয়, যদিও দৃশ্যত উভয়েই তাকওয়া অবলম্বন করে)।

আনুশঙ্গিক জাতব্য বিষয়

فَاعْرِضْ عَنْ تَوَلّٰى عَنْ ذِكْرِنَا وَلَمْ يُرِدْ اِلَّا الْحَيٰوةَ الدُّنْيَا - ذٰلِكَ

مَبْلَغُهُمْ مِنَ الْعِلْمِ

অর্থাৎ যারা আমার সম্মুখে এবং একমাত্র পাখিব জীবনই

কামনা করে, আপনি তাদের দিক থেকে মুখ ফিরিয়ে নিন। তাদের জানের দৌড় পাখিব জীবন পর্যন্তই।

কোরআন পাক পরকাল ও কিয়ামতে অবিশ্বাসীদের এই অবস্থা বর্ণনা করেছে। পরিতাপের বিষয় ইংরেজী শিক্ষা এবং পাখিব লোভ-লালসা আজকাল মুসলমানদের অবস্থা তাই করে দিয়েছে। আজকাল আমাদের সকল জ্ঞান-গরিমা ও শিক্ষাগত উন্নতির প্রচেষ্টা কেবল অর্থনীতিকেই কেন্দ্র করে পরিচালিত হচ্ছে। ভুলেও আমরা পরকালীন বিষয়াদির প্রতি লক্ষ্য করি না। আমরা রসূলে পাক (সা)-এর নাম উচ্চারণ করি এবং তাঁর সুপারিশ আশা করি; কিন্তু আমাদের অবস্থা এই যে, আল্লাহ তা'আলা তাঁর রসূলকে এহেন অবস্থা-সম্পন্নদের দিক থেকে মুখ ফিরিয়ে নেওয়ার আদেশ দেন। নাউযুবিল্লাহি মিনহা।

الَّذِينَ يَجْتَنِبُونَ كَبَائِرَ الْأَثَمِ وَالْفَوَاحِشَ إِلَّا اللَّمَمَ

তা'আলার নির্দেশ পালনকারী সৎকর্মীদের প্রশংসাসূচক আলোচনা করে তাদের পরিচয় এই বর্ণনা করা হয়েছে যে, তারা সাধারণভাবে কবীরা তথা বড় বড় গোনাহ থেকে এবং বিশেষভাবে নির্লজ্জ কাজকর্ম থেকে দূরে থাকে। এতে লম শব্দের মাধ্যমে ব্যতিক্রম প্রকাশ করা হয়েছে। এই ব্যতিক্রমের সারমর্ম উপরে তফসীরের সার-সংক্ষেপে লিখিত হয়েছে যে, ছোটখাট গোনাহে লিপ্ত হওয়া তাদেরকে সৎকর্মীর উপাধি থেকে বঞ্চিত করে না।

লম শব্দের তফসীর প্রসঙ্গে সাহাবী ও তাবেয়ীগণের কাছ থেকে দু'রকম উক্তি

বর্ণিত আছে। এক. এর অর্থ সগীরা অর্থাৎ ছোটখাট গোনাহ। সূরা নিসার আয়াতে একে

إِنْ تَجْتَنِبُوا كَبَائِرَ مَا تُنْهَوْنَ عَنْهُ نَكُفِّرْ عَنْكُمْ سَيِّئَاتِكُمْ

এই উক্তি হযরত ইবনে আব্বাস ও আবু হুরায়রা (রা) থেকে ইবনে কাসীর বর্ণনা করেছেন। দুই. এর অর্থ সেসব গোনাহ, যা কদাচিৎ সংঘটিত হয়, অতঃপর তা থেকে তওবা করত চিরতরে বর্জন করা হয়। এই উক্তিও ইবনে কাসীর প্রথমে হযরত মুজাহিদ থেকে এবং পরে হযরত ইবনে আব্বাস ও আবু হুরায়রা (রা) থেকেও বর্ণনা করেছেন। এর সারমর্মও এই যে, কোন সৎ লোক দ্বারা ঘটনাচক্রে কবীরা গোনাহ হয়ে গেলে যদি সে তওবা করে, তবে সে-ও সৎকর্মী ও মুত্তাকীদের তালিকা থেকে বাদ পড়বে না। সূরা আল-ইমরানের এক আয়াতে মুত্তাকীদের গুণাবলী বর্ণনা প্রসঙ্গে এই বিষয়বস্তু সুস্পষ্টভাবে বর্ণিত হয়েছে। আয়াত এই :

وَالَّذِينَ إِذَا فَعَلُوا فَاحِشَةً أَوْ ظَلَمُوا أَنْفُسَهُمْ ذُكِرُوا لِلَّهِ فَاسْتَغْفَرُوا

لِذُنُوبِهِمْ وَمَنْ يَغْفِرِ الذُّنُوبَ إِلَّا اللَّهُ وَلَمْ يُصِرُوا عَلَىٰ مَا فَعَلُوا وَهُمْ

يَعْلَمُونَ

অর্থাৎ তারাও মুত্তাকীদের তালিকাভুক্ত, যাদের দ্বারা কোন অশ্লীল কার্য ও কবীরা গোনাহ্ হয়ে যায় অথবা গোনাহ্ করে নিজের উপর জুলুম করে বসলে তৎক্ষণাৎ আল্লাহ্কে স্মরণ করে ও গোনাহ্ থেকে ক্ষমা প্রার্থনা করে। আল্লাহ্ ব্যতীত কে গোনাহ্ ক্ষমা করতে পারে? যা গোনাহ্ হয়ে যায়, তার উপর অটল থাকে না। অধিকাংশ আলিম এ বিষয়ে একমত যে, সগীরা তথা ছোটখাট গোনাহ্ বারবার করা হলে এবং অভ্যাস করে নিলে তা কবীরা হয়ে যায়। তাই তফসীরের সার-সংক্ষেপে **لَمْ** এর তফসীরে এমন গোনাহর কথা বলা হয়েছে, যা বারবার করা হয় না।

সগীরা ও কবীরা গোনাহের সংজ্ঞা দ্বিতীয় খণ্ডে সূরা নিসার

ان تَجْتَنِبُوا

لَبَّأْتُمْ مَا تَنْهَوْنَ

আয়াতের তফসীরে বিস্তারিত উল্লেখ করা হয়েছে।

هُوَ أَعْلَمُ بِكُمْ إِذْ أَنْشَأَكُمْ مِنَ الْأَرْضِ وَإِذْ أَنْتُمْ أَجْنَةٌ فِي بُطُونِ أُمَّهَاتِكُمْ

—এর বহুবচন। এর অর্থ গর্ভস্থিত জ্ঞান। আয়াতে আল্লাহ্ তা'আলা বলেছেন যে, মানুষ তার নিজের সম্পর্কে ততটুকু জ্ঞান রাখে না, যতটুকু তার স্রষ্টা রাখেন। কেননা, মাতৃগর্ভে সৃষ্টির বিভিন্ন স্তর অতিক্রম করার সময় তার কোন জ্ঞান ও চেতনা থাকে না, কিন্তু তার স্রষ্টা বিজ্ঞসুলভ সৃষ্টিকুশলতায় তাকে গড়ে তোলে। আয়াতে মানুষের অক্ষমতা ও অজ্ঞানতা ব্যক্ত করে বলা হয়েছে যে, মানুষ যে কোন ভাল ও সৎ কাজ করে, সেটা তার ব্যক্তিগত পরাকাষ্ঠা নয়; বরং আল্লাহ্ প্রদত্ত অনুগ্রহ। কারণ, কাজ করার অঙ্গ-প্রত্যঙ্গ তিনি তৈরী করেছেন। অঙ্গ-প্রত্যঙ্গকে তিনিই গতিশীল করেছেন। অন্তরে সৎ কাজের প্রেরণা ও সংকল্প তাঁরই তওফীক দ্বারা হয়। অতএব, মানুষ যতবড় সৎকর্মী, মুত্তাকী ও পরহিযগারই হোক না কেন, নিজ কর্মের জন্য গর্ব করার অধিকার তার নেই। এছাড়া ভালমন্দ সব সমাপ্তি ও পরিণামের উপর নির্ভরশীল। সমাপ্তি ভাল হবে কি মন্দ হবে, তা এখনও জানা নেই। অতএব, গর্ব ও অহংকার কিসের উপর? পরবর্তী আয়াতে এ কথাটি এভাবে বর্ণনা করা হয়েছে :

فَلَا تَزْكُوا أَنْفُسَكُمْ هُوَ أَعْلَمُ بِمَنِ اتَّقَى

পবিত্রতা দাবী করো না। কারণ আল্লাহ্ তা'আলাই ভাল জানেন কে কতটুকু পানির মাছ। শ্রেষ্ঠত্ব আল্লাহ্ভীতির উপর নির্ভরশীল—বাহ্যিক কাজকর্মের উপর নয়। আল্লাহ্ভীতিও তা-ই ধর্তব্য, যা মৃত্যু পর্যন্ত কায়াম থাকে।

হয়রত স্বয়মব বিনতে আবু সালমা (রা)-র পিতামাতা তাঁর নাম রেখেছিলেন 'বাররা',

স্বার অর্থ সৎকর্মপরায়ণ। রসূলুল্লাহ্ (সা) আলোচ্য

فَلَا تَزْكُوا أَنْفُسَكُمْ আয়াত

তিনাওয়াজত করে এই নাম রাখতে নিষেধ করেন। কারণ এতে সৎ হওয়ার দাবী রয়েছে। অতঃপর তাঁর নাম পরিবর্তন করে যম্বনব রাখা হয়।—(ইবনে কাসীর)

ইমাম আহমদ (র) আবদুর রহমান ইবনে আবু বকর (র) থেকে বর্ণনা করেন, জনৈক ব্যক্তি রসূলুল্লাহ্ (সা)-র সামনে অন্য এক ব্যক্তির প্রশংসা করলে তিনি নিষেধ করে বললেন : তুমি যদি কারও প্রশংসা করতেই চাও, তবে একথা বলে কর : আমার জানা মতে এই ব্যক্তি সৎ, আল্লাহ্‌ভীরু। সে আল্লাহ্র কাছেও পাক-পবিত্র কিনা আমি জানি না।

أَفْرَيْتَ الَّذِي تَوَلَّى ۖ وَاعْطَى قَلِيلًا وَآكَدَ ۖ أَعْنَدَهُ عِلْمٌ

الْغَيْبِ فَهُوَ بَرٌّ ۖ أَمْ كَرُمَيْنِبَا بِمَا فِي صُحُفِ مُوسَى ۖ وَلَا بُرْهِيمَ

الَّذِي وَفَّى ۖ أَلَّا تَزِرُ وَازِرَةٌ وِزْرَ أُخْرَى ۖ وَأَنْ لَّيْسَ لِلْإِنْسَانِ

إِلَّا مَا سَعَى ۖ وَأَنْ سَعِيهِ سَوْفَ يُرَى ۖ ثُمَّ يُجْزَى الْجَزَاءَ الْآوْفَى ۖ

وَأَنْ إِلَى رَبِّكَ الْمُنْتَهَى ۖ وَأَنَّهُ هُوَ أَضْحَكَ وَأَبْكَى ۖ وَأَنَّهُ هُوَ أَمَاتَ

وَأَحْيَا ۖ وَأَنَّهُ خَلَقَ الزَّوْجَيْنِ الذَّكَرَ وَالْأُنثَى ۖ مِنْ نُّطْفَةٍ إِذَا

تُمْنَى ۖ وَأَنْ عَلَيْهِ الشَّاتَاةُ الْآخِرَى ۖ وَأَنَّهُ هُوَ أَعْنَى وَأَقْنَى ۖ وَ

أَنَّهُ هُوَ رَبُّ الشَّعْرَى ۖ وَأَنَّهُ أَهْلَكَ عَادًا الْأُولَى ۖ وَشُودَا فَمَا

أَبْقَى ۖ وَقَوْمَ نُوحٍ مِّنْ قَبْلِ ۖ إِنَّهُمْ كَانُوا هُمْ أَظْلَمَ وَأَطْغَى ۖ

وَالْمُؤْتَفِكَةَ أَهْوَى ۖ فَغَشَّهَا مَا غَشَّى ۖ فَيَأْتِي الْأَرْضَ بِتَمَارَى ۖ

هَذَا نَذِيرٌ مِّنَ النَّذْرِ الْأُولَى ۖ أَرَفَتِ الْأَرْضُ ۖ لَيْسَ لَهَا مِنْ

دُونِ اللَّهِ كَاشِفَةٌ ۖ أَفِينُ هَذَا الْحَدِيثِ تَعْجِبُونَ ۖ وَتَضْحَكُونَ

وَلَا تَبْكُونَ ۖ وَأَنْتُمْ سَمِدُونَ ۖ فَاسْجُدُوا لِلَّهِ وَاعْبُدُوا ۖ

الْحَكِيمِ

(৩৩) আপনি কি তাকে দেখেছেন, যে মুখ ফিরিয়ে নেয় (৩৪) এবং দেয় সামান্যই ও
পাষণ হয়ে যায়। (৩৫) তার কাছে কি অদৃশ্যের জান আছে যে, সে দেখে? (৩৬) তাকে কি

জানানো হয়নি যা আছে মুসার কিতাবে, (৩৭) এবং ইবরাহীমের কিতাবে, যে তার দায়িত্ব পালন করেছিল? (৩৮) কিতাবে এই আছে যে, কোন ব্যক্তি কারও গোনাহ্ নিজে বহন করবে না (৩৯) এবং মানুষ তাই পায়, যা সে করে (৪০) তার কর্ম শীঘ্রই দেখা হবে। (৪১) অতঃপর তাকে পূর্ণ প্রতিদান দেওয়া হবে। (৪২) তোমার পালনকর্তার কাছে সবকিছুর সমাপ্তি, (৪৩) এবং তিনিই হাসান ও কাদান (৪৪) এবং তিনিই মারেন ও বাঁচান (৪৫) এবং তিনিই সৃষ্টি করেন যুগল—পুরুষ ও নারী (৪৬) একবিন্দু বীর্ষ থেকে যখন স্ফলিত করা হয়। (৪৭) পুনরুত্থানের দায়িত্ব তাঁরই, (৪৮) এবং তিনিই ধনবান করেন ও সম্পদ দান করেন। (৪৯) এবং তিনিই শিরা নক্ষত্রের মালিক। (৫০) তিনিই প্রথম 'আদ সম্প্রদায়কে ধ্বংস করেছেন। (৫১) এবং সামুদকেও অতঃপর কাউকে অব্যাহতি দেন নি। (৫২) এবং তাদের পূর্বে নূহের সম্প্রদায়কে, তারা ছিল আরও জালিম ও অবাধ্য। (৫৩) তিনিই জনপদকে শূন্যে উত্তোলন করে নিষ্ক্ষেপ করেছেন (৫৪) অতঃপর তাকে আচ্ছন্ন করে নেয় যা আচ্ছন্ন করার। (৫৫) অতঃপর তুমি তোমার পালনকর্তার কোন অনুগ্রহকে মিথ্যা বলবে? (৫৬) অতীতের সতর্ক-কারীদের মধ্যে সে-ও একজন সতর্ককারী। (৫৭) কিয়ামত নিকটে এসে গেছে। (৫৮) আল্লাহ্ ব্যতীত কেউ একে প্রকাশ করতে সক্ষম নয়। (৫৯) তোমরা কি এই বিষয়ে আশ্চর্যবোধ করছ? (৬০) এবং হাসছ—ক্রন্দন করছ না? (৬১) তোমরা ক্রীড়া-কৌতুক করছ, (৬২) অতএব, আল্লাহ্কে সিজদা কর এবং তার ইবাদত কর।

শানে-নুযুল : দুব্বরে মনসূরে ইবনে জরীর (র)-এর এক রেওয়াজেতে বর্ণিত আছে যে, জনৈক ব্যক্তি ইসলাম গ্রহণ করলে তার বন্ধু এই বলে তাকে তিরস্কার করল যে, তুমি পৈতৃক ধর্ম কেন ছেড়ে দিলে? সে বলল : আমি আল্লাহ্র শাস্তিকে ভয় করি। বন্ধু বলল : তুমি আমাকে কিছু অর্থকড়ি দিলে আমি তোমার শাস্তি নিজের কাঁধে নিয়ে নেব। ফলে তুমি বেঁচে যাবে। সেমতে সে বন্ধুকে কিছু অর্থকড়ি দিল। বন্ধু আরও চাইলে সে সামান্য ইতস্তত করার পর আরও দিল এবং অবশিষ্ট অর্থের একটি দলিল লিখে দিল। রূহুল মা'আনীতে এই ব্যক্তির নাম 'ওলীদ ইবনে মুগীরা' লিখিত আছে। সে ইসলামের প্রতি আকৃষ্ট হয়েছিল এবং তার বন্ধু তাকে তিরস্কার করে শাস্তির দায়িত্ব নিজে গ্রহণ করেছিল।

তফসীরের সার-সংক্ষেপ

(সৎকর্মীদের পরিচয় শুনলেন, এখন) আপনি কি তাকেও দেখেছেন, যে (সত্যধর্ম থেকে) মুখ ফিরিয়ে নেয় এবং সামান্যই দেয়, অতঃপর বন্ধ করে দেয়? (অর্থাৎ যে ব্যক্তিকে অর্থকড়ি দেওয়ার ওয়াদা নিজ স্বার্থোদ্ধারের জন্য করে, তাকেও পুরোপুরি দেয় না। এ থেকেই বোঝা যায় যে, এরূপ ব্যক্তি অপরের উপকারের জন্য কিছুই ব্যয় করবে না। এর সারমর্ম এই যে, সে রূপণ) তার কাছে কি অদৃশ্যের জ্ঞান আছে যে, সে তা দেখে? যার মাধ্যমে সে জানতে পেরেছে যে, অমুক ব্যক্তি আমার পাপের শাস্তি নিজে গ্রহণ করে আমাকে বাঁচিয়ে দেবে। তার কাছে কি সেই বিষয়বস্তু পৌঁছেনি, যা আছে মুসা (আ)-র কিতাবসমূহে [তওরাত ছাড়াও মুসা (আ)-র দশটি সহীফা ছিল] এবং ইবরাহীম (আ)-এর কিতাবে, সে বিধানাবলী পূর্ণরূপে পালন করেছিল? (সেই বিষয়বস্তু) এই যে, কেউ কারও গোনাহ্

(এভাবে) বহন করবে না (যে, গোনাহ্কারী মুক্ত হয়ে যায়। কাজেই সে কিরাপে বুঝল যে, এই ব্যক্তি তার গোনাহ্ বহন করবে?) এবং মানুষ (ঈমানের ব্যাপারে) তাই পায়, যা সে করে (অর্থাৎ অন্যের ঈমান দ্বারা তার কোন উপকার হবে না। সুতরাং তিরস্কারকারী ব্যক্তির ঈমান থাকলেও তা তার উপকারে আসত না। তার ঈমান না থাকলে তো কথাই নেই)। এবং মানুষের কর্ম শীঘ্রই দেখা হবে, অতঃপর তাকে পূর্ণ প্রতিদান দেওয়া হবে। (এমতাবস্থায় এই ব্যক্তি নিজের সাফল্যের চেষ্টা থেকে কিভাবে গাফিল হয়ে গেল?) এবং আপনার পালনকর্তার কাছে সবাইকে পৌঁছতে হবে। (এমতাবস্থায় এই ব্যক্তি কিরাপে নিশ্চিত হয়ে গেল?) এবং তিনিই হাসান ও কাঁদান এবং তিনিই মারেন ও বাঁচান। তিনিই পুরুষ ও নারীর যুগল (গর্ভাশয়ে) স্থলিত একবিন্দু বীর্ষ থেকে সৃষ্টি করেন। (অর্থাৎ সব কাজকর্মের তিনিই মালিক—অন্য কেউ নয়। এমতাবস্থায় এই ব্যক্তি কিরাপে বুঝে নিল যে, কিয়ামতের দিন তাকে আশাব থেকে বাঁচানোর ক্ষমতা অন্যের করায়ত্ত থাকবে)? এবং পুনরুত্থানের দায়িত্ব তাঁরই। (অর্থাৎ কারও দায়িত্বের ন্যায় এটা অবশ্যই হবে। অতএব, কিয়ামত হবে না, এটা স্নেন এই ব্যক্তির নিশ্চিত হওয়ার কারণ না হয়)। এবং তিনিই ধনবান করেন এবং সম্পদ দান করেন। এবং তিনিই শিরা-নক্ষত্রের মালিক। (মুখ্যতা যুগে কোন কোন সম্প্রদায় এই নক্ষত্রের পূজা করত। অর্থাৎ পূর্বোক্ত কাজকর্মের এসব কাজকর্ম ও বিষয়সমূহের মালিকও তিনিই। পূর্বোক্ত কাজকর্ম মানুষের অস্তিত্বের অন্তর্ভুক্ত। এবং এসব কাজকর্ম মানুষের সাথে সংশ্লিষ্ট বিষয়াদির অন্তর্ভুক্ত। সম্পদ ও নক্ষত্র উল্লেখ করার মধ্যে সম্ভবত ইঙ্গিত আছে যে, তোমরা যাকে সাহায্যকারী মনে কর, তার মালিকও আমিই। অতএব, কিয়ামতে অন্যরা এসব কাজকর্মের অধিকারী হবে কিরাপে?) এবং তিনিই আদি আদি সম্প্রদায়কে (কুফরের কারণে) ধ্বংস করেছেন এবং সামুদকেও, অতঃপর কাউকে অব্যাহতি দেন নি। তাদের পূর্বে কওমে নূহকে (ধ্বংস করেছেন)। তারা ছিল আরও জালিম ও অবাধ্য। কারণ, সাড়ে নয়শ বছরের দাওয়াতের পরও তারা পথে আসেনি এবং (লুতের) জনপদকে শূন্য উত্তোলন করে তিনিই নিক্ষেপ করেছেন, অতঃপর তাকে আচ্ছন্ন করে নেন, যা আচ্ছন্ন করার। (অর্থাৎ উপর থেকে প্রস্তুত বর্ষিত হতে থাকে। অতএব, এই ব্যক্তি যদি এসব ঘটনা সম্পর্কে চিন্তাভাবনা করত, তবে কুফরের আশাবকে ভয় করত। অতঃপর বলা হচ্ছে যে, হে মানুষ! তোমাকে এমন বিষয়বস্তু জানানো হল, যা হিদায়ত হওয়ার কারণে এক একটি নিয়ামত)। অতএব, তুমি তোমার পালনকর্তার কোন্ নিয়ামতকে অস্বীকার করবে? (এবং এসব বিষয়বস্তুকে সত্য মনে করে উপকৃত হবে না?) তিনিও (অর্থাৎ এই পয়গম্বরও) অতীতের সতর্ককারীদের মধ্যে একজন সতর্ককারী। (তাকে মেনে নাও। কারণ) দ্রুত আগমনকারী বিষয় (অর্থাৎ কিয়ামত) নিকটে এসে গেছে। (যখন তা আসবে, তখন) আল্লাহ্ ব্যতীত কেউ একে হটাতে পারবে না। (সুতরাং কারও ডরসায় নিশ্চিন্তে বসে থাকার অবকাশ নেই। অতএব, এমন ভয়াবহ কথাবার্তা শুনেও তোমরা কি এই বিষয়ে আশ্চর্যবোধ করছ? এবং (পরিহাসছলে) হাসছ—(আশাবের ডম্বে) ক্রন্দন করছ না? তোমরা অহংকার করছ। (এ থেকে বিরত হও এবং পয়গম্বরের

শিক্ষা অনুযায়ী) আল্লাহর আনুগত্য কর এবং (শিরকবিহীন) ইবাদত কর, (যাতে তোমরা মুক্তি পাবে)।

আনুমানিক জাতব্য বিষয়

—تَوَلَّى—এর শাব্দিক অর্থ মুখ ফেরানো। উদ্দেশ্য

আল্লাহ তা'আলার আনুগত্য থেকে মুখ ফেরানো।

كُدِيَةٌ—শব্দটি كَدَى থেকে উদ্ভূত। এর অর্থ সেই প্রস্তরখণ্ড, যা কৃপ অথবা ভিত্তি খনন করার সময় মৃত্তিকা গর্ভ থেকে বের হয় এবং খননকার্যে বাধা সৃষ্টি করে। তাই এখানে كُدَى—এর অর্থ এই যে, প্রথমে কিছু দিল, এরপর হাত গুটিয়ে নিল। উপরে আয়াতের শানে-নুমূলে যে ঘটনা বর্ণনা করা হয়েছে, তার পরিপ্রেক্ষিতে বাক্যের অর্থ সুস্পষ্ট। পক্ষান্তরে যদি ঘটনা থেকে দৃষ্টি ফিরিয়ে নেওয়া হয়, তবে আয়াতের অর্থ এই হবে, যে ব্যক্তি আল্লাহর পথে কিছু ব্যয় করে অতঃপর তা পরিত্যাগ করে অথবা গুরুতে আল্লাহর আনুগত্যের দিকে কিছু আকৃষ্ট হয়, অতঃপর আনুগত্য বর্জন করে বসে। এই তফসীর হযরত মুজাহিদ, সায়ীদ ইবনে জুবায়ের, ইকরিমা, কাতাদাহ প্রমুখ থেকে বর্ণিত আছে।—(ইবনে কাসীর)

—اعندة علم الغيب فهو يرى—শানে-নুমূলের ঘটনা অনুযায়ী আয়াতের উদ্দেশ্য

এই যে, যে ব্যক্তি কোন এক বন্ধুর এই কথায় ইসলাম ত্যাগ করল যে, তোমার পরকালীন আয়াব আমি মাথা পেতে নেব, সেই নির্বোধ লোকটি বন্ধুর এই কথায় কিরূপে বিশ্বাস স্থাপন করল? তার কাছে কি অদৃশ্যের জ্ঞান আছে, যম্বদ্বারা সে দেখতে পাচ্ছে যে, এই বন্ধু তার শাস্তি মাথা পেতে নেবে এবং তাকে বাঁচিয়ে দেবে? বলা বাহুল্য, এটা নিরেট প্রতারণা। তার কাছে কোন অদৃশ্যের জ্ঞান নেই এবং অন্য কেউ তার পরকালীন শাস্তি নিজে ভোগ করে তাকে বাঁচাতে পারে না। পক্ষান্তরে যদি শানে-নুমূলের ঘটনা থেকে দৃষ্টি ফিরিয়ে নেওয়া হয়, তবে আয়াতের অর্থ এই হবে যে, দানকার্য গুরু করে তা বন্ধ করে দেওয়ার কারণ এই ধারণা হতে পারে যে, উপস্থিত সম্পদ ব্যয় করে দিলে আবার কোথা থেকে আসবে। এই ধারণা খণ্ডন করার জন্য বলা হয়েছে, তার কাছে কি অদৃশ্যের জ্ঞান আছে, যম্বদ্বারা সে যেমন দেখতে পাচ্ছে যে, এই সম্পদ খতম হলে হবে এবং তৎস্থলে অন্য সম্পদ সে লাভ করতে পারবে না? এটা ভুল। তার কাছে অদৃশ্যের জ্ঞান নেই এবং তার এই ধারণাও সঠিক নয়। কেননা, কোরআন পাকে আল্লাহ তা'আলা বলেন:

—ما انفقتم من شئ فهو يخلفه وهو خير الرازقين—অর্থাৎ তোমরা যা

ব্যয় কর, আল্লাহ তা'আলা তোমাদেরকে তার বিকল্প দান করেন। তিনি সর্বোত্তম রিযিকদাতা।

চিন্তা করলে দেখা যায়, কোরআনের এই বাণীর সত্যতা কেবল টাকা-পয়সার ক্ষেত্রেই সীমাবদ্ধ নয়। বরং মানুষ দুনিয়াতে যে কোন শক্তি ও সামর্থ্য ব্যয় করে, আল্লাহ তা'আলা তার দেহে তার বিকল্প সৃষ্টি করতে থাকেন। নতুবা মানবদেহের প্রতিটি অঙ্গ-প্রত্যঙ্গ যদি ইস্পাত নিমিত্তও হত, তবে ষাট-সত্তর বছর ব্যবহার করার দরুন তা ক্ষয় হয়ে যেত। পরিশ্রমের ফলে মানুষের সমগ্র অঙ্গ-প্রত্যঙ্গ হতটুকু ক্ষয় হয়, আল্লাহ তা'আলা স্বয়ংক্রিয় মেশিনের ন্যায় তার বিকল্প ডিতর থেকেই সৃষ্টি করে দেন। অর্থ-সম্পদের ব্যাপারেও তদুপ। মানুষ ব্যয় করতে থাকে আর তার বিকল্প আগমন করতে থাকে।

রসূলুল্লাহ (সা) হযরত বিলাল (রা)-কে বলেন : **انفق يا بلال ولا تخش من**

لا **ذی العرش اقلالا** বিলাল, আল্লাহর পথে ব্যয় করতে থাক এবং আশংকা করো না যে, আরশের অধিপতি আল্লাহ তোমাকে নিঃশ্ব করে দেবেন।—(ইবনে কাসীর)

এই—**أَمْ لَمْ يَنْبَأْ بِمَا فِي صُحُفِ مُوسَىٰ وَأَبْرَأَهُمُ الَّذِي وَفَىٰ**

আয়াতে হযরত ইবরাহীম (আ)-এর একটি বিশেষ গুণ বর্ণনা প্রসঙ্গে **وفى** বলা হয়েছে। **وفى** শব্দের অর্থ ওয়াদা ও অঙ্গীকার পূর্ণ করা।

ইবরাহীম (আ)-এর বিশেষ গুণ, অঙ্গীকার পূরণের কিঞ্চিৎ বিবরণ : উদ্দেশ্য এই যে, ইবরাহীম (আ) আল্লাহ তা'আলার কাছে অঙ্গীকার করেছিলেন যে, তিনি আল্লাহর আনুগত্য করবেন এবং মানুষের কাছে তাঁর পন্থাগাম পৌঁছিয়ে দেবেন। তিনি এই অঙ্গীকার সকল দিক দিয়েই পূর্ণ করে দেখিয়েছেন। এতে তাঁকে অনেক অগ্নিপরীক্ষায়ও অবতীর্ণ হতে হয়েছে। **وفى** শব্দের এই তফসীর ইবনে কাসীর, ইবনে জরীর প্রমুখের মতে।

কোন কোন হাদীসে ইবরাহীম (আ)-এর বিশেষ বিশেষ কর্মকাণ্ড বোঝানোর জন্য **وفى** শব্দ ব্যবহৃত হয়েছে বলে বর্ণনা করা হয়েছে। এটা উপরোক্ত তফসীরের পরিপন্থী নয়। কেননা, অঙ্গীকার পালন শব্দটি আসলে ব্যাপক। এতে নিজস্ব কর্মকাণ্ড-সহ আল্লাহর বিধানাবলী প্রতিপালন এবং আল্লাহর আনুগত্যও দাখিল আছে। এছাড়া রিসালতের কর্তব্য পালনের মাধ্যমে সাধারণ মানুষের সংশোধনও এর পর্যায়েভুক্ত। হাদীসে বর্ণিত কর্মকাণ্ডও এগুলোর অন্তর্ভুক্ত।

উদাহরণত আবু ওসামা (রা)-র রেওয়াজেতে আছে যে, রসূলুল্লাহ (সা) **وَأَبْرَأَ**

هِمُ الَّذِي وَفَىٰ আয়াত তিলাওয়াত করে তাঁকে বললেন : তুমি জান এর মতলব কি?

আবু ওসামা (রা) আরম্ভ করলেন : আল্লাহ ও তাঁর রসূল (সা)-ই ভাল জানেন। রসূলুল্লাহ (সা) বললেন : অর্থ এই যে, **وفى عمل يومه باربع ركعات فى اول النهار** অর্থাৎ তিনি দিনের কাজ এভাবে পূর্ণ করে দেন যে, দিনের শুরুতে (ইশরাকের) চার রাক'আত নামায পড়ে নেন।—(ইবনে কাসীর)

তিরমিযীতে আবু যর (রা) বর্ণিত এক হাদীস দ্বারাও এর সমর্থন পাওয়া যায়।
রসূলুল্লাহ্ (সা) বলেন :

ابن آدم اركع لي اربع ركعات من اول النهار ا كفى اخره -

অর্থাৎ আল্লাহ্ বলেন : হে বনী আদম, দিনের শুরুতে আমার জন্য চার রাক'আত নামায পড়, আমি দিনের শেষ পর্যন্ত তোমার সব কাজের জন্য যথেষ্ট হয়ে যাব।

মুয়ায ইবনে আনাস (রা)-এর রেওয়াজেতে রসূলুল্লাহ্ (সা) বলেন : আমি তোমা-
দেরকে বলছি, আল্লাহ্ তা'আলা ইবরাহীম (আ)-কে ^{اللّٰهُ الَّذِي رَفِي} খেতাব কেন দিলেন।

কারণ এই যে, তিনি প্রত্যহ সকাল-বিকাল এই আয়াত পাঠ করতেন :

فَسُبْحَانَ اللَّهِ حِينَ تُمْسُونَ وَحِينَ تُصْبِحُونَ وَلِلَّهِ الْحَمْدُ فِي
السَّمَوَاتِ وَالْأَرْضِ وَعَشِيًّا وَحِينَ تُظْهِرُونَ - (ইবনে কাসীর) —

মূসা ও ইবরাহীম (আ)-এর সহীফার বিশেষ নির্দেশ ও শিক্ষা : কোরআন পাক পূর্ব-
বর্তী কোন পয়গম্বরের উক্তি অথবা শিক্ষা উদ্ধৃত করার মানে এই হয় যে, এই উশ্মতের জন্যও
সেটা অবশ্য পালনীয়। তবে এর বিপক্ষে কোন আয়াত অথবা হাদীস থাকলে সেটা ভিন্ন
কথা। পরবর্তী আঠার আয়াতে সেই সব বিশেষ শিক্ষা উল্লেখ করা হয়েছে, যেগুলো মূসা
ও ইবরাহীম (আ)-এর সহীফায় ছিল। তন্মধ্যে পূর্ববর্তী আয়াতসমূহের সাথে সম্পর্কযুক্ত
কর্মগত বিধান মাত্র দুটি। অবশিষ্ট শিক্ষা উপদেশ ও আল্লাহর কুদরতের নিদর্শনাবলীর
সাথে সম্পৃক্ত। কর্মগত বিধানদ্বয় এই :

وَأَنْ لَّيْسَ لِلْإِنْسَانِ إِلَّا مَا سَعَىٰ وَأَنْ لَا تَزِرُ وَازِرَةٌ وِزْرَ أُخْرَىٰ

— **وَزْر** শব্দের আসল অর্থ বোঝা। প্রথম আয়াতের অর্থ এই যে, কোন বোঝা বহনকারী
নিজের ছাড়া অপরের বোঝা বহন করবে না। এখানে বোঝা অর্থ পাপ ও শাস্তির বোঝা।
উদ্দেশ্য এই যে, কিয়ামতের দিন এক ব্যক্তির শাস্তি অপরের ঘাড়ে চাপানো হবে না এবং
অপরের শাস্তি নিজে বরণ করার ক্ষমতাও কারও হবে না। অন্য এক আয়াতে বলা হয়েছে :

وَأَنْ تَدْعُ مَثْقَلَةً إِلَىٰ حِمْلِهَا لَا يَحْمِلُ مِنْهَا شَيْئًا - অর্থাৎ কোন শক্তি যদি

পাপের বোঝায় ভারাক্রান্ত হয়ে অপরকে অনুরোধ করে যে, আমার কিছু বোঝা তুমি বহন
কর, তবে তার বোঝার কিয়দংশও বহন করার সাধ্য কারও হবে না।

একের গোনাহে অপরকে পাকড়াও করা হবে না : এই আয়াতের শানে-মুযালে বর্ণিত
ব্যক্তির ধারণাও অসার প্রমাণিত হয়েছে। সে ইসলাম গ্রহণ করেছিল অথবা ইসলাম গ্রহণে

ইচ্ছুক ছিল। তার বন্ধু তাকে তিরস্কার করল এবং নিশ্চয়তা দিল যে, কিয়ামতে কোন আযাব হলে সে নিজে তা গ্রহণ করে তাকে বাঁচিয়ে দেবে। আযাত থেকে জানা গেল যে, আল্লাহর দরবারে একের গোনাহে অপরকে পাকড়াও করার কোন সম্ভাবনা নেই।

এক হাদীসে বর্ণিত হয়েছে যে, কোন মৃত ব্যক্তির জন্য তার পরিবারের লোকজন অবৈধ বিলাপ ও ক্রন্দন করলে তাদের এই কর্মের কারণে মৃতের আযাব হয়। এটা সেই ব্যক্তির ব্যাপারে, যে নিজেও মৃতের জন্য বিলাপ ও আহাজারিতে অভ্যস্ত হয় অথবা যে ওয়ারিসদেরকে ওসীয়ত করে যে, তার মৃত্যুর পর যেন বিলাপ ও ক্রন্দনের ব্যবস্থা করা হয়।— (মায়হারী) এমতাবস্থায় তার আযাব তার নিজের কারণে হয়, অন্যের কর্মের কারণে নয়।

দ্বিতীয় বিধান হচ্ছে **وَأَنْ لَّيْسَ لِلنَّاسِ الْإِلَهَ إِلَّا مَا سَعَى**—এর সারমর্ম এই

যে, অপরের আযাব যেমন কেউ নিজে গ্রহণ করতে পারে না, তেমনি অপরের কাজ নিজে করার অধিকারও কারও নেই। এতে করে সে অপরকে কাজের দায়িত্ব থেকে মুক্ত করতে পারে না। উদাহরণত এক ব্যক্তি অপরের পক্ষ থেকে ফরয নামায আদায় করতে পারে না এবং ফরয রোযা রাখতে পারে না। এভাবে যে, অপর ব্যক্তি এই ফরয নামায ও রোযা থেকে মুক্ত হয়ে যায়। অথবা এক ব্যক্তি অপরের পক্ষ থেকে ঈমান কবুল করতে পারে না, যার ফলে অপরকে মু'মিন সাব্যস্ত করা যায়।

আলোচ্য আয়াতের এই তফসীরে কোন আইনগত খটকা ও সন্দেহ নেই। কেননা হজ্জ ও শাকাতের প্রশ্নে বেশীর বেশী এই সন্দেহ হতে পারে যে, প্রয়োজন দেখা দিলে আইনত এক ব্যক্তি অপরের পক্ষ থেকে বদলী হজ্জ করতে পারে অথবা অপরের শাকাত তার অনুমতিক্রমে দিতে পারে। কিন্তু চিন্তা করলে দেখা যায় যে, এই সন্দেহ ঠিক নয়। কারণ, কাউকে নিজের স্থলে বদলী হজ্জের জন্য প্রেরণ করা এবং তার ব্যয়ভার নিজে বহন করা অথবা কাউকে নিজের তরফ থেকে শাকাত আদায় করার আদেশ দেওয়াও প্রকৃতপক্ষে সেই ব্যক্তির নিজের কাজ ও চেষ্টারই অংশ বিশেষ। তাই এটা আয়াতের পরিপন্থী নয়।

'ইসালে সওয়াব' তথা মৃতকে সওয়াব পৌঁছানো : উপরে আয়াতের অর্থ এই জানা গেল যে, এক ব্যক্তি অপরের ফরয ঈমান, ফরয নামায ও ফরয রোযা আদায় করে তাকে ফরয থেকে অব্যাহতি দিতে পারে না। এতে জরুরী হয় না যে, এক ব্যক্তির নফল ইবাদতের উপকারিতা ও সওয়াব অন্য ব্যক্তি পেতে পারে না ; বরং এক ব্যক্তির দোয়া ও দান-খয়রাতের সওয়াব অপর ব্যক্তি পেতে পারে। এটা কোরআন ও হাদীস দ্বারা প্রমাণিত এবং আলিমগণের সর্বসম্মত ব্যাপার।— (ইবনে কাসীর)

কেবল কোরআন তিলাওয়াতের সওয়াব অপরকে দান করা ও পৌঁছানো জায়েয কি না, এ ব্যাপারে ইমাম শাফেয়ী (র) মতভেদ করেন। তাঁর মতে এটা জায়েয নয়। আলোচ্য আয়াতের ব্যাপক অর্থদৃষ্টে তিনি এই মত ব্যক্ত করেছেন। অধিকাংশ ইমাম ও ইমাম আবু হানীফা (র)-র মতে দোয়া ও দান-খয়রাতের সওয়াব যেমন অপরকে পৌঁছানো যায়, তেমনি কোরআন তিলাওয়াত ও প্রত্যেক নফল ইবাদতের সওয়াব অপরকে পৌঁছানো

জায়েয। এরূপ সওয়ার পৌছালে সংশ্লিষ্ট ব্যক্তি তা পাবে। কুরতুবী বলেন : অনেক হাদীস সাক্ষ্য দেয় যে, মু'মিন ব্যক্তি অপরের সৎ কর্মের সওয়াব পায়। তফসীরে মায-হারীতে এ স্থলে এসব হাদীস বিস্তারিত উল্লেখ করা হয়েছে।

উপরে মুসা ও ইবরাহীম (আ)-এর সহীফার বরাত দিয়ে যে দু'টি বিধান বর্ণিত হল, এগুলো অন্যান্য পয়গম্বরের শরীয়তেও বিদ্যমান ছিল। কিন্তু বিশেষভাবে হযরত মুসা ও ইবরাহীম (আ)-এর সহীফা উল্লেখ করার কারণ এই যে, তাঁদের আমলে এই মুখতাসুলভ প্রথা ব্যাপক প্রসার লাভ করেছিল যে, পিতার পরিবর্তে পুত্রকে এবং পুত্রের পরিবর্তে পিতাকে অথবা প্রাতা-ভগ্নীকে হত্যা করা হত। তাঁদের শরীয়ত এই কুপ্রথা বিলীন করেছিল।

وَأَنْ سَعِيَةَ سَوْفَ يَرَىٰ — অর্থাৎ কেবল বাহ্যিক প্রচেষ্টা যথেষ্ট নয়। আল্লাহ্

তা'আলার দরবারে প্রত্যেকের প্রচেষ্টার আসল স্বরূপও দেখা হবে যে, তা একান্তভাবে আল্লাহ্-র জন্য করা হয়েছে, না অন্যান্য জাগতিক স্বার্থও এতে শামিল আছে? রসূলুল্লাহ্ (সা) বলেন : **أَفْعَالُ بِالنِّيَّاتِ** অর্থাৎ কেবল দৃশ্যত কর্মই যথেষ্ট নয়। কর্মে আল্লাহ্ তা'আলার সম্ভৃতি ও আদেশ পালনের খাঁটি নিয়ত থাকাকারুণী।

وَأَنَّ إِلَىٰ رَبِّكَ الْمُنْتَهَىٰ — উদ্দেশ্য এই যে, অবশেষে সবাইকে আল্লাহ্

তা'আলার দিকেই ফিরে যেতে হবে এবং কর্মের হিসাব-নিকাশ দিতে হবে।

কোন কোন তফসীরবিদ এই বাক্যের অর্থ এরূপ সাব্যস্ত করেছেন যে, মানুষের চিন্তা-ভাবনার গতিধারা আল্লাহ্ তা'আলার সত্তায় পৌঁছে নিঃশেষ হয়ে যায়। তাঁর সত্তা ও গুণাবলীর স্বরূপ চিন্তা-ভাবনার মাধ্যমে অর্জন করা যায় না এবং এ সম্পর্কে চিন্তা-ভাবনার অনুমতিও নেই; যেমন কোন কোন রেওয়াজে আছে, আল্লাহ্ তা'আলার অবদান সম্পর্কে চিন্তা-ভাবনা কর; তাঁর সত্তা সম্পর্কে চিন্তা-ভাবনা করো না। এটা তোমাদের সাধাতীত ব্যাপার। কাজেই বিষয়টিকে আল্লাহ্-র জানে সোপর্দ কর।

وَأَنَّ لَهُ هُوَ أَصْحَكَ وَأَبَىٰ — অর্থাৎ মানবজাতির মধ্যে আনন্দ ও শোক এবং

এর পরিণতিতে হাসি ও কান্না প্রত্যেকেই প্রত্যক্ষ করে এবং এতদুভয়কে তাদের বাহ্যিক কারণাদির সাথে সম্পৃক্ত করে ব্যাপার শেষ করে দেয়। অথচ ব্যাপারটি চিন্তা-ভাবনা সাপেক্ষ। গভীর দৃষ্টিতে দেখলে বোঝা যায় যে, কারও আনন্দ অথবা শোক এবং হাসি ও কান্না স্বয়ং তার কিংবা অন্য কারও করায়ত্ত নয়। এগুলো আল্লাহ্ তা'আলার পক্ষ থেকে আসে। তিনিই কারণ সৃষ্টি করেন এবং তিনিই কারণাদিকে ক্রিয়াশক্তি দান করেন। তিনি ইচ্ছা করলে মুহূর্তের মধ্যে ক্রন্দনকারীদের মুখে হাসি ফোটাতে পারেন এবং হাস্যরতদেরকে এক মিনিটের মধ্যে কাঁদিয়ে দিতে পারেন। কবি চমৎকার বলেছেন :

بِغَوْشِ كُلِّ چِهَةِ سَخْنِ كَفْتَةِ كِ خُنْدَانِ سَنَ

بَعْدَ لَيْبٍ جَاءَ فَرَسُودًا لَيْ نَالَانَ سِت

اِغْنَاءُ — وَأَنْتَ هُوَ اِغْنَىٰ وَاقْتَنَىٰ

শব্দের অর্থ অপরকে ধনাঢ্য করা। **اقتنى** শব্দটি **تنهية** থেকে উদ্ভূত। এর অর্থ সংরক্ষিত ও রিজার্ভ সম্পদ। আয়াতের উদ্দেশ্য এই যে, আল্লাহ্ তা'আলাই মানুষকে ধনবান ও অভাব মুক্ত করেন এবং তিনিই স্বাক্ষর ইচ্ছা সম্পদ দান করেন যাতে সে তা সংরক্ষিত করে।

اِشْعَرَىٰ — وَأَنْتَ هُوَ رَبُّ الشَّعْرَىٰ

কোন সম্প্রদায় এই নক্ষত্রের পূজা করত। তাই বিশেষভাবে এর নাম উল্লেখ করে বলা হয়েছে যে, এই নক্ষত্রের মালিক ও পালনকর্তা আল্লাহ্ তা'আলাই; যদিও সমস্ত নক্ষত্র, নভোমণ্ডল ও ভূমণ্ডলের স্রষ্টা, মালিক ও পালকর্তা তিনি।

وَأَنْتَ أَهْلَكَ عَادَانَ الْأُولَىٰ وَثَمُودَ إِنَّمَا أَهْلِي

পৃথিবীর শক্তিশালী দুর্ধর্ষতম জাতি। তাদের দু'টি শাখা পর পর প্রথম ও দ্বিতীয় নামে পরিচিত। তাদের প্রতি হযরত হূদ (আ)-কে রসূলরূপে প্রেরণ করা হয়। অবাধ্যতার কারণে বান্বা বায়ুর আঘাব আসে। ফলে সমগ্র জাতি নাস্তানাবুদ হয়ে যায়। কওমে নূহের পর তারাই সর্বপ্রথম আঘাব দ্বারা ধ্বংসপ্রাপ্ত হয়।—(মাযহারী) সামুদ সম্প্রদায়ও তাদের অপর শাখা। তাদের প্রতি হযরত সালেহ্ (আ)-কে প্রেরণ করা হয়। যারা অবাধ্যতা করে, তাদের প্রতি বজ্রনির্নাদের আঘাব আসে। ফলে তাদের ছাৎপিণ্ড বিদীর্ণ হয়ে মৃত্যুমুখে পতিত হয়।

وَالْمُؤْتَفِكَةَ — وَالْمُؤْتَفِكَةَ أَهْوَىٰ

জনপদ ও শহর একত্রে সংলগ্ন ছিল। হযরত লূত (আ) তাদের প্রতি প্রেরিত হন। অবাধ্যতা ও নিলঞ্জতার শাস্তিরূপ জিবরাঈল (আ) তাদের জনপদসমূহ উল্টে দেন।

فَنَشَّاهَا مَا عَشَىٰ —

পর। তাদের উপর প্রস্তর বর্ষণ করা হয়েছিল। এখানে তাই বোঝানো হয়েছে। এ পর্যন্ত মুসা (আ) ও ইবরাহীম (আ)-এর কিতাবের বরাত দিয়ে বর্ণিত শিক্ষা সমাপ্ত হল।

ثَمَرِ — فَبَيِّتِ الْأَعْرَابَ وَرَبِّكَ تَتِمَّ رِي

হযরত ইবনে আব্বাস (রা) বলেন : এখানে প্রত্যেক মানুষকে সন্মোহন করে বলা হয়েছে

যে, পূর্ববর্তী আয়াত এবং মুসা ও ইবরাহীম (আ)-এর সহীফায় বর্ণিত আয়াত সম্পর্কে সামান্য চিন্তা-ভাবনা করলে রসূলুল্লাহ (স) ও তাঁর শিক্ষার সত্যতায় বিন্দুমাত্রও সন্দেহের অবকাশ থাকে না এবং পূর্ববর্তী জাতিসমূহের ধ্বংস ও আঘাবের ঘটনাবলী শুনে বিরোধিতা বর্জন করার চমৎকার সুযোগ পাওয়া যায়। এটা আল্লাহ তা'আলার একটা নিয়ামত। এতদসত্ত্বেও তোমরা আল্লাহ তা'আলার কোন্ কোন্ নিয়ামত সম্পর্কে বিবাদ ও বিরোধিতা করতে থাকবে।

هَذَا نَذِيرٌ مِّنَ النَّذُرِ الْأُولَىٰ

আমের প্রতি ইশারা করা হয়েছে। অর্থাৎ ইনিও অথবা এই কোরআনও পূর্ববর্তী পয়গম্বর অথবা কিতাবসমূহের ন্যায় আল্লাহর পক্ষ থেকে সতর্ককারীরূপে প্রেরিত। ইনি সরল পথ এবং দীন ও দুনিয়ার সাফল্য সম্বলিত নির্দেশাবলী নিয়ে আগমন করেছেন এবং বিরুদ্ধাচরণকারীদেরকে আল্লাহর শাস্তির ভয় দেখান।

أَرَفْتِ الْأَرْفَةَ لَيْسَ لَهَا مِنْ دُونِ اللَّهِ كَاشِفَةٌ

কারী বস্তু নিকটে এসে গেছে। আল্লাহ ব্যতীত কেউ এর গতিরোধ করতে পারবে না। এখানে কিয়ামত বোঝানো হয়েছে। সমগ্র বিশ্বের বয়সের দিক দিয়ে কিয়ামত নিকটে এসে গেছে। কারণ, উম্মতে মুহাম্মদী বিশ্বের সর্বশেষ ও কিয়ামতের নিকটবর্তী উম্মত।

هَذَا الْعَدِيثُ تَعْجِبُونَ وَتَضْحَكُونَ وَلَا تَكْفُرُونَ

বলে কোরআন বোঝানো হয়েছে। অর্থ এই যে, কোরআন স্বয়ং একটি মো'জেয। এটা তোমাদের সামনে এসে গেছে। এ জন্যও কি তোমরা আশ্চর্যবোধ করছ, উপহাসের ছলে হাস্য করছ এবং গোনাহ ও ছুটির কারণে ক্রন্দন করছ না?

سَمُودَ—وَأَنْتُمْ سَامِدُونَ

এর আভিধানিক অর্থ গাফিলতি ও নিশ্চিততা। এর অপর অর্থ গান-বাজনা করা। এ স্থলে এই অর্থও হতে পারে।

فَأَسْجُدْ لِلَّهِ وَاعْبُدْ

ও উপদেশের সবক'দেয়। এসব আয়াতের দাবী এই যে, তোমরা সবাই আল্লাহর সামনে বিনয় ও নম্রতা সহকারে নত হও এবং সিজদা কর ও একমাত্র তাঁরই ইবাদত কর।

সহীহ বুখারীতে হযরত ইবনে আব্বাস (রা) থেকে বর্ণিত আছে যে, সূরা নজমের এই আয়াত পাঠ করে রসূলুল্লাহ (স) সিজদা করলেন এবং তাঁর সাথে সব মুসলমান, মুশরিক, জিন ও মানব সিজদা করল। বুখারী ও মুসলিমের অপর এক হাদীসে হযরত আবদুল্লাহ ইবনে মসউদ (রা) বর্ণনা করেন, রসূলুল্লাহ (স) সূরা নজম পাঠ করে তিলা-ওয়াজাতের সিজদা আদায় করলে তাঁর সাথে উপস্থিত সকল মু'মিন ও মুশরিক সিজদা করল,

একজন কোরায়েশী রুদ্ধ ব্যক্তিত। সে একমুচ্চিঠ মাটি তুলে নিয়ে কপালে স্পর্শ করে বলল : আমার জন্য এটাই যথেষ্ট। আবদুল্লাহ্ ইবনে মসউদ (রা) বলেন : এই ঘটনার পর আমি রুদ্ধকে কাফির অবস্থায় নিহত হতে দেখেছি। এতে ইঙ্গিত আছে যে, তখন যেসব মুশরিক মজলিসে উপস্থিত ছিল, আল্লাহ্ তা'আলার অদৃশ্য ইঙ্গিতে তারাও সিজদা করতে বাধ্য হয়েছিল। অবশ্য কুফরের কারণে তখন এই সিজদার কোন সওয়াব ছিল না। কিন্তু এই সিজদার প্রভাবে পরবর্তীকালে তাদের সবারই ইসলাম ও ঈমান গ্রহণ করার তওফীক হয়ে যায়। যে রুদ্ধ সিজদা থেকে বিরত ছিল, একমাত্র সে-ই কাফির অবস্থায় মৃত্যুবরণ করেছিল।

বুখারী ও মুসলিমের এক হাদীসে হযরত শায়েদ ইবনে সাবেত (রা) বর্ণনা করেন যে, তিনি রসূলুল্লাহ্ (সা)-র সামনে সূরা নজম আদ্যোপান্ত পাঠ করেন, কিন্তু তিনি সিজদা করেন নি। এই হাদীসদৃশেট জরুরী হয় না যে, সিজদা ওয়াজিব ও অপরিহার্য নয়। কেননা এতে সন্দেহ আছে যে, তখন তাঁর ওয়ু ছিল না অথবা সিজদার পরিপন্থী অন্য কোন ওয়র বিদ্যমান ছিল। এমতাবস্থায় তাৎক্ষণিক সিজদা জরুরী হয় না, পরেও করা যায়।

سورة القمر
সূরা ক্বামার

মক্কায় অবতীর্ণ, ৫৫ আয়াত, ৩ রুক্ব

بِسْمِ اللَّهِ الرَّحْمَنِ الرَّحِيمِ

اقْتَرَبَتِ السَّاعَةُ وَانْشَقَّ الْقَمَرُ ۝ وَإِن يَرَوْا آيَةً يُعْرَضُوا وَيَقُولُوا

سِحْرٌ مُّسْتَمَرٌّ ۝ وَكَذَّبُوا وَاتَّبَعُوا أَهْوَاءَهُمْ وَكَلَّأَ أُمْرُ مُسْتَقَرًّا ۝

وَلَقَدْ جَاءَهُمْ مِنَ الْأَنْبِيَاءِ مَا فِيهِ مُزْدَجَرٌ ۝ حِكْمَةٌ بَالِغَةٌ

فَمَا تُغْنِ التُّذْرَ ۝ فَتَوَلَّوْا عَنْهُمْ يَوْمَ يَدْعُ الدَّاعِ إِلَىٰ شَيْءٍ تُكْفِرُ ۝

خُشْعًا أَبْصَارُهُمْ يَخْرُجُونَ مِنَ الْأَجْدَاثِ كَأَنَّهُمْ جَرَادٌ مُّنتَشِرٌ ۝

مُهْطِعِينَ إِلَى الدَّاعِ يَقُولُ الْكٰفِرُونَ هَذَا يَوْمٌ عَسِرٌ ۝

পরম করুণাময় ও দয়ালু আল্লাহর নামে

(১) কিয়ামত আসন্ন, চন্দ্র বিদীর্ণ হয়েছে। (২) তারা যদি কোন নিদর্শন দেখে তবে মুখ ফিরিয়ে নেয় এবং বলে, এটা তো চিরাগত যাদু। (৩) তারা মিথ্যারোপ করছে এবং নিজেদের খেয়াল-খুশীর অনুসরণ করছে। প্রত্যেক কাজ যথাসময়ে স্থিরীকৃত হয়। (৪) তাদের কাছে এমন সংবাদ এসে গেছে, যাতে সাবধানবাণী রয়েছে। (৫) এটা পরিপূর্ণ জ্ঞান তবে সতর্ককারিগণ তাদের কোন উপকারে আসে না। (৬) অতএব আপনি তাদের থেকে মুখ ফিরিয়ে নিন। যেদিন আহ্বানকারী আহ্বান করবে এক অপ্রিয় পরিনামের দিকে, (৭) তারা তখন অবনমিত নৈত্রি কবর থেকে বের হবে বিক্ষিপ্ত পংগপাল সদৃশ। (৮) তারা আহ্বানকারীর দিকে দৌড়তে থাকবে। কাফিররা বলবে : এটা কঠিন দিন।

তফসীরের সার-সংক্ষেপ

(কাফিরদের জন্য উচ্চস্তরের সতর্ককারী বিষয় বিদ্যমান রয়েছে। সেমতে) কিয়ামত আসন্ন, (যাতে মিথ্যারোপ করার কারণে বড় বিপদ হবে এবং কিয়ামত নিটবর্তী

হওয়ার আলামতও বাস্তব রূপ লাভ করেছে। সেমতে) চন্দ্র বিদীর্ণ হয়েছে।] এর মাধ্যমে কিয়ামত নিকটবর্তী হওয়ার সত্যতা প্রমাণিত হয়। কেননা, চন্দ্র বিদীর্ণ হওয়া রসুলুল্লাহ (সা)-র একটি মো'জেযা। এতে তাঁর নবুয়ত প্রমাণিত হয়। নবীর প্রত্যেকটি কথা সত্য। তাই তিনি যে কিয়ামত নিকটবর্তী হওয়ার সংবাদ দিয়েছেন, সেটাও সত্য হওয়া জরুরী। এভাবে সতর্ককারী বিদ্যমান হয়ে গেছে। এতে তাদের প্রভাবান্বিত হওয়া উচিত ছিল; কিন্তু তাদের অবস্থা এই যে] তারা যদি কোন নিদর্শন দেখে, তবে মুখ ফিরিয়ে নেয় এবং বলে : এটা যাদু, যা এক্ষণি খতম হয়ে যাবে। (অর্থাৎ এটা বাতিল। কারণ, বাতিলের প্রভাব

বেশীক্ষণ স্থায়ী হয় না; যেমন আল্লাহ বলেন : **وَمَا يُدْعِيُ الْبَاطِلُ وَمَا يُعِيدُ**

—উদ্দেশ্য এই যে, কিয়ামতের নৈকট্য থেকে উপদেশ লাভ করা নবুয়তে বিশ্বাসী হওয়ার উপর নির্ভরশীল। তারা এর দলীলের প্রতিই লক্ষ্য করে না এবং একে বাতিল মনে করে। এমতাবস্থায় তাদের উপর এর কি প্রভাব পড়তে পারে? এ ব্যাপারে) তারা (বাতিলে দৃঢ়-বিশ্বাসী হয়ে সত্যের প্রতি) মিথ্যারোপ করেছে এবং নিজেদের খেয়াল-খুশীর অনুসরণ করেছে। (অর্থাৎ তারা কোন বিশুদ্ধ দলীলের ভিত্তিতে নয়; বরং খেয়াল-খুশীর অনুসরণ করে এবং সত্যের প্রতি মিথ্যারোপ করে মুখ ফিরিয়ে নেয়। তারা মো'জেযাকে যাদু বলে, যার প্রভাব দ্রুত বিলীন হয়ে যায়। অতএব নিয়ম এই যে) প্রত্যেক বিষয় (কিছুদিন পর আসল অবস্থায় এসে) স্থিরীকৃত হয়ে যায়। (অর্থাৎ কারণ, ও লক্ষণাদি দ্বারা সত্য যে সত্য এবং মিথ্যা যে মিথ্যা তা সাধারণত নিদিষ্ট হয়ে যায়। বাস্তবে তো এখন সত্য নিদিষ্ট ও সুস্পষ্ট, কিন্তু স্বল্পবৃদ্ধিদের এখন তা বুঝে না আসলে কিছুদিন পরও বুঝে আসতে পারে। চিন্তা-ভাবনা করলে কিছুদিন পর তোমরাও জানতে পারবে যে, এটা ধ্বংসশীল যাদু, না অক্ষয় সত্য? উল্লিখিত সতর্ককারী ছাড়াও) তাদের কাছে (অতীত উম্মতদের) এমন সংবাদ এসে গেছে, যাতে (যথেষ্ট) সাবধানবাণী রয়েছে। এটা পরিপূর্ণ জ্ঞান, তবে (তাদের অবস্থা এই যে) সতর্কবাণীসমূহ তাদের কোন উপকারে আসে না। অতএব আপনি তাদের থেকে মুখ ফিরিয়ে নিন। (যখন কিয়ামত ও আযাবের সময় এসে যাবে, তখন আপনা-আপনি জানা যাবে। অর্থাৎ) যেদিন একজন আহ্বানকারী ফেরেশতা এক অপ্রিয় পরিণামের দিকে আহ্বান করবে, তখন তাদের নেত্র (অপমান ও ভয়ের কারণে) অবনমিত হবে (এবং) কবর থেকে বিক্ষিপ্ত পংগপালের ন্যায় বের হবে। তারা (বের হয়ে) আহ্বানকারীর দিকে ছুটে থাকবে। (সেখানকার কঠোরতা দেখে) কাফিররা বলবে : এই দিন বড় কঠোর।

আনুশঙ্গিক জ্ঞাতব্য বিষয়

পূর্ববর্তী সূরা নজম **أَزِفَتِ الْأَرْفَةُ** বলে সমাপ্ত করা হয়েছে, যাতে কিয়ামত

নিকটবর্তী হওয়ার কথা উল্লেখ রয়েছে। আলোচ্য সূরাকে এই বিষয়বস্তু দ্বারাই অর্থাৎ

أَقْتَرَبَتِ السَّاعَةُ বলেই শুরু করা হয়েছে। এরপর কিয়ামত নিকটবর্তী হওয়ার

একটি দলীল চন্দ্র বিদীর্ণ হওয়ার মো'জেযা আলোচিত হয়েছে। কেননা, কিয়ামতের বিপুল সংখ্যক আলামতের মধ্যে সর্ববৃহৎ আলামত হচ্ছে খোদ শেষ নবী মুহাম্মদ (সা)-এর নবুয়ত। এক হাদীসে তিনি বলেন : আমার আগমন ও কিয়ামত হাতের দুই অঙ্গুলির ন্যায় অঙ্গাঙ্গিভাবে জড়িত। আরও কতিপয় হাদীসে এই নৈকট্যের বিষয়বস্তু বর্ণিত হয়েছে। এমনিভাবে রসূলুল্লাহ্ (সা)-র মো'জেযা হিসাবে চন্দ্র দ্বিখণ্ডিত হয়ে আলাদা হলে যাওয়াও কিয়ামতের একটি বড় আলামত। এছাড়া এ মো'জেযাটি আরও এক দিক দিয়ে কিয়ামতের আলামত। তা এই যে, চন্দ্র যেমন আল্লাহর কুদরতে দুই খণ্ডে বিভক্ত হয়ে পড়েছিল, তেমনিভাবে কিয়ামতে সমগ্র গ্রহ-উপগ্রহের খণ্ড-বিখণ্ড হয়ে যাওয়া কোন অসম্ভব ব্যাপার নয়।

চন্দ্র বিদীর্ণ হওয়ার মো'জেযা : মক্কার কাফিররা রসূলুল্লাহ্ (সা)-র কাছে তাঁর রিসালতের স্বপক্ষে কোন নিদর্শন চাইলে আল্লাহ্ তা'আলা তাঁর সত্যতার প্রমাণ হিসাবে চন্দ্র বিদীর্ণ হওয়ার মো'জেযা প্রকাশ করেন। এই মো'জেযার প্রমাণ কোরআন পাকের

وَإِنْشَقَّ الْقَمَرَ

আয়াতে আছে এবং অনেক সহীহ হাদীসেও আছে। এসব হাদীস

সাহাবায়ে কিরামের একটি বিরাট দলের রেওয়াজেতক্রমে বর্ণিত আছে। তাঁদের মধ্যে রয়েছেন হযরত আবদুল্লাহ্ ইবনে মসউদ, আবদুল্লাহ্ ইবনে ওমর ও জুবায়ের ইবনে মুতাইম, ইবনে আব্বাস, আনাস ইবনে মালেক (রা) প্রমুখ। হযরত আবদুল্লাহ্ ইবনে মসউদ একথাও বর্ণনা করেন যে, তিনি তখন অকুস্থলে উপস্থিত ছিলেন এবং মো'জেযা স্বচক্ষে প্রত্যক্ষ করেছেন। ইমাম তাহাভী (র) ও ইবনে কাসীর এই মো'জেযা সম্পর্কিত সকল রেওয়াজেতকে 'মুতাওয়্যতির' বলেছেন। তাই এই মো'জেযার বাস্তবতা অকাট্যরূপে প্রমাণিত।

যটনার সার-সংক্ষেপ এই যে, রসূলুল্লাহ্ (সা) মক্কার মিনা নামক স্থানে উপস্থিত ছিলেন। তখন মুশরিকরা তাঁর কাছে নবুয়তের নিদর্শন চাইল। তখন ছিল চন্দ্রোজ্জ্বল রাত্রি। আল্লাহ্ তা'আলা এই সুস্পষ্ট অলৌকিক ঘটনা দেখিয়ে দিলেন যে, চন্দ্র দ্বিখণ্ডিত হয়ে এক খণ্ড পূর্বদিকে ও অপর খণ্ড পশ্চিমদিকে চলে গেল এবং উভয় খণ্ডের মাঝখানে পাহাড় অন্তরাল হয়ে গেল। রসূলুল্লাহ্ (সা) উপস্থিত সবাইকে বললেন : দেখ এবং সাক্ষ্য দাও। সবাই যখন পরিষ্কাররূপে এই মো'জেযা দেখে নিল, তখন চন্দ্রের উভয় খণ্ড পুনরায় একত্রিত হয়ে গেল। কোন চক্ষুস্থান ব্যক্তির পক্ষে এই সুস্পষ্ট মো'জেযা অস্বীকার করা সম্ভবপর ছিল না, কিন্তু মুশরিকরা বলতে লাগল : মুহাম্মদ সারা বিশ্বের মানুষকে যাদু করতে পারবে না। অতএব, বিভিন্ন স্থান থেকে আগত লোকদের অপেক্ষা কর। তারা কি বলে শুনে নাও। এরপর বিভিন্ন স্থান থেকে আগন্তুক মুশরিকদেরকে তারা জিজ্ঞাসাবাদ করল। তারা সবাই চন্দ্রকে দ্বিখণ্ডিত অবস্থায় দেখেছে বলে স্বীকার করল।

কোন কোন রেওয়াজেতে আছে, মক্কার এই মো'জেযা দুইবার সংঘটিত হয়। কিন্তু সহীহ রেওয়াজেতসমূহে একবারেরই প্রমাণ পাওয়া যায়। ---(বয়ানুল-কোরআন) এ সম্পর্কিত কয়েকটি রেওয়াজেতে ইবনে কাসীর থেকে নিম্নে উদ্ধৃত করা হল :

হযরত আনাস ইবনে মালেক (রা) বর্ণনা করেন :

ان اهل مكة سا لوارسول الله صلى الله عليه وسلم ان يرهم اية
فارا هم القمر شقين حتى را وا حراء بينهما -

মক্কাবাসীরা রসূলুল্লাহ্ (সা)-র কাছে নব্বয়তের কোন নিদর্শন দেখতে চাইলে আল্লাহ্ তা'আলা চন্দ্রকে দ্বিখণ্ডিত অবস্থায় দেখিয়ে দিলেন। তারা হেরা পর্বতকে উভয় খণ্ডের মাঝখানে দেখতে পেল।—(বুখারী, মুসলিম)

হযরত আবদুল্লাহ্ ইবনে মসউদ (রা) বর্ণনা করেন :

انشق القمر على عهد رسول الله صلى الله عليه وسلم شقين حتى
نظروا الالهة فقال رسول الله صلى الله عليه وسلم اشهدوا

রসূলুল্লাহ্ (সা)-র আমলে চন্দ্র বিদীর্ণ হয়ে দুই খণ্ড হয়ে গেল। সবাই এই ঘটনা অবলোকন করল এবং রসূলুল্লাহ্ (সা) বললেন : তোমরা সাক্ষ্য দাও।

ইবনে জরীর (রা)-ও নিজ সনদে এই হাদীস উদ্ধৃত করেছেন। তাতে আরও উল্লিখিত আছে :

كنا مع رسول الله صلى الله عليه وسلم بمنى فانشق القمر فخذت
فرقة خلف الجبل فقال رسول الله صلى الله عليه وسلم اشهدوا اشهدوا

আবদুল্লাহ্ ইবনে মসউদ (রা) বলেন, আমি মিনায় রসূলুল্লাহ্ (সা)-র সাথে ছিলাম। হঠাৎ চন্দ্র দ্বিখণ্ডিত হয়ে গেল এবং এক খণ্ড পাহাড়ের পশ্চাতে চলে গেল। রসূলুল্লাহ্ (সা) বললেন : সাক্ষ্য দাও, সাক্ষ্য দাও।

আবু দাউদ ও বায়হাকীর রেওয়াজেতে আবদুল্লাহ্ ইবনে মসউদ (রা) বলেন :

انشق القمر بمكة حتى ما فرقتين فقال كفار قريش اهل مكة
هذا سحر سحركم به ابن ابي كبشة انظروا السغار فان كانوا را
ما را يتم فقد صدق - وان كانوا لم يروا مثل ما رأ يتم فهو سحر سحركم
به فنسل السغار قال وقد موأ من كل جهة ففألوا رأينا -

মক্কায় (অবস্থানকালে) চন্দ্র বিদীর্ণ হয়ে দুই খণ্ড হয়ে যায়। কোরায়েশ কাফিররা বলতে থাকে, এটা যাদু, মুহাম্মদ তোমাদেরকে যাদু করেছে। অতএব, তোমরা বহির্দেশ থেকে আগমনকারী মুসাফিরদের অপেক্ষা কর। যদি তারাও চন্দ্রকে দ্বিখণ্ডিত অবস্থায় দেখে থাকে, তবে মুহাম্মদের দাবী সত্য। পক্ষান্তরে তারা এরূপ দেখে না থাকলে এটা যাদু ব্যতীত কিছু নয়। এরপর বহির্দেশ থেকে আগত মুসাফিরদেরকে জিজ্ঞাসাবাদ করায় তারা সবাই চন্দ্রকে দ্বিখণ্ডিত অবস্থায় দেখেছে বলে স্বীকার করে।—(ইবনে কাসীর)

চন্দ্র বিদীর্ণ হওয়ার ঘটনা সম্পর্কে কয়েকটি প্রশ্ন ও জওয়াব : গ্রীক দর্শনের নীতি এই যে, আকাশ ও গ্রহ-উপগ্রহের পক্ষে বিদীর্ণ হওয়া ও সংযুক্ত হওয়া সম্ভবপর নয়। সুতরাং এই নীতির ভিত্তিতে চন্দ্র বিদীর্ণ হওয়া অসম্ভব। জওয়াব এই যে, দার্শনিকদের

এই নীতি নিছক একটি দাবী মাত্র। এর পক্ষে যত প্রমাণ পেশ করা হয়েছে, সবগুলো অসম্ভব ও ভিত্তিহীন। আজ পর্যন্ত কোন যুক্তিভিত্তিক প্রমাণ দ্বারা চন্দ্র বিদীর্ণ হওয়া অসম্ভব বলে প্রমাণ করা যায়নি। তবে অজ্ঞ জনসাধারণ প্রত্যেক সুকঠিন বিষয়কে অসম্ভব বলে ধারণা করে থাকে। বলা বাহুল্য, মো'জেযা বলাই হয় এমন কাজকে, যা সাধারণ অভ্যাস বিরুদ্ধ ও সাধারণের সাধ্যাতীত এবং বিস্ময়কর হয়ে থাকে। সচরাচর ঘটে এরূপ মামুলী ঘটনাকে কেউ মো'জেযা বলবে না।

দ্বিতীয় প্রশ্ন এই যে, এরূপ বিরাট ঘটনা ঘটে থাকলে বিশ্বের ইতিহাসে তা স্থান পেত। কিন্তু এখানে চিন্তার বিষয় এই যে, ঘটনাটি মক্কায় রাগ্নিকালে ঘটেছিল। তখন বিশ্বের অনেক দেশে দিন ছিল। সুতরাং সেসব দেশে এই ঘটনা দেখার প্রশ্নই উঠে না। কোন কোন দেশে অর্ধ রাগ্নি এবং কোন কোন দেশে শেষ রাগ্নি ছিল। তখন সাধারণত সবাই নিদ্রামগ্ন থাকে। যারা জাগ্রত থাকে, তারাও তো সর্বক্ষণ চন্দ্রের দিকে তাকিয়ে থাকে না। চন্দ্র দ্বিখণ্ডিত হয়ে গেলে তার আলো ক্রমশীতে তেমন কোন প্রভেদ হয় না যে, এই প্রভেদ দেখে মানুষ চন্দ্রের দিকে আকৃষ্ট হবে। এছাড়া এটা ছিল স্বল্পক্ষণের ঘটনা। আজকাল দেখা যায় যে, কোন দেশে চন্দ্রগ্রহণ হলে পূর্বেই পত্র-পত্রিকা ও বোতাময়ন্ত্রের মাধ্যমে ঘোষণা করে দেওয়া হয়। এতদসত্ত্বেও হাজারো লাখো মানুষ চন্দ্রগ্রহণের কোন খবর রাখে না। তারা টেরই পায় না। জিজ্ঞাসা করি, এটা কি চন্দ্রগ্রহণ আদৌ না হওয়ার প্রমাণ হতে পারে? অতএব, পৃথিবীর সাধারণ ইতিহাসে উল্লিখিত না হওয়ার কারণে এই ঘটনাকে মিথ্যা বলা যায় না।

এতদ্ব্যতীত ভারতের সুপ্রসিদ্ধ ও নির্ভরযোগ্য 'তারীখে-ফেরেশতা' গ্রন্থে এই ঘটনা উল্লিখিত হয়েছে। মালাবাবের জনৈক মহারাজা এই ঘটনা স্বচক্ষে দেখেছিলেন এবং তাঁর রোজ-নামচায় তা লিপিবদ্ধও করেছিলেন। এই ঘটনাই তাঁর ইসলাম গ্রহণের কারণ হয়েছিল। উপরে আবু দাউদ ও বায়হাকীর রেওয়াজে দ্বারা প্রমাণিত হয়েছে যে, মক্কার মুশরিকরা বহিরাগত লোকদেরকে এ সম্পর্কে জিজ্ঞাসাবাদ করলে তারাও ঘটনা প্রত্যক্ষ করার কথা স্বীকার করে।

سَمْتَرٌ وَأَنْ يَرُوا آيَةً يَعْرِضُوا وَيَقُولُوا سِحْرٌ مُسْتَمِرٌّ

অর্থ দীর্ঘস্থায়ী। কিন্তু আরবী ভাষায় কোন সময়ে **سَمْتَرٌ** - **مر** চলে যাওয়া ও নিঃশেষ হয়ে যাওয়ার অর্থেও আসে। তফসীরবিদ মুজাহিদ ও কাতাদাহ (র) এ স্থলে এই অর্থই নিয়েছেন। আয়াতের অর্থ এই যে, এটা স্বল্পক্ষণস্থায়ী যাদুর প্রতিক্রিয়া, যা আপনা আপনি নিঃশেষ হয়ে যাবে। **سَمْتَرٌ** শব্দের এক অর্থ শক্ত ও কঠোর হয়। আবুল আলীয়া ও হাফ্বাক (রা) এই তফসীরই করেছেন। অর্থাৎ এটা বড় শক্ত যাদু।

মক্কাবাসীরা যখন চাক্ষুষ দেখাকে মিথ্যা বলতে পারল না, তখন যাদু ও শক্ত যাদু বলে নিজেদেরকে প্রবোধ দিল।

وَكُلُّ أَمْرٍ مُّسْتَقَرٌّ ۝--এর শাব্দিক অর্থ স্থির হওয়া। অর্থ এই যে,

প্রত্যেক কাজ চূড়ান্ত পর্যায়ে পৌঁছে পরিষ্কার হয়ে যায়। সত্যের উপর যে জালিয়াতির পর্দা ফেলে রাখা হয়, তা পরিণামে উন্মুক্ত হয়েই যায় এবং সত্য সত্যরূপে এবং মিথ্যা মিথ্যারূপে প্রতিভাত হয়ে যায়।

مُهَظِّمِينَ إِلَى الدَّاعِ ۝--এর শাব্দিক অর্থ মাথা তোলা, আঘাতের অর্থ এই

যে, আহ্বানকারীর প্রতি তাকিয়ে হাশরের ময়দানের দিকে ছুটতে থাকবে। আগের আঘাতে দৃষ্টি অবনমিত থাকার কথা বলা হয়েছে। উভয় বস্তুবোয় মিল এভাবে যে, হাশরে বিভিন্ন স্থান হবে। কোন কোন স্থানে মস্তক অবনমিতও থাকবে।

كَذَّبَتْ قَبْلَهُمْ قَوْمُ نُوحٍ فَكَذَّبُوا عَبْدَنَا وَقَالُوا مَجْنُونٌ وَازْدُجِرَ ۝

فَدَعَا رَبَّهُ أَنِّي مَغْلُوبٌ فَأَنْتَصِرْ ۝ فَفَتَحْنَا أَبْوَابَ السَّمَاءِ بِمَاءٍ

مُنْهَبٍ ۝ وَفَجَّرْنَا الْأَرْضَ عُيُونًا فَالْتَقَى الْمَاءُ عَلَى أَمْرٍ قَدْ قُدِرَ ۝

وَحَمَلْنَاهُ عَلَى ذَاتِ الْأَوَّاجِ وُدُسْرًا ۝ تَجْرِي بِأَعْيُنِنَا جَزَاءً لِّمَن كَانَ كُفِرَ ۝

وَلَقَدْ تَرَكْنَاهَا آيَةً فَهَلْ مِنْ مُّذَكِّرٍ ۝ فَكَيْفَ كَانَ عَذَابِي وَنُذِرِ ۝

وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُّذَكِّرٍ ۝

(৯) তাদের পূর্বে নূহের সম্প্রদায়ও মিথ্যারূপ করেছিল। তারা মিথ্যারূপ করেছিল আমার বান্দা নূহের প্রতি এবং বলেছিল : এ তো উন্মাদ। তারা তাকে হুমকি প্রদর্শন করেছিল। (১০) অতঃপর সে তার পালনকর্তাকে ডেকে বলল : আমি অক্ষম, অতএব ভূমি প্রতিবিধান কর। (১১) তখন আমি খুলে দিলাম আকাশের দ্বার প্রবল বারিবর্ষণের মাধ্যমে। (১২) এবং ভূমি থেকে প্রবাহিত করলাম প্রস্রবণ। অতঃপর সব পানি মিলিত হল এক পরিকল্পিত কাজে। (১৩) আমি নূহকে আরোহণ করলাম এক কাষ্ঠ ও পেরেক নির্মিত জলযানে, (১৪) যা চলত আমার দৃষ্টির সামনে। এটা তার পক্ষ থেকে প্রতিশোধ ছিল, যাকে প্রত্যাখ্যান করা হয়েছিল। (১৫) আমি একে এক নিদর্শনরূপে রেখে দিয়েছি। অতএব কোন চিন্তাশীল আছে কি? (১৬) কেমন কঠোর ছিল আমার শাস্তি ও সতর্কবাণী। (১৭) আমি কোরআনকে সহজ করে দিয়েছি বোঝার জন্য। অতএব কোন চিন্তাশীল আছে কি?

তফসীরের সার-সংক্ষেপ

তাদের পূর্বে নূহের সম্প্রদায়ও মিথ্যারোপ করেছিল (অর্থাৎ তারা নূহের প্রতি মিথ্যারোপ করেছিল এবং) বলেছিল : এ তো উন্মাদ! (তারা কেবল একথা বলেই ক্ষান্ত হয়নি; বরং একটি অনর্থক কাজও করেছিল, অর্থাৎ) তারা নূহ (আ)-কে হুমকি প্রদর্শন করেছিল।

(সূরা শোয়ারায় এর উল্লেখ আছে : **لَئِنْ لَّمْ تَنْتَهَ يَا نُوحُ لَتَكُونَنَّ مِنَ الْمَرْءِ**

جَوْ مَلِينٍ)-অতঃপর সে তার পালনকর্তাকে ডেকে বলল : আমি অপারক, (আমি এদের মুকাবিলা করতে পারি না) অতএব আপনিই (তাদের) প্রতিশোধ গ্রহণ করুন। (অর্থাৎ তাদেরকে ধ্বংস করে দিন, যেমন অন্য আয়াতে আছে : **رَبِّ لَا تَذَرُ عَلَى الْأَرْضِ**

مِنَ الْكَافِرِينَ دِيَارًا)-অতঃপর আমি প্রবল বারিবর্ষণের মাধ্যমে তাদের

উপর আকাশের দ্বার খুলে দিলাম এবং ভূমি থেকে জারি করলাম প্রস্রবণ। অতঃপর (আকাশ ও যমীনের) সব পানি মিলিত হল এক পরিকল্পিত কাজে (অর্থাৎ কাফিরদের ধ্বংস সাধনে। উভয় পানি মিলিত হয়ে প্লাবন বৃদ্ধি করল এবং তাতে সবাই নিমজ্জিত হল)। আমি নূহ (আ)-কে (প্লাবন থেকে বাঁচানোর জন্য) আরোহণ করালাম এক কাষ্ঠ ও পেরেক নিমিত্ত জলখানে, যা আমারই তত্ত্বাবধানে (পানির উপর) ভেসে চলত। (মু'মিনগণও তার সাথে ছিল)। এটাই তাঁর পক্ষ থেকে প্রতিশোধ ছিল, যাঁকে প্রত্যাখ্যান করা হয়েছিল। [অর্থাৎ নূহ (আ)। রসূল ও আল্লাহর অধিকার ওতপ্রোতভাবে জড়িত। তাই এতে কুফরও দাখিল আছে। অতএব কুফরের কারণে নিমজ্জিত করা হয়নি—এরূপ সন্দেহ করার অবকাশ রইল না]। আমি এই ঘটনাকে শিক্ষার জন্য (কাহিনী ও কিংবদন্তীতে) রেখে দিয়েছি। অতএব কোন উপদেশ গ্রহণকারী আছে কি? (দেখ) আমার শাস্তি ও সতর্কবাণী কেমন কঠোর ছিল। আমি (এমন এমন কাহিনী সম্বলিত) কোরআনকে উপদেশ গ্রহণের জন্য সহজ করে দিয়েছি। (সাধারণত সবার জন্য, কারণ এর বর্ণনাভঙ্গি সুস্পষ্ট এবং বিশেষত আরবদের জন্য, কারণ এটা আরবী ভাষায়)। অতএব (কোরআনে এসব উপদেশের বিষয়-বস্তু দেখে) কোন উপদেশ গ্রহণকারী আছে কি? (অর্থাৎ এসব কাহিনী দেখে বিশেষভাবে কাফিরদের সতর্ক হওয়া উচিত)।

আনুষঙ্গিক জ্ঞাতব্য বিষয়

وَأَزْدِجِرٍ—مَجْنُونٍ وَأَزْدِجِرٍ এর শাব্দিক অর্থ হুমকি প্রদর্শন করা হল।

উদ্দেশ্য এই যে, তারা নূহ (আ)-কে পাগলও বলল এবং তাঁকে হুমকি প্রদর্শন করে রিসালতের কর্তব্য পালন থেকে বিরতও রাখতে চাইল। অন্য এক আয়াতে আছে যে, তারা নূহ (আ)-কে

হমকি প্রদর্শন করে বলল : যদি আপনি প্রচার ও দাওয়াতের কাজ থেকে বিরত না হন, তবে আমরা আপনাকে প্রস্তর বর্ষণ করে মেরে ফেলব।

আবদ ইবনে হামায়দ (র) মুজাহিদ (র) থেকে বর্ণনা করেন, নূহ (আ)-র সম্প্রদায়ের কিছু লোক তাঁকে পথেঘাটে কোথাও পেলে গলা টিপে ধরত। ফলে তিনি বেহুঁশ হলে যেতেন। এরপর হুঁশ ফিরে এলে তিনি আল্লাহ্র দরবারে দোয়া করতেন : আল্লাহ্, আমার সম্প্রদায়কে ক্ষমা করুন। তারা অজ্ঞ। সাড়ে নয়শ বছর পর্যন্ত সম্প্রদায়ের এহেন নির্যাতনের জওয়াব দোয়ার মাধ্যমে দিয়ে অবশেষে নিরুপায় হয়ে তিনি বাদদোয়া করেন, যার ফলে সমগ্র জাতি মহাপ্লাবনে নিমজ্জিত হয়।

فَاَلْتَقَى الْمَاءُ عَلَىٰ أَمْرٍ قُدْرٍ — অর্থাৎ ভূমি থেকে স্ফীত পানি এবং আকাশ

থেকে বর্ষিত পানি এভাবে পরস্পরে মিলিত হয়ে গেল যে, সমগ্র জাতিকে ডুবিয়ে মারার যে পরিকল্পনা আল্লাহ্ তা'আলা করেছিলেন, তা বাস্তবায়িত হয়ে গেল। ফলে পাহাড়ের চূড়ায়ও কেউ আশ্রয় পেল না।

لَوْحٍ — এর বহুবচন। অর্থ কাঠের

তক্তা শব্দটি لَوْحٍ এর বহুবচন। অর্থ পেরেক, কীলক, যার সাহায্যে তক্তাকে সংযুক্ত করা হয়। উদ্দেশ্য নৌকা।

ذَكَرْنَا الْقُرْآنَ لِلذِّكْرِ فَهَلْ مِنْ مُدْكِرٍ — এর অর্থ দ্বিবিধ :

এক. মুখস্থ করা এবং দুই. উপদেশ ও শিক্ষা অর্জন করা। এখানে উভয় অর্থ বোঝানো যেতে পারে। আল্লাহ্ তা'আলা কোরআনকে মুখস্থ করার জন্য সহজ করে দিয়েছেন। ইতিপূর্বে অন্য কোন ঐশী গ্রন্থ এরূপ ছিল না। তওরাত, ইঞ্জীল ও যবুর মানুষের মুখস্থ ছিল না। আল্লাহ্ তা'আলার পক্ষ থেকে সহজীকরণের ফলশ্রুতিতেই কচি কচি বালক-বালিকারাও সমগ্র কোরআন মুখস্থ করে ফেলতে সক্ষম হয় এবং তাতে একটি যের-যবরের পার্থক্য হয় না। চৌদশ বছর ধরে প্রতি সুরে প্রতি ভূখণ্ডে হাজারো লাখো হাফেযের বৃক্ক আল্লাহ্র কিতাব কোরআন সংরক্ষিত আছে এবং কিয়ামত পর্যন্ত থাকবে।

এ ছাড়া কোরআন পাক তার উপদেশ ও শিক্ষার বিষয়বস্তুকে খুবই সহজ করে বর্ণনা করেছে। ফলে বড় বড় আলিম, বিশেষজ্ঞ ও দার্শনিক যেমন এর দ্বারা উপকৃত হয়, তেমনি গণমুখ্য ব্যক্তিবর্গও এর শিক্ষা ও উপদেশমূলক বিষয়বস্তু দ্বারা প্রভাবান্বিত হয়।

ইজতিহাদ তথা বিধানাবলী চয়ন করার জন্য কোরআনকে সহজ করা হয়নি : আলোচ্য আয়াতে يَسْرًا এর সাথে لِلذِّكْرِ সংযুক্ত করে আরও বলা হয়েছে যে, মুখস্থ করা ও উপদেশ গ্রহণ করার সীমা পর্যন্ত কোরআনকে সহজ করা হয়েছে। ফলে প্রত্যেক

আলিম ও জাহিল, ছোট ও বড়---সমভাবে এর দ্বারা উপকৃত হতে পারে। এতে জরুরী হয় না যে, কোরআন পাক থেকে বিধানাবলী চয়ন করাও তেমনি সহজ হবে। বলা বাহুল্য, এটা একটা স্বতন্ত্র ও কঠিন শাস্ত্র। যেসব প্রগাঢ় জ্ঞানী আলিম এই শাস্ত্রের গবেষণায় জীবনপাত করেন, কেবল তারাই এই শাস্ত্রে ব্যুৎপত্তি অর্জন করতে পারেন। এটা প্রত্যেকের বিচরণক্ষেত্র নয়।

কোন কোন মুসলমান উপরোক্ত আয়াতকে সম্বল করে কোরআনের মূলনীতি ও ধারাসমূহ পূর্ণরূপে আয়ত্ত না করেই মুজতাহিদ হতে চায় এবং বিধানাবলী চয়ন করতে চায়। উপরোক্ত বক্তব্য দ্বারা তাদের দ্রাষ্টি ফুটে উঠেছে। বলা বাহুল্য, এটা পরিষ্কার পথদ্রষ্টতা।

كَذَّبَتْ عَادٌ فَكَيْفَ كَانَ عَدَابِي وَنُذِرِي ۝ إِنَّا أَرْسَلْنَا عَلَيْهِمْ رِيحًا
صَرْصَرًا فِي يَوْمٍ نَحْسٍ مُّسْتَمِرٍّ ۝ تَنْزِعُ النَّاسَ كَانِهِمْ ۝ عِجَازًا نَّحْلٍ مُّنْقَعِرٍ ۝
فَكَيْفَ كَانَ عَدَابِي وَنُذِرِي ۝ وَلَقَدْ يَسَّرْنَا الْقُرْآنَ لِلذِّكْرِ فَهَلْ
مِنْ مُّذَكِّرٍ ۝ كَذَّبَتْ ثَمُودُ بِالنُّذُرِ ۝ فَقَالُوا أَبَشَرًا مِّثْنَا وَاحِدًا أَنْتَبِعُكَ ۝
إِنَّا إِذَا لَفِيَ ضَلِيلٌ وَسُعِيرٌ ۝ أَلْقَى الذِّكْرَ عَلَيْهِ مِنْ بَيْنِنَا بَلْ هُوَ
كَذَّابٌ أَشْرٌ ۝ سَيَعْلَمُونَ عَدَا مَنِ الْكَذَّابُ الْأَشْرُ ۝ إِنَّا مُرْسِلُوا
النَّاقَةَ فِتْنَةً لَهُمْ فَارْتَبِعْهُمْ وَاصْطَبِرْ ۝ وَتَبَيَّنْهُمْ أَنَّ الْمَاءَ قِسْمَةٌ
بَيْنَهُمْ ۝ كُلٌّ شَرِبَ فَحْتَضِرُ ۝ فَنَادُوا صَاحِبَهُمْ فَتَعَاطَى فَعَقَرَ ۝ فَكَيْفَ
كَانَ عَدَابِي وَ نُذِرِي ۝ إِنَّا أَرْسَلْنَا عَلَيْهِمْ صَيْحَةً وَاحِدَةً فَكَانُوا
كَهَشِيمِ الْمُحْتَظِرِ ۝ وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُّذَكِّرٍ ۝
كَذَّبَتْ قَوْمُ لُوطٍ بِالنُّذُرِ ۝ إِنَّا أَرْسَلْنَا عَلَيْهِمْ حَاصِبًا إِلَّا آلَ لُوطٍ ۝
نَجَّيْنَاهُمْ بِسَحَرٍ ۝ نِعْمَةٌ مِّنْ عِنْدِنَا كَذَلِكَ نَجْزِي مَنْ شَكَرَ ۝
وَلَقَدْ أَنْذَرَهُمْ بَطْشَتَنَا فَتَمَارَوْا بِالنُّذُرِ ۝ وَلَقَدْ رَاوَدُوهُ عَنْ ضَيْفِهِ

قَطَسْنَا أَعْيُنَهُمْ فَذُوقُوا عَذَابِي وَنُذِرٌ ۝ وَلَقَدْ صَبَّحَهُم بُكْرَةً

عَذَابٌ مُّسْتَقِرٌّ ۝ فَذُوقُوا عَذَابِي وَنُذِرٌ ۝ وَلَقَدْ يَسَّرْنَا الْقُرْآنَ

لِلذِّكْرِ فَهَلْ مِنْ مُدَكِّرٍ ۝ وَلَقَدْ جَاءَ آلَ فِرْعَوْنَ النُّذُرُ ۝

كَذَّبُوا بِآيَاتِنَا كُلِّهَا فَأَخَذْنَاهُمْ أَخْذَ عَزِيزٍ مُّقْتَدِرٍ ۝

(১৮) 'আদ সম্প্রদায় মিথ্যারোপ করেছিল, অতঃপর কেমন কঠোর হয়েছিল আমার শাস্তি ও সতর্কবাণী! (১৯) আমি তাদের উপর প্রেরণ করেছিলাম বাঞ্ছা-বায়ু এক চিরা-চরিত অশুভ দিনে। (২০) তা মানুষকে উৎখাত করছিল, যেন তারা উৎপাটিত খজুর রন্ধের কাণ্ড। (২১) অতঃপর কেমন কঠোর ছিল আমার শাস্তি ও সতর্কবাণী। (২২) আমি কোরআনকে বোঝার জন্য সহজ করে দিয়েছি। অতএব কোন চিন্তাশীল আছে কি? (২৩) সামুদ সম্প্রদায় সতর্ককারীদের প্রতি মিথ্যারোপ করেছিল। (২৪) তারা বলেছিল: আমরা কি আমাদেরই একজনের অনুসরণ করব? তবে তো আমরা বিপথগামী ও বিকার-প্রসূরূপে গণ্য হব। (২৫) আমাদের মধ্যে কি তারই প্রতি উপদেশ নাহিল করা হয়েছে? বরং সে একজন মিথ্যাবাদী, দাস্তিক। (২৬) এখন আগামীকলাই তারা জানতে পারবে কে মিথ্যাবাদী, দাস্তিক। (২৭) আমি তাদের পরীক্ষার জন্য এক উক্টুী প্রেরণ করব, অতএব তাদের প্রতি লক্ষ্য রাখ এবং সবার কর (২৮) এবং তাদেরকে জানিয়ে দাও যে, তাদের মধ্যে পানির পালা নির্ধারিত হয়েছে এবং পালাক্রমে উপস্থিত হতে হবে। (২৯) অতঃপর তারা তাদের সংগীকে ডাকল। সে তাকে ধরল এবং বধ করল। (৩০) অতঃপর কেমন কঠোর ছিল আমার শাস্তি ও সতর্কবাণী! (৩১) আমি তাদের প্রতি একটিমাত্র নিনাদ প্রেরণ করেছিলাম। এতেই তারা হয়ে গেল গুরু শাখাপল্লব নির্মিত দলিত খোঁয়াড়ের ন্যায়। (৩২) আমি কোরআনকে বোঝার জন্য সহজ করে দিয়েছি। অতএব কোন চিন্তাশীল আছে কি? (৩৩) লূত-সম্প্রদায় সতর্ককারীদের প্রতি মিথ্যারোপ করেছিল। (৩৪) আমি তাদের প্রতি প্রেরণ করেছিলাম প্রসূর বর্ষণকারী প্রচণ্ড ঘূর্ণিবায়ু; কিন্তু লূত-পরিবারের উপর নয়। আমি তাদেরকে রাতের শেষ প্রহরে উদ্ধার করেছিলাম। (৩৫) আমার পক্ষ থেকে অনু-গ্রহস্বরূপ। যারা কৃতজ্ঞতা স্বীকার করে, আমি তাদেরকে এভাবেই পুরস্কৃত করে থাকি। (৩৬) লূত তাদেরকে আমার প্রচণ্ড পাকড়াও সম্পর্কে সতর্ক করেছিল। অতঃপর তারা সতর্কবাণী সম্পর্কে বাকবিতণ্ডা করেছিল। (৩৭) তারা লূত (আ)-এর কাছে তার মেহমানদেরকে দাবী করেছিল। তখন আমি তাদের চক্ষু লোপ করে দিলাম অতএব আশ্বাদন কর আমার শাস্তি ও সতর্কবাণী। (৩৮) তাদেরকে প্রত্যুষে নির্ধারিত শাস্তি আঘাত হেনেছিল। (৩৯) অতএব আমার শাস্তি ও সতর্কবাণী আশ্বাদন কর। (৪০) আমি কোরআনকে বুঝার জন্য সহজ করে দিয়েছি, অতএব কোন চিন্তাশীল আছে কি? (৪১) ফির-আউন সম্প্রদায়ের কাছেও সতর্ককারিগণ আগমন করেছিল। (৪২) তারা আমার সকল

নিদর্শনের প্রতি মিথ্যারোপ করেছিল। অতঃপর আমি পরাভূতকারী, পরাক্রমশালীর ন্যায় তাদেরকে পাকড়াও করলাম।

তফসীরের সার-সংক্ষেপ

আদ সম্প্রদায়ও (তাদের পয়গম্বরের প্রতি) মিথ্যারোপ করেছিল। অতঃপর কেমন কঠোর হয়েছিল আমার শাস্তি ও সতর্কবাণী। (তাদের কাহিনী এই যে) আমি তাদের উপর প্রেরণ করেছিলাম প্রচণ্ড বাতাস, এক অবিরাম অশুভ দিনে। (অর্থাৎ সেই সময়টি তাদের জন্য চিরতরে অশুভ হয়ে রয়েছে। সেদিন যে শাস্তি এসেছিল, সেটা কবরের আযাবের সাথে সংলগ্ন হয়ে গেছে। এরপর পরকালের আযাব এবং তার সাথে মিলিত হবে, যা কোন সময় খতম হবে না)। সেই বায়ু এভাবে মানুষকে (তাদের জায়গা থেকে) উৎখাত করছিল, যেন তারা উৎপাটিত খজুর বৃক্ষের কাণ্ড। (এতে তাদের দীর্ঘাকৃতি হওয়ার দিকেও ইঙ্গিত আছে)। অতএব (দেখ) কেমন কঠোর ছিল আমার শাস্তি ও সতর্কবাণী। আমি কোরআনকে উপদেশ গ্রহণের জন্য সহজ করে দিয়েছি। অতএব, কোন চিন্তাশীল আছে কি? সামূদ সম্প্রদায়ও পয়গম্বরের প্রতি মিথ্যারোপ করেছিল। (কেননা, এক পয়গম্বরের প্রতি মিথ্যারোপ করা সকল পয়গম্বরের প্রতি মিথ্যারোপ করারই নামান্তর)। তারা বলেছিল : আমরা কি আমাদেরই একাকী একজনের অনুসরণ করব? (অর্থাৎ ফেরেশতা হলে আমরা ধর্মের ব্যাপারে তার অনুসরণ করতাম অথবা সাজপাজ বিশিষ্ট হলে পার্থিব ব্যাপারে তার অনুসরণ করতাম। সে তো একাকী মানব। এমতাবস্থায় যদি আমরা অনুসরণ করি) তবে তো আমরা পথভ্রষ্ট ও বিকারগ্রস্তরূপে গণ্য হব। আমাদের মধ্য থেকে (মনোনীত হয়ে) তার প্রতিই কি ওহী নাযিল হয়েছে? (কখনই এরূপ নয়) বরং সে একজন মিথ্যাবাদী, দাস্তিক। [নেতা হওয়ার জন্য দস্তভরে সে এমন কথাবার্তা বলে। আল্লাহ তা'আলা হযরত সালেহ্ (আ)-কে বললেন : তুমি তাদের অর্থহীন কথাবার্তায় দুঃখ করো না] সত্বরই (অর্থাৎ মৃত্যুর সাথে সাথেই) তারা জানতে পারবে কে মিথ্যাবাদী, দাস্তিক। (অর্থাৎ নব্বয়ত অস্বীকার করার কারণে তারাই মিথ্যাবাদী এবং দস্তের কারণে তারাই নবীর অনুসরণ করতে লজ্জাবোধ করে। তারা উক্তীর মো'জেযা চাইত। তাদের আবেদন অনুযায়ী প্রস্তরের ভিতর থেকে) তাদের পরীক্ষার জন্য আমি এক উক্তী বের করব। অতএব তাদের (কর্মকাণ্ডের) প্রতি লক্ষ্য রাখ এবং সবার কর। (উক্তী আবির্ভূত হলে) তাদেরকে জানিয়ে দাও যে, তাদের মধ্যে (কুপের) পানির পালা নির্ধারিত হয়েছে। (অর্থাৎ তোমাদের চতুর্দিক জন্তু ও উক্তীর পালা নির্ধারিত হয়ে গেছে)। প্রত্যেককে পালাক্রমে উপস্থিত হতে হবে। [সেমতে উক্তী আবির্ভূত হল এবং সালেহ্ (আ) একথা জানিয়ে দিলেন]। অতঃপর (পালা দেখে তারা অতিষ্ঠ হয়ে গেল এবং) তারা (উক্তীকে হত্যা করার উদ্দেশ্যে) তাদের সংগী (কুদার)-কে ডাকল। সে তাকে ধরল এবং বধ করল। অতঃপর (দেখ) কেমন কঠোর ছিল আমার শাস্তি ও সতর্কবাণী (শাস্তি এই যে) আমি তাদের প্রতি একটি মাত্র নিনাদ (ফেরেশতার) প্রেরণ করেছিলাম। এতেই তারা হয়ে গেল গুলু শাখাপল্লব নিমিত দলিত বেড়ার ন্যায়। (অর্থাৎ ক্ষেত অথবা জন্তু-জানোয়ারের

হিফায়তের জন্য শুক্র তৃণ ইত্যাদি দ্বারা বেড়া অথবা খোঁয়াড় বানানো হয়। কিছুদিন পর এগুলো দলিত ও চূর্ণ-বিচূর্ণ হয়ে যায়। তারাও এমনিভাবে ধ্বংসপ্রাপ্ত হয়। আরবরা এই বেড়া ও খোঁয়াড়ের সাথে দিবারাত্র পরিচিত ছিল। তাই তারা এর অর্থ খুব বুঝত)। আমি কোরআনকে উপদেশের জন্য সহজ করে দিয়েছি। অতএব কোন উপদেশ গ্রহণকারী আছে কি? লুত সম্প্রদায়ও পয়গম্বরদের প্রতি মিথ্যারোপ করেছিল। আমি তাদের উপর প্রস্তররষ্টি বর্ষণ করেছি। কিন্তু লুত পরিবারের উপর নয়। আমি তাদেরকে রাতের শেষ প্রহরে (বস্তির বাইরে নিয়ে যেয়ে) উদ্ধার করেছিলাম। আমার পক্ষ থেকে অনুগ্রহ-স্বরূপ। যারা কৃতজ্ঞতা স্বীকার করে (অর্থাৎ ঈমান আনে), আমি তাদেরকে এইভাবেই পুরস্কৃত করে থাকি। [অর্থাৎ ক্রোধান্নি থেকে রক্ষা করি। লুত (আ) আযাব আসার পূর্বে] তাদের আমার প্রচণ্ড আযাব সম্পর্কে সতর্ক করেছিল। অতঃপর তারা সতর্কবাণী সম্পর্কে বাকবিতণ্ডা করেছিল। (অর্থাৎ বিশ্বাস করল না। যখন লুতের কাছে আমার ফেরেশতা মেহমানের বেশে আগমন করল এবং তারা সুন্দর বালকদের আগমন জানতে পারল, তখন সেখানে এসে) তারা লুতের কাছে তার মেহমানদেরকে কুমতলবে দাবী করল। [ফলে লুত (আ) প্রথমে বিরত হলেন। কিন্তু তারা ছিল ফেরেশতা। কাজেই ফেরেশতাদেরকে আদেশ দিয়ে] আমি তাদের চক্ষু লোপ করে দিলাম। [অর্থাৎ জিবরাঈল (আ) তাঁর পাখা তাদের চোখের উপর রেখে দিলেন। ফলে তারা অন্ধ হয়ে গেল। তাদেরকে বলা হল :] অতএব, আমার শাস্তি ও সতর্কবাণীর মজা আশ্বাদন কর। (অন্ধ করার পর) প্রত্যুশে তাদেরকে স্থায়ী আযাব আঘাত হেনেছিল। (বলা হল :) অতএব, আমার শাস্তি ও সতর্কবাণী আশ্বাদন কর। (এই বাক্য প্রথমে অন্ধ হওয়ার আযাবের পর বলা হয়েছিল। এখানে ধ্বংস করার পর বলা হয়েছে। কাজেই পুনরারুত্তি নেই)। আমি কোরআনকে উপদেশের জন্য সহজ করে দিয়েছি। অতএব, কোন উপদেশ গ্রহণকারী আছে কি? ফিরাউন সম্প্রদায়ের কাছেও অনেক সতর্কবাণী পৌঁছেছিল। [অর্থাৎ মুসা (আ)-র বাণী ও মো'জেস]। কিন্তু তারা আমার সকল নিদর্শনের (অর্থাৎ নয়টি প্রসিদ্ধ নিদর্শনের) প্রতি মিথ্যারোপ করেছে। (অর্থাৎ সেগুলোর অন্তর্নিহিত অর্থ তওহীদ ও নবুয়তের প্রতি মিথ্যারোপ করেছিল। নতুবা ঘটনাবলীকে মিথ্যা বলা সম্ভবপর নয়)। অতঃপর আমি প্রবল পরাক্রান্তের ন্যায় তাদেরকে পাকড়াও করলাম। (অর্থাৎ আমার পাকড়াওকে কেউ প্রতিহত করতে পারল না। সুতরাং প্রবল পরাক্রান্ত স্বয়ং আল্লাহ তা'আলা)।

আনুষঙ্গিক জাতব্য বিষয়

কতক শব্দার্থের ব্যাখ্যা : **سعر** শব্দটি দুই জায়গায় ব্যবহৃত হয়েছে। প্রথমে সামুদ্র গোত্রের আলোচনায় তাদেরই উক্তিতে। এখানে এর অর্থ পাগলামি। দ্বিতীয় **سعر** বাক্যাংশে। এখানে **سعر** এর অর্থ জাহান্নামের অগ্নি। অভিধানে এই শব্দটি উভয় অর্থে ব্যবহৃত হয়।

سراودة — **راودة** عن **سيفة** শব্দের অর্থ কামপ্রবৃত্তি চরিতার্থ করার

জন্ম কাউকে ফুসলানো। কওমে লূত বালকদের সাথে অপকর্মে অভ্যস্ত ছিল। আল্লাহ তা'আলা তাদের পরীক্ষার জন্যই কয়েকজন ফেরেশতাকে সুশ্রী বালকের বেশে প্রেরণ করেন। দুর'ত্তরা তাদের সাথে অপকর্মে লিপ্ত হওয়ার জন্য লূত (আ)-এর গৃহে উপস্থিত হয়। লূত (আ) দরজা বন্ধ করে দেন। কিন্তু তারা দরজা ভেঙ্গে অথবা প্রাচীর উপকিয়ে ভিতরে আসতে থাকে। লূত (আ) বিব্রত বোধ করলে ফেরেশতাগণ তাদের পরিচয় প্রকাশ করে বললেন : আপনি চিন্তিত হবেন না। এরা আমাদের কিছুই করতে পারবে না। আমরা তাদেরকে শাস্তি দেওয়ার জন্যই আগমন করেছি।

সূরা ক্বামার কিয়ামত নিকটবর্তী হওয়ার আলোচনা দ্বারা শুরু করা হয়েছে, যাতে দুনিয়ার লোভ-লালসায় পতিত এবং পরকাল-বিমুখ কাফিরদের চেতনা ফিরে আসে। প্রথমে কিয়ামতের আযাব বর্ণনা করা হয়েছে। এরপর তাদের পার্থিব মন্দ পরিণাম ব্যক্ত করার জন্য পাঁচটি বিশ্ববিশ্রুত সম্প্রদায়ের অবস্থা, পয়গম্বরগণের বিরোধিতার কারণে তাদের অশুভ পরিণতি ও ইহকালেও নানা আযাবে পতিত হওয়ার কথা বিধৃত হয়েছে।

সর্বপ্রথম নূহ (আ)-র সম্প্রদায়ের অবস্থা আলোচনা করা হয়েছে। কারণ, তারাই বিশ্বের সর্বপ্রথম জাতি, যাদেরকে আল্লাহ্র আযাব ধ্বংস করে দেয়। এই কাহিনী পূর্বে বর্ণিত হয়েছে। আলোচ্য আয়াতসমূহে 'আদ, সামূদ, কওমে-লূত ও কওমে ফিরাউন এই চার সম্প্রদায়ের আলোচনা রয়েছে। তাদের ঘটনাবলী কোরআন পাকের কয়েক জায়গায় বর্ণিত হয়েছে। এখানে সংক্ষেপে উল্লেখ করা হয়েছে।

এই পাঁচটি জাতি ছিল বিশ্বের শক্তিশালী ও প্রবল পরাক্রান্ত জনগোষ্ঠী। কোন শক্তির কাছে তারা মাথা নত করত না। আলোচ্য আয়াতসমূহে তাদের উপর আল্লাহ্র আযাব আগমনের চিত্র অঙ্কন করা হয়েছে। প্রত্যেক জাতির বর্ণনা শেষে কোরআন পাক এই বাক্যের পুনরাবৃত্তি করেছে :

فَكَيْفَ كَانَ عَذَابِي وَنُذُرٍ — অর্থাৎ এত শক্তিশালী ও জনবহুল জাতির

উপর যখন আল্লাহ্র আযাব নেমে এল, তখন দেখ, তারা কিভাবে মশা-মাছির ন্যায় নিপাত হয়ে গেল! এতদসঙ্গে মু'মিন ও কাফিরদের উপদেশের জন্য এই বাক্যটিও বারবার উল্লেখ করা হয়েছে :

وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُدَكِّرٍ — অর্থাৎ আল্লাহ্র এই মহা

শাস্তির কবল থেকে আত্মরক্ষার একমাত্র পথ হচ্ছে কোরআন। উপদেশ ও শিক্ষা গ্রহণের সীমা পর্যন্ত আমি কোরআনকে সহজ করে দিয়েছি। কাজেই সেই ব্যক্তি চরম হতভাগা ও বঞ্চিত, যে কোরআন দ্বারা উপকৃত হয় না। পরে উল্লিখিত আয়াতসমূহে রসূলুল্লাহ (সা)-র আমলে বিদ্যমান লোকদেরকে বলা হয়েছে যে, তোমাদের মুগের কাফিররা ধন-সম্পদ, জনসংখ্যা এবং শক্তি ও সাহসে 'আদ, সামূদ ও ফিরাউন সম্প্রদায়ের চাইতে বেশী নয়। এমতাবস্থায় তারা কিরূপে নিশ্চিত্তে বসে রয়েছে।

أَكْفَارَكُمْ خَيْرٌ مِّنْ أَوْلِيَّكُمْ أَمْ لَكُمْ بَرَاءَةٌ فِي الزُّبُرِ ۝۷۷ أَمْ يَقُولُونَ
 نَحْنُ جَمِيعٌ مُّنتَصِرُونَ ۝۷۸ سَيُزْمُ أَلْحَمُّ لَهُ وَيَقُولُونَ لَوْلَا أَلْمَبُتْنَا لَبَدَّلْنَا لَكَ الْوَجْهَ
 وَالسَّاعَةَ أَذْهَىٰ وَأَمْرٌ ۝۷۹ إِنَّ الْمُجْرِمِينَ فِي ضَلَالٍ وَسُعُرٍ ۝۸۰ يَوْمَ
 يُسْحَبُونَ فِي النَّارِ عَلَىٰ وُجُوهِهِمْ ذُوقُوا مَسَّ سَقَرَ ۝۸۱ إِنَّا كُلَّ
 شَيْءٍ خَلَقْنَاهُ بِقَدَرٍ ۝۸۲ وَمَا أَمْرُنَا إِلَّا وَاحِدَةٌ كَلَمْحٍ بِالْبَصَرِ ۝۸۳ وَكَأَنَّمَا
 أَهْلَكْنَا أَشْيَاعَكُمْ فَهَلْ مِنْ مُّدَّكِرٍ ۝۸۴ وَكُلُّ شَيْءٍ فَعَلُوهُ فِي الزُّبُرِ ۝۸۵
 وَكُلُّ صَغِيرٍ وَكَبِيرٍ مُّسْتَطَرٌ ۝۸۶ إِنَّ السُّتْقِينَ فِي جَنَّتٍ وَنَهْرٍ ۝۸۷ فِي
 مَقْعَدِ صِدْقٍ عِنْدَ مَلِيكٍ مُّقْتَدِرٍ ۝۸۸

(৪৩) তোমাদের মধ্যকার কাফিররা কি তাদের চাইতে শ্রেষ্ঠ? না তোমাদের মুক্তির সনদপত্র রয়েছে কি তাবসমূহে? (৪৪) না তারা বলে যে, আমরা এক অপরাধের দল? (৪৫) এ দল তো সত্ত্বরই পরাজিত হবে এবং গৃষ্ঠ প্রদর্শন করবে। (৪৬) বরং কিয়ামত তাদের প্রতিশ্রুত সময় এবং কিয়ামত ঘোরতর বিপদ ও তিক্ততর। (৪৭) নিশ্চয় অপরাধীরা পথভ্রষ্ট ও বিকারগ্রস্ত। (৪৮) যেদিন তাদেরকে মুখ হেঁচড়িয়ে টেনে নেওয়া হবে জাহান্নামে, বলা হবে: অগ্নির খাদ্য আশ্বাদন কর। (৪৯) আমি প্রত্যেক বস্তুকে পরিমিতরূপে সৃষ্টি করেছি। (৫০) আমার কাজ তো এক মুহূর্তে চোখের পলকের মত। (৫১) আমি তোমাদের সমমনা লোকদেরকে ধ্বংস করেছি, অতএব কোন চিন্তাশীল আছে কি? (৫২) তারা যা কিছু করেছে, সবই আমলনামায় লিপিবদ্ধ আছে (৫৩) ছোট ও বড় সবই লিপিবদ্ধ। (৫৪) আল্লাহ্‌তীরা থাকবে জাহান্নামে ও নিব্বানীতে; (৫৫) যোগ্য আসনে, সর্বাধিপতি সম্রাটের সান্নিধ্যে।

তফসীরের সার-সংক্ষেপ

(কাফিরদের কাহিনী ও কুফরের কারণে তাদের শাস্তির ঘটনাবলী তোমরা শুনলে। এখন তোমরাও যখন কুফরের অপরাধে অপরাধী, তখন তোমাদের শাস্তির কবল থেকে বেঁচে যাওয়ার কোন কারণ নেই)। তোমাদের মধ্যকার কাফিররা কি তাদের (অর্থাৎ উল্লিখিত কাফিরদের) চাইতে শ্রেষ্ঠ? (যে কারণে তোমরা অপরাধ করা সত্ত্বেও শাস্তিপ্ৰাপ্ত হবে না?) না তোমাদের জন্য (ঐশী) কি তাবসমূহে মুক্তির সনদপত্র রয়েছে? না তারা

বলে যে, আমরা এক অপরাজেয় দল? (তাদের পরাজিত হওয়ার তো সুস্পষ্ট প্রমাণাদি বিদ্যমান রয়েছে এবং তারা নিজেরাও এতে বিশ্বাস করে। এরপরও একথা বলার অর্থ এই যে, তাদের মধ্যে শাস্তি প্রতিরোধকারী কোন শক্তি আছে। শাস্তি থেকে বেঁচে যাওয়ার উল্লিখিত তিনটি উপায়ের মধ্য থেকে কোনটি তোমাদের অর্জিত আছে? প্রথমোক্ত দুটি উপায় তো সুস্পষ্টরূপেই বাতিল। অভ্যস্ত কারণাদির দিক দিয়ে তৃতীয় উপায়টি সম্ভবপর হলেও তা ঘটবে না, বরং বিপরীতটা ঘটবে। এভাবে ঘটবে যে,) এ দল শীঘ্রই পরাজিত হবে এবং গৃষ্ঠ প্রদর্শন করে পলায়ন করবে। (এই ভবিষ্যদ্বাণী বদর, খন্দক ইত্যাদি যুদ্ধে বাস্তব রূপ লাভ করেছে। এই পাথিব শাস্তিই শেষ নয়)। বরং (বড় শাস্তির জন্য) কিয়ামত তাদের (আসল) প্রতিশ্রুত সময়। (কিয়ামতকে সামান্য মনে করা না বরং) কিয়ামত ঘোরতর বিপদ ও তিক্ততর। (এটা অবশ্যই সংঘটিত হবে। একে অস্বীকার করার ব্যাপারে) এই অপরাধীরা পথভ্রষ্ট ও বিকারগ্রস্ত। (তাদের এই ভুল সেদিন ধরা পড়বে,) যেদিন তাদেরকে মুখ ছেঁচড়িয়ে জাহান্নামের দিকে টেনে নেওয়া হবে। (বলা হবে :) জাহান্নামের (অগ্নির) মজা আশ্বাদন কর। (যদি তারা এ কারণে সন্দেহ করে যে, কিয়ামত এই মুহূর্তে কেন সংঘটিত হয় না, তবে এর কারণ এই যে,) আমি প্রত্যেক বস্তুকে পরিমিতরূপে সৃষ্টি করেছি। (সেই পরিমাণ আমার জানা আছে। অর্থাৎ প্রত্যেক বস্তুর সময়কাল ইত্যাদি আমার জানে নির্দিষ্ট ও নির্ধারিত আছে। এমনভাবে কিয়ামত সংঘটিত হওয়ারও একটি সময় নির্দিষ্ট আছে। সেই সময় না আসার কারণেই কিয়ামত সংঘটিত হচ্ছে না। এর ফলে কিয়ামত সংঘটিতই হবে না বলে প্রতারণিত হওয়া উচিত নয়। সময় এলে সে সম্পর্কে) আমার কাজ মুহূর্তের মধ্যে চোখের পলকে হয়ে যাবে। (তোমরা যদি মনে কর যে, তোমাদের চালচলন আল্লাহর কাছে অপছন্দনীয় ও গর্হিত নয়। ফলে কিয়ামত হলেও তোমাদের কোন চিন্তা নেই, তবে শুনে রাখ) আমি তোমাদের সমমনা লোকদেরকে (আযাব দ্বারা) ধ্বংস করেছি। (এটাই তোমাদের চালচলন গর্হিত হওয়ার সুস্পষ্ট দলীল)। অতএব (এই দলীল থেকে) উপদেশ গ্রহণকারী কেউ আছে কি? (তাদের ক্রিয়াকর্ম আল্লাহর জানের আওতা-বহির্ভূতও নয়, যদ্বরূপ তাদের ক্রিয়াকর্ম গর্হিত হওয়া সত্ত্বেও আযাব থেকে বেঁচে যাওয়ার সম্ভাবনা থাকতে পারত। বরং) তারা যা কিছু করে, সবই (আল্লাহ তা'আলা জানেন এবং) আমলনামায় লিপিবদ্ধ আছে (এরূপ নয় যে, কিছু লেখা হয়েছে এবং কিছু বাদ পড়েছে, বরং) প্রত্যেক ছোট ও বড় সবই (তাতে) লিপিবদ্ধ। (সুতরাং আযাব যে হবে, এতে কোন সন্দেহ নেই। পক্ষান্তরে) যারা আল্লাহ্‌ভীরু পরহিষগার, তারা থাকবে (জান্নাতের) উদ্যানসমূহে ও নির্বাণীগীতে, চমৎকার স্থানে, সর্বাধিপতি সন্ন্যাসী আল্লাহর সান্নিধ্যে অর্থাৎ জান্নাতের সাথে আল্লাহর নৈকট্যও অর্জিত হবে।

আনুষঙ্গিক জ্ঞাতব্য বিষয়

কয়েকটি শব্দার্থের ব্যাখ্যা : **زبور** শব্দটি **زبور** এর বহুবচন। অভিধানে প্রত্যেক লিখিত কিতাবকে **زبور** বলা হয়। হযরত দাউদ (আ)-এর প্রতি অবতীর্ণ বিশেষ কিতাবের নামও যবুর। **ادھی**—এর অর্থ অত্যধিক ভয়াবহ এবং **امر** শব্দের

অর্থ তিক্ততর। এটা **مر** থেকে উদ্ভূত। কঠোর ও কষ্টকর বিষয়কেও **مر** বলা হয়। **سعر** শব্দের অর্থ এখানে জাহান্নামের অগ্নি। **اشياع** শব্দটি **شيعة** এর বহুবচন। এর অর্থ অনুসারী; অর্থাৎ যারা তাদের অনুসারী ও সমমনা। **مقعد** এর অর্থ মজলিস, বসার জায়গা এবং **صدق** এর অর্থ সত্য। উদ্দেশ্য এই যে, এই মজলিস মহতী হবে। এতে কোন অসার ও বাজে কথাবার্তা হবে না।

قَدَرٌ - اِنَّ كُلَّ شَيْءٍ خَلَقْنَاهُ بِقَدَرٍ শব্দের আভিধানিক অর্থ পরিমাপ করা,

কোন বস্তু উপযোগিতা অনুসারে পরিমিতরূপে তৈরী করা। আয়াতে এ অর্থও উদ্দেশ্য হতে পারে অর্থাৎ আল্লাহ তা'আলা বিশ্ব জাহানের সকল শ্রেণীর বস্তু বিজ্ঞসুলভ পরিমাপ সহকারে ছোটবড় ও বিভিন্ন আকার-আকৃতিতে তৈরী করেছেন। অজুলিসমূহ একই রূপ তৈরী করেন নি—দৈর্ঘ্যে পার্থক্য রেখেছেন। হাত পায়ে দৈর্ঘ্য প্রস্থ রেখেছেন, খোলা, বন্ধ হওয়া এবং সংকোচন ও সম্প্রসারণের জন্য স্পিঞ্জ সংযোজিত করেছেন। এক এক অঙ্গের প্রতি লক্ষ্য করলে আল্লাহর কুদরত ও হিকমতের বিস্ময়কর দ্বার উন্মোচিত হতে দেখা যাবে।

শরীয়তের পরিভাষায় 'কদর' শব্দটি আল্লাহর তকদীর তথা বিধিলিপির অর্থেও ব্যবহৃত হয়। অধিকাংশ তফসীরবিদ কোন কোন হাদীসের ভিত্তিতে আলোচ্য আয়াতে এই অর্থই নিয়েছেন।

মসনদে আহমদ, মুসলিম ও তিরমিযীর রেওয়াজেতে হযরত আবু হুরায়রা (রা) বর্ণনা করেন, কোরাইশ কাফিররা একবার রসূলুল্লাহ (সা)-র সাথে তকদীর সম্পর্কে বিতর্ক শুরু করলে আলোচ্য আয়াত অবতীর্ণ হয়। এই অর্থের দিক দিয়ে আয়াতের উদ্দেশ্য এই যে, আমি বিশ্বের প্রত্যেকটি বস্তু তকদীর অনুযায়ী সৃষ্টি করেছি। অর্থাৎ আদি-কালে সৃজিত বস্তু, তার পরিমাণ, সময়কাল, হ্রাস-বৃদ্ধির পরিমাপ বিশ্ব অস্তিত্ব লাভের পূর্বেই লিখে দেওয়া হয়েছিল। এখন বিশ্বে যা কিছু সৃষ্টিলাভ করে, তা এই আদিকালীন তকদীর অনুযায়ীই সৃষ্টিলাভ করে।

তকদীর ইসলামের একটি অকাটা ধর্মবিশ্বাস। যে একে সরাসরি অস্বীকার করে, সে কাফির। আর যারা দ্ব্যর্থতার আশ্রয় নিয়ে অস্বীকার করে, তারা ফাসিক। আহমদ, আবু দাউদ ও তিবরানী বর্ণিত হযরত আবদুল্লাহ ইবনে ওমর (রা) রেওয়াজেতে রসূলুল্লাহ (সা) বলেন : প্রত্যেক উম্মতে কিছু লোক মজুসী (অগ্নিপূজারী কাফির) থাকে। আমার উম্মতের মজুসী তারা, যারা তকদীর মানে না। এরা অসুস্থ হলে এদের খবর নিও না এবং মরে গেলে কাফন-দাফনে অংশগ্রহণ করো না—(রাহুল-মা'আনী)।।

سورة الرحمن
সূরা আর-রহমান

মদীনায়ে অবতীর্ণ, ৭৮ আয়াত, ৩ রুকু

بِسْمِ اللَّهِ الرَّحْمَنِ الرَّحِيمِ

الرَّحْمَنُ ۝ عَلَّمَ الْقُرْآنَ ۝ خَلَقَ الْإِنْسَانَ ۝ عَلَّمَهُ الْبَيَانَ ۝ الشَّمْسُ

وَالْقَمَرُ بِحُسْبَانٍ ۝ وَالنَّجْمُ ۝ وَالشَّجَرُ يَسْجُدَانِ ۝ وَالسَّمَاءُ رَفَعَهَا

وَوَضَعَ الْمِيزَانَ ۝ أَلَّا تَطْغَوْا فِي الْمِيزَانِ ۝ وَأَقِيمُوا الْوَزْنَ بِالْقِسْطِ وَلَا

تُخْسِرُوا الْمِيزَانَ ۝ وَالْأَرْضَ وَضَعَهَا لِلْأَنَامِ ۝ فِيهَا فَاكِهَةٌ ۝ وَ

النَّخْلُ ذَاتُ الْأَكْمَامِ ۝ وَالْحَبُّ ذُو الْعَصْفِ ۝ وَالرَّيْحَانُ ۝ فَبِأَيِّ

آيَةٍ رَّبِّكُمْ تَكْذِبُونَ ۝ خَلَقَ الْإِنْسَانَ مِنْ صَلْصَالٍ كَالْفَخَّارِ ۝

وَخَلَقَ الْجَانَّ مِنْ مَّارِجٍ مِنْ نَارٍ ۝ فَبِأَيِّ آيَةٍ رَّبِّكُمْ تَكْذِبُونَ ۝

رَبُّ الْمَشْرِقَيْنِ وَرَبُّ الْمَغْرِبَيْنِ ۝ فَبِأَيِّ آيَةٍ رَّبِّكُمْ تَكْذِبُونَ ۝

مَرْجَ الْبَحْرَيْنِ يَلْتَقِينَ ۝ بَيْنَهُمَا بَرْزَخٌ لَا يَبْغِينَ ۝ فَبِأَيِّ آيَةٍ

رَّبِّكُمْ تَكْذِبُونَ ۝ يَخْرُجُ مِنْهَا الْوُحُوشُ وَالْمَرْجَانُ ۝ فَبِأَيِّ آيَةٍ رَّبِّكُمْ

تَكْذِبُونَ ۝ وَلَهُ الْجَوَارِ الْمُنشَآتُ فِي الْبَحْرِ كَالْأَعْلَامِ ۝ فَبِأَيِّ

آيَةٍ رَّبِّكُمْ تَكْذِبُونَ ۝

পরম করুণাময় ও অসীম দয়ালু আল্লাহর নামে শুরু

(১) করুণাময় আল্লাহ (২) শিক্ষা দিয়েছেন কোরআন, (৩) সৃষ্টি করেছেন মানুষ, (৪) তাকে শিখিয়েছেন বর্ণনা। (৫) সূর্য ও চন্দ্র হিসাবমত চলে (৬) এবং তৃণলতা

ও রুক্ষাদি সিজদারত আছে। (৭) তিনি আকাশকে করেছেন সমুন্নত এবং স্থাপন করেছেন তুলাদণ্ড, (৮) যাতে তোমরা সীমালঙ্ঘন না কর তুলাদণ্ডে। (৯) তোমরা ন্যায্য ওজন কায়ম কর এবং ওজনে কম দিয়ো না। (১০) তিনি পৃথিবীকে স্থাপন করেছেন সৃষ্ট জীবের জন্য। (১১) এতে আছে ফলমূল এবং বহিরাবরণ বিশিষ্ট খর্জুর রুক্ষ। (১২) আর আছে খোসাবিশিষ্ট শস্য ও সুগন্ধি ফুল। (১৩) অতএব তোমরা উভয়ে তোমাদের পালনকর্তার কোন্ কোন্ অনুগ্রহকে অস্বীকার করবে? (১৪) তিনি মানুষকে সৃষ্টি করেছেন পোড়া মাটির ন্যায় গুচ্ছ মৃত্তিকা থেকে (১৫) এবং জিনকে সৃষ্টি করেছেন অগ্নিশিখা থেকে (১৬) অতএব তোমরা উভয়ে তোমাদের পালনকর্তার কোন্ কোন্ অনুগ্রহ অস্বীকার করবে? (১৭) তিনি দুই উদয়াচল ও দুই অভ্যাচলের মালিক। (১৮) অতএব তোমরা উভয়ে তোমাদের পালনকর্তার কোন্ কোন্ অবদানকে অস্বীকার করবে? (১৯) তিনি পাশাপাশি দুই দরিয়া প্রবাহিত করেছেন। (২০) উভয়ের মাঝখানে রয়েছে এক অন্তরাল যা তারা অতিক্রম করে না। (২১) অতএব তোমরা উভয়ে তোমাদের পালনকর্তার কোন্ কোন্ অবদানকে অস্বীকার করবে (২২) উভয় দরিয়া থেকে উৎপন্ন হয় মোতি ও প্রবাল। (২৩) অতএব তোমরা উভয়ে তোমাদের পালনকর্তার কোন্ কোন্ অবদানকে অস্বীকার করবে? (২৪) দরিয়ায় বিচরণশীল পর্বতদৃশ্য জাহাজসমূহ তাঁরই (নিয়ন্ত্রণাধীন)। (২৫) অতএব তোমরা উভয়ে তোমাদের পালনকর্তার কোন্ কোন্ অবদানকে অস্বীকার করবে?

সূরার যোগসূত্র এবং **فَبِأَيِّ آلَاءِ** বাক্যটি বারবার উল্লেখ করার তাৎপর্যঃ পূর্ববর্তী সূরা ক্বামারের অধিকাংশ বিষয়বস্তু অবাধ্য জাতিসমূহের শাস্তি সম্পর্কে বর্ণিত হয়েছিল। তাই প্রত্যেক শাস্তির পর মানুষকে হুঁশিয়ার করার জন্য **فَكَيْفَ كَانَ**

عَذَابِي وَنُذُرٍ বাক্যটি বারবার ব্যবহার করা হয়েছে। এর সাথে সাথে ঈমান ও

আনুগত্যে উৎসাহিত করার জন্য দ্বিতীয় বাক্য **وَلَقَدْ يَسَّرْنَا الْقُرْآنَ** -কে বারবার উল্লেখ করা হয়েছে।

এর বিপরীতে সূরা রহমানের বেশীর ভাগ বিষয়বস্তু আল্লাহ তা'আলার ইহলৌকিক ও পারলৌকিক অবদানসমূহের বর্ণনা সম্পর্কিত। তাই যখন কোন বিশেষ অবদান উল্লেখ করা হয়েছে, তখনই মানুষকে হুঁশিয়ার ও কৃতজ্ঞতা স্বীকারে উৎসাহিত করার জন্য

فَبِأَيِّ آلَاءِ رَبِّكُمَا বাক্যটি বারবার উল্লেখ করা হয়েছে। সমগ্র সূরায় এই বাক্য একত্রিশ বার ব্যবহৃত হয়েছে। প্রত্যেক বার বাক্যটি নতুন নতুন বিষয়বস্তুর সাথে সম্পৃক্ত হওয়ার কারণে এটা অলংকার শাস্ত্রের পরিপন্থী নয়। আল্লামা সুয়ুতী এ ধরনের পুনরুল্লেখের

নাম রেখেছেন তরদীদ। এটা বিশুদ্ধভাষী আরবদের গদ্য ও পদ্য রচনায় বহুল ব্যবহৃত ও প্রশংসিত। শুধু আরবী ভাষাই নয়, ফারসী, উর্দু, বাংলা প্রভৃতি ভাষায় সর্বজনস্বীকৃত কবিদের কাব্যেও এর নযীর পাওয়া যায়। এসব নযীর উদ্ধৃত করার স্থান এটা নয়। তফসীর রাহুল-মা'আনীতে এ স্থলে কয়েকটি নযীর উল্লেখ করা হয়েছে।

তফসীরের সার-সংক্ষেপ

করণাময় আল্লাহ্ (তাঁর অসংখ্য অবদান আছে। তন্মধ্যে একটি আধ্যাত্মিক অবদান এই যে, তিনি) কোরআন শিক্ষা দিয়েছেন (অর্থাৎ বিশ্বাস স্থাপন করার জন্য এবং ইল্ম হাসিল করে আমল করার জন্য কোরআন নাযিল করেছেন, যাতে বান্দারা চিরস্থায়ী সুখ ও আরাম হাসিল করে। আরেকটি শারীরিক অবদান এই যে, তিনি) সৃষ্টি করেছেন মানুষ, (অতঃপর) তাকে শিখিয়েছেন বিব্রতি (এর উপকারিতা হাজারো। অন্যের মুখ থেকে কোরআন শিক্ষা করা ও শিক্ষা দেওয়া তন্মধ্যে একটি। আরেকটি বিশ্বজনীন দৈহিক অবদান এই যে, তাঁর আদেশে) সূর্য ও চন্দ্র হিসাবমত চলে এবং তৃণলতা ও রুক্ষাদি। (আল্লাহ্‌র) অনুগত। সূর্য ও চন্দ্রের গতি দ্বারা দিবা-রাত্রি, শীত-গ্রীষ্ম এবং মাস ও বছরের হিসাব জানা যায়। কাজেই তা অবদান। (আল্লাহ্ তা'আলা মানুষের জন্য রুক্ষাদির মধ্যে অসংখ্য উপকার সৃষ্টি করেছেন। কাজেই রুক্ষের আনুগত্যও এক অবদান। আরেক অবদান এই যে) তিনিই আকাশকে সমুন্নত করেছেন। (নভোমণ্ডলীয় উপকারিতা ছাড়াও এর একটা বড় উপকার এই যে, একে দেখে স্রষ্টার অপরিসীম মাহাত্ম্য অনুধাবন করা যায়। আল্লাহ্ বলেন :

আরেক অবদান এই

يَتَفَكَّرُونَ فِي خَلْقِ السَّمَاوَاتِ

যে, তিনিই (দুনিয়াতে) দাড়ি-পাল্লা স্থাপন করেছেন, যাতে তোমরা ওজনে কমবেশী না কর। (এটা যখন লেনদেনের হক পূর্ণ করার একটি যন্ত্র, যন্ত্রদ্বারা হাজারো বাহ্যিক ও অভ্যন্তরীণ অনিশ্চয় দূর হয় তখন তোমরা বিশেষভাবে এই অবদানের কৃতজ্ঞতা স্বীকার কর এবং এটাও এক কৃতজ্ঞতা যে) তোমরা ন্যায্য ওজন কায়েম কর এবং ওজনে কম দিয়ো না। (আরেক অবদান এই যে) তিনিই সৃষ্টি জীবের জন্য পৃথিবীকে (তার স্থানে) স্থাপন করেছেন। এতে আছে ফলমূল এবং বহিরাবরণ বিশিষ্ট খজুর রুক্ষ। আর আছে খোসা বিশিষ্ট শস্য ও সুগন্ধ ফুল অতএব (হে জিন ও মানব) তোমরা তোমাদের পালনকর্তার (এত অধিক অবদানের মধ্য থেকে) কোন্ কোন্ অবদানকে অস্বীকার করবে? (অর্থাৎ অস্বীকার করা খুবই হঠকারিতা এবং জাজ্বল্যমান বিষয়সমূহকে অস্বীকার করার নামাস্তর। আরেক অবদান এই যে) তিনিই মানুষকে (অর্থাৎ তাদের আদি পুরুষ আদমকে) সৃষ্টি করেছেন পোড়ামাটির ন্যায় শুষ্ক মৃত্তিকা থেকে এবং জিনকে (অর্থাৎ তাদের আদি পুরুষকে) সৃষ্টি করেছেন খাঁটি অগ্নি থেকে (যাতে ধূম্ব ছিল না। অতঃপর প্রজননের মাধ্যমে উভয় জাতি বংশ বৃদ্ধি পেতে থাকে)। অতএব (হে জিন ও মানব) তোমরা তোমাদের পালনকর্তার (এত অধিক অবদানের মধ্য থেকে) কোন্ কোন্ অবদানকে অস্বীকার করবে? তিনি দুই উদয়াচল ও দুই অস্তাচলের মালিক। (দুই উদয়াচল ও দুই অস্তাচলের অর্থ সূর্য ও চন্দ্রের দুই উদয়াচল ও দুই অস্তাচল। দিবা-রাত্রির গুরু ও শেষের উপকারিতা এর সাথে